

Quintessence




5-20

*[Handwritten scribble]*

*[Faint, illegible text, possibly bleed-through from the reverse side]*

13-



12

100



# APPENDIX

CODICIS

THEODOSIANI

Nouis Constitutionibus cumulation.

*Cum Epistolis aliquot veterum Concilio-  
rum & Pontificum Romanorum,  
nunc primùm editis.*

Opera & studio IACOBI SIRMONDI  
Presbyteri Societatis IESV.



PARISIIS;

Apud SEBASTIANVM CRAMOISY,  
viâ Iacobæâ, sub Ciconiis.

M. DC. XXXI.

CVM PRIVILEGIO REGIS.

1891

1892

1893

1894

1895

1896

1897



## LECTORI.

*De diuersis Opusculis, quæ in hoc volumine continentur.*



VANTI sit ad legum ciuiliū sacrarūque intelligentiam constitutiones principum, aut epistolas pontificum, ex quibus decreta legum excerpta sunt, integras atque illibatas contueri, & ipsa vnumquemque res docet, & fidem iudicio suo fecerunt viri docti, qui in his propterea inuestigandis proferendisq; in publicum magno studio versati sunt. Quo minus mihi ambigendum, LECTOR, putauī, cū vtriusque generis nonnulla in manus meas venissent, quā & ea in lucem dari tua interesse censerēs, & nostram hoc etiā in conatu operam, quod præcipue optandum erat, minimè improbares.

I. Habes igitur primo loco Imperatoriarum aliquot legum collectionem. cui dum nomen ac titulum quaerimus, Appendix codicis Theodosiani dici posse idcirco visa est, quod ab iis tribus constitutionibus incipiat, quæ Codici Theodosij appendicis loco subiici consueverunt. Cum his enim tribus coniungi & reliquas consueſſe, quas nunc damus, docent veteres Scintillæ, ut vocabant, seu breuiaria Codicis Theodosiani, in quibus harum quoque nostrarum titulos sub finem & lemmata videre est. Ceterum codex Lugdunensis Ecclesiæ,

Vnde has primum descripsimus, & Anitienſis alter, cum quo poſtea contulimus, non Theodoſianas leges, ſed Synodus partim Africanas, partim Gallicas continebant.

**II.** Quæ poſthæc ſequuntur Epistolæ Conciliorum, ex Bibliotheca regia prodierunt: nouæ omnes, præter vltimam, quam etſi alibi vulgatam, diuelli à ceteris non placuit. Ex his binæ Ambroſij nomen præferunt: nec aberrabit fortalle, qui Ambroſianas omnes eſſe coniecerit. His ergo, quoniam ad Imperatores ſcriptæ ſunt, locum dedimus poſt Imperatorias ſanctiones; daturi ſimul & principum ad eas reſcriptis, ſi nanciſci omnia licuiſſet. Vnicum autem extabat, Gratiani Aug. ad Aquilinum, de reliquiis factionis Viſicinx: quod à Card. Baronio prolatum Tomo IV. Annalium, hoc etiam loco poſt epistolam Concilij Romani, cuius petitu datum fuerat, reddendum cenſuimus, mendis quæ itreperant ex parte ſublatis, reſtitutæque Inſcriptione, quam vocula ex contextus initio temere adſcita corruerat, Aquilinum, qui Vicarius Vrbiſ erat, Vicarium faciẽs Ordinariorum: cuius generis aut nominis Vicarius nuſquam gentium fuit.

**III.** Inter Epistolæ pontificum, quæ vltimum locum tenent, primæ ſunt Felicis III. epistolæ ſeptem, quas ſuppeditauit codex noſter Virdunenſis, nonnullo, vt ſperamus, adiumento hiftoriæ Acacianæ. Ad quam ipſam pertinet etiam vetus incerti ſcriptoris præfixa narratio, quam Breui culum hiftoriæ Euty chian iſtarum appellauimus, veteres libri vocant *Gefſta de nomine Acacij.*

Hanc auctor scriptam innuit anno CHRISTI  
 cōxxcvi. hoc est biennio post damnatum à Felice  
 Acacium. Quare aptius his temporibus congruit,  
 quàm quo hætenus loco posita est inter epistolas  
 Cælestini & Leonis. Ex prima rursus Felicis ad  
 Zenonem epistola sumptum liquet fuisse caput  
*Certum est* Dist. x. v. suppleri iam queat, quod eius  
 capituli titulo deest apud Gratianum, hoc modo,  
*Item Felix Papa Zenoni Augusto.* Gelasij Papæ  
 epistolæ duæ mutilæ sunt, vt patet. atque haud  
 scio, an ad vñum eundemque Tractatum ambæ  
 referendæ sint, qui à Nicolao Papa in epistola ad  
 Michaëlem Imp. dicitur *Tomus Gelasij ad Ori-*  
*entales Episcopos.* Ita vt quæ ibidem ex Tomo illo  
 citantur à Nicolao, & alia rursus, quæ Nicolaus  
 idem ad Gallos scribens in epistola *Quamuis sin-*  
*gularum* de præscriptione xxx. annorum com-  
 memorat ex epistola Gelasij ad Orientales, quæ  
 ipsa citat etiam Gratianus xvi. q. 3. *Post quingentos,*  
 ea cùm in his nostris fragmentis non reperiuntur,  
 in aliis quæ desiderantur fuisse credendum sit. Vi-  
 gilij demum Encyclicam, antehac desideratam,  
 & priore tantùm sui parte notam, excipiebat in  
 codice Remensi altera eiusdem epistola de dam-  
 natione Theodori Cæsariensis, cuius in Ency-  
 clica fit mentio. Tum deinde sequèbatur cleri  
 Romani de iisdem Vigilij calamitatibus relatio  
 ad Legatarios Francorum. cui edendæ hîc etiam  
 locus erat, nisi à nobis edita iam esset Tomo I.  
 Conciliorum Galliæ anno DLII.

## I N D E X.

1. Appendix Codicis Theodosiani constitutionum xx.
2. Conciliorum Italiæ anno CHRISTI. CCCXXCI. Epistolæ quinque ad Gratianum, Valentinianum, & Theodosium Impp.
3. Pontificum Romanorum Felicis III. Gelasij, & Vigiliij Epistolæ X. quibus præfixa sunt Gesta de nomine Asacij.

THE GREAT WALL

FAYT OSTER



CE CARTON.



---

INDEX  
CONSTITVTIONVM,  
quæ in Appendice Codicis  
Theodosiani conti-  
nentur.

1. CONSTANTINI AVG. ad Ablauium Præ-  
fectum prætorio. Pag. 1.  
De confirmando etiam inter minores ætates iu-  
dicio Episcoporum : & testimonium vnius Epi-  
scopi accepto ferri.
2. HONORII AVG. ad Hadrianum PP. 5.  
Episcopos iudicio Episcoporum damnatos cen-  
tum milibus ciuitate in qua fuerunt debere ex-  
cludi.
3. THEODOSII AVG. ad Optatum PP. 8.  
Non licere clericos in causis Ecclesiasticis ad pu-  
blicum pertrahere iudicium.
4. CONSTANTINI AVG. ad Felicem PP. 11.  
Non debere seruos à Iudæis circumcidi : nec in-  
quietari Iudæos qui Christiani fiunt.
5. HONORII AVG. ad Proiectum Consula-  
rem. 13.  
Collectitios eorum esse qui collegerint, aut pretij  
duplum numerari, & expensas.
6. VALENTINIANI CÆS. ad Amatum PP.  
Galliarum. 14.  
Non licere clericos iudicio litigare, & hæreticos  
debere de ciuitatibus proici. Christianos non de-  
bere Iudæis seruire, nec Iudæos causas agere,  
vel militare.

7. THEODOSII AVG. ad Eutropium PP. 17  
Vt exceptis quinque solitis criminibus, aliorum  
omnium rei carceris custodia propter Paschalem  
solemnitatem liberentur.
8. THEODOSII AVG. ad Antiochinum. 19.  
Vt præter quinque capitalia crimina, omnes rei,  
quos Paschalis solemnitas in carcere inuenerit,  
dimittantur pro gaudio & veneratione tantæ  
festiuitatis.
9. HONORII AVG. ad Theodorum II. PP. 23.  
Vt damnatos ab Episcopis clericos, & ab Ecclesia  
segregatos, curia sibi vindicet.
10. HONORII AVG. ad Palladium PP. 25.  
Vt clerici cum extraneis feminis non habitent:  
& sacrarum virginum raptores deportatione  
plectantur.
11. HONORII AVG. ad Melitium PP. 28.  
A quibus oneribus Ecclesiæ habeantur immunes.
12. HONORII AVG. ad Curtium PP. 31.  
Aduersus hæreticos & gentiles. & de vtrorumque  
ædificiis atque templis ad vsum publicum vindi-  
candis.
13. HONORII AVG. ad \* \* \* 36.  
De confugientibus ad Ecclesias, vt quinquaginta  
passibus extra fores securi fiat. & vt Episcopo  
carceres visitanti liber aditus pateat.
14. HONORII AVG. ad Theodorum PP. 38.  
De Episcopis in Africa vexatis. vt capitali sen-  
tentia deinceps in eos vindicetur, qui Ecclesiis,  
vel Episcopis, ac ministris iniuriam intulerint.
15. HONORII AVG. ad Melitium PP. 45.  
Eos infamiæ notam subire, qui obiecta clericis  
crimina probare non possunt.
16. HONORII AVG. ad Theodorum PP. 49.  
Lex quæ redemptos de captiuitate iubet aut re-  
stituere pretium, aut si pauperes sunt, quinquen-  
nio redemptoribus suis obsequi.

17. CONSTANTINI AVGVSTI. 54.  
Lex de Theodosiano, sub Titulo xxvii. De  
Episcopali definitione.
18. HONORII AVG. ad Theodorum PP. 55.  
Lex alia de Theodosiano, sub Titulo xxvii. De  
Episcopali definitione. & hoc valentior, quia  
omnibus posterior.
19. HONORII AVG. ad Constantium Patri-  
cium. 56.  
Qui libertum vel manumissum inquietat, capi-  
tali sententia plectendus.
20. VALENTINIANI AVG. ad Virum PP. 57.  
De accusatione Episcopi, presbyteri, vel diaconi.  
& quòd obnoxios cum illis ambulantes retinere  
non liceat.
21. HONORII AVG. ad Hadrianum PP. Lex II.  
*aduersus Donatistas, multo quàm in vulgatis  
libris emendatior.* 59.

---

## INDEX EPISTOLARVM Conciliorum Italiae.

1. CONCILII AQVILEIENSIS ad Gratianum  
Imperatorem. 67.  
Ne aures præbeat Vrsicino, qui Romanam sedem  
repetere moliebatur.
2. CONC. AQVILEIENSIS ad Theodosium  
Imp. 72.  
Vt Concilium Alexandriae fieri iubeat propter  
Timotheum Episcopum, qui aliquorum dissidiis  
virgebatur.
3. CONC. ROMANI ad Gratianum & Valen-  
tinianum Impp. 78.  
De damnatis è factione Vrsicini, qui Ecclesias

suas contra interdictum retinebant, ut Episcoporum iudicium subire & parere iubeantur.

RESRIPTVM *Gratiani Aug. iuxta superioris Epistola relationem, datum ad Aquilinum Vicariam Urbis.* 90.

4. CONC. ITALIÆ ad Theodosium Imp. 97.  
Inter cetera damnatos scribit in Synodo fuisse, qui Apollinaris dogma inducere conabantur.

5. CONC. ITALIÆ ad Theodosium Imp. 102.  
De Episcopo Antiochiæ subrogato post mortem Meletij. & ut Nectarius Constantinopoli post Maximum ordinatus loco cedat, aut Romæ super utriusque ordinatione Concilium habeatur.

---

## INDEX EPISTOLARVM Romanorum Pontificum.

BREVIQVLVS *Historia Eutychianistarum, seu Gesta de nomine Acacij, cum Edicto sententia Felicis Papæ in Acacium.* 111.

1. FELICIS III. EPISTOLA I. ad Zenonem Imp. 124.

Conqueritur de violatis ab eo Legatis, suadetque ut acquiescat damnationi Petri Alexandrini & Acacij.

2. EPISTOLA II. ad clerum & plebem CP. 130.  
Ne turbentur ob prauaricationem Legatorum. atque ut Acacij à sede Apostolica damnati communionem deuitent.

3. EPISTOLA III. ad monachos CP. & Bithyniæ. 134.

Tutum Ecclesiæ Defensorem prauaricationis causa fuisse damnatum. & quomodo ipsi in suos, qui Acacio adhæserint, animaduertere debeant.

4. **EPISTOLA IV. ad Zenonem Imp.** 134.  
 Laudato eius studio in ordinatione noui Episcopi,  
 hortatur vt in Acacij Petrique nominum damna-  
 tione, de qua Episcopi Legati nihil sibi manda-  
 tum responderant, cum Ecclesia Romana con-  
 sentiat.
5. **EPIST. V. ad Flauitam Episcopum CP.** 148.  
 Quod Legatos eius à communione properea sus-  
 penderit, quia de Acacij Petrique nominibus ni-  
 hil sibi mandatum responderint. Hortatur vt &  
 ipse ab his recitandis absteat, & Zenoni id  
 ipsum persuadeat.
6. **EPISTOLA VI. ad Thalassium Archimandri-  
 tam CP.** 159.  
 Ne cum Ecclesia CP. vel illius Episcopo, ipse aut  
 monachi eius ante communicent, quam à sede  
 Apostolica iussum fuerit.
7. **EPIST. VII. ad Vetraniorem Episcopū.** 162.  
 Discidij Ecclesie CP. causas exponens, hortatur  
 vt Zenonem ad vnionem cum Romana instau-  
 randam permoueat.
8. **GELASII PAPÆ Tractatus aduersus Græ-  
 cos.** 170.
9. **EPISTOLA ad Episcopos Orientales.** 189.  
 Quod in Acacij aliorumque damnatione Syno-  
 do noua opus non fuerit: & quod Petrum Ale-  
 xandrinum absolueret Acacius sine sedis Aposto-  
 licæ auctoritate non potuerit. Tum de Episcopis  
 catholicis sede sua sine discussione deiectis.
10. **VIGILII PAPÆ Encyclica ad vniuersam  
 Ecclesiam.** 218.  
 Exponit causas secessus sui ad S. Euphemiam, &  
 quid ibi egerit cum Legatis Iustiniani. simulque  
 ad ei suæ confessionem interserit,



---

## Summa Priuilegij.

**C**Autum est LVDOVICI XIII. Franciæ & Nauarræ regis priuilegio, ne quis in regno ipsius intra sex proximos annos ab hac impressione numerandos, excudat, vendat, aut excudendum, vendendum curet Librum, qui inscribitur *Appendix Codicis Theodosiani, &c. cum Epistolis aliquot veterum Conciliorum & Pontificum Romanorum, nunc primum editis opera Iacobi Sirmondi Presbyteri Societatis IESV*, præter Sebastianum Cramoisy Bibliopolam Parisiensem. Ne quis item ex regis subditis Librum eundem extra regni fines excudendum curet, vel alios, vbicumque fuerint, ad excudendum instiget, sine consensu dicti Sebastiani, sub pœna confiscationis Librorum, & aliis contra delinquentes expressis in diplomate dato Parisiis die 13. Ianuarij 1631.

Signatum

RENOUARD.

APPENDIX





# APPENDIX

## CODICIS

### THEODOSIANI.

Cum tribus iis, quæ in fine libri xvi. legantur, quindecim alias diuerforum principum constitutiones continens.

---

#### LEX I.

*De confirmando etiam inter minores ætates iudicio Episcoporum: & testimonium unius Episcopi accepto ferri.*

IMP. CONSTANTINVS AVG.  
Ablauio Præfecto præt.

**R**ELIGIONIS est clementiam nostram sciscitari voluisse, quid de sententiis Episcoporum vel antè moderatio nostra censuerit, vel

A

nunc seruari cupiamus, Ablauī pārens carissime. Itaque quia à nobis instrui voluisti, olim prærogatæ legis ordinem salubri rursus imperio propagamus. Sanximus namque, sicut edicti nostri forma declarat, sententias Episcoporum quolibet genere latas, sine aliqua ætatis discretionē, inuiolatas semper incorruptasque seruari. Scilicet v̄t pro sanctis semper ac venerabilibus habeatur, quicquid Episcoporum fuerit sententia terminatum. Siue itaque inter minores, siue inter maiores ab Episcopis fuerit iudicatum, apud vos qui iudiciorum summam tenetis, & apud ceteros omnes iudices, ad executionem volumus pertinere. Quicumque itaque litem habens, siue possessor, siue petitor erit, inter initia litis, vel decursis temporum curriculis, siue cū negotium perora-

tur, siue cū iam cœperit promi sententia, iudicium eligit sacrosanctæ legis Antistitis, illico sine aliqua dubitatione, etiamsi alia pars refragatur, ad Episcopum cum sermone litigantium dirigatur. Multa enim, quæ in iudicio captiosæ præscriptionis vincula promi non patiuntur, inuestigat & promit sacrosanctæ religionis auctoritas. Omnes itaque causæ, quæ vel prætorio iure, vel civili tractantur, Episcoporum sententiis terminatæ, perpetuo stabilitatis iure firmentur: nec liceat ulterius retractari negotium, quod Episcoporum sententia deciderit. Testimonium etiam, ab vno licet Episcopo perhibitum, omnes iudices indubitanter accipiant: nec alius audiatur, cū testimonium Episcopi à qualibet parte fuerit repromissum. Illud est enim veritatis auctoritate firmatum,

illud incorruptum, quod à sacro-  
sancto homine conscientia mentis  
inlibatæ protulerit. Hoc nos edicto  
salubri aliquando censuimus, hoc  
perpetua lege firmamus, malitiosa  
litium semina comprimentes: vt mi-  
seri homines, longis ac pene perpe-  
tuis actionum laqueis implicati, ab  
improbis petitionibus, vel à cupidi-  
tate præpropera, maturo fine disce-  
dant. Quicquid itaque de sententiis  
Episcoporum clementia nostra cen-  
suerat, & iam hac sumus lege com-  
plexi, grauitatem tuam, & ceteros,  
pro vtilitate omnium latum in per-  
petuum obseruare conueniet. Data  
iii. Nonas Maias, Constantinopoli.



## II.

*Episcopos iudicio Episcoporum damnatos centum milibus ciuitate, in qua fuerunt, debere excludi.*

IMPPP. ARCADIVS, HONORIVS,  
& Theodosius AAA. Hadriano  
Præfecto præt.

**V**T veneratio sacerdotibus debetur innoxiiis, ita & pœna moderata inquietis atque deiectis. Quemadmodum enim Deo seruientes, & diuini sacerdotij integritate lucentes, non solum vitam suam proprio præstant ornamento, sed etiam subiectæ plebis atque obedientis exemplo: ita ij, quorum indigniora sunt sub integritatis professione peccata, si exclusi degradatique ab Episcopis comprobentur, qui resupinos spiritus aduersum definita retulerint, separati ab his vrbibus, quas errore

A iij

proprio tenuerunt, & sibi debent esse reperti & aliis constituta ablegatione terrori. Plurimos enim bonos faciunt, & veneratio optimorum sacerdotum, & notabilis reprehensio pessimorum. Suggestentibus Episcopis didicimus, quosdam sacerdotes Christianæ legis, quorum delicta cœtu Episcopali & deprehensa fuerint, & eorum sententia vindicata, in sinu earum urbium, in quibus talia commissa sunt, permanere; & quærere turbas populi conuocare, turbatores quietis existere, tumultus popularis auctores, innocentes se post iudicium dicere, plebem colligere, & velut adhuc Episcopos salutari, comitatum sacrum petere, mereri mendaciis oracula & furtiua rescripta. San-  
cimus itaque hac lege, vt \* quicumque residentibus sacerdotibus fuerit Episcopali loco detrusus & nomine,

si aliquid vel contra sententiam, vel  
 contra quietem moliri fuerit depre-  
 hensus, rursusque sacerdotium pete-  
 re, à quo videtur exclusus, procul ab  
 ea vrbe quam indignus infecit, se-  
 cundum legem diuæ memoriæ Gra-  
 tiani, centum milibus vitam agat. Sit  
 ab eorum cœtibus separatus, à quo-  
 rum est societate discretus, careat vr-  
 be quam tenuit, segregetur à plebe,  
 quam mentitus vitæ professor infe-  
 cit. Sit huiusmodi personis tenore  
 huius legis illicitum sacra nostra ad-  
 ire secreta, & impetrare rescripta.  
 Omnia deiectis per culpam sacerdo-  
 tio personis quæ impetrata sunt, in-  
 fecta permaneant. Scituris his, quo-  
 rum defensione nituntur, absque sui  
 reprehensione non futurum, si his  
 polliceantur suffragium; qui diui-  
 num non videntur meruisse iudi-  
 cium, Hadriane parens carissime at-

que amantissime. Hanc igitur legem  
 sublimis magnificentia tua cunctas  
 per diœceses sibi creditas publicabit  
 ediētis, vt id quod pro quiete reper-  
 tum, pro iudicij Episcopalis confir-  
 matione constitutum, pro reprimen-  
 dis culpis inuentum est, ab omnibus  
 excolatur, à sacerdotibus feruetur.  
 Data pridie Nonas Februarias, Ra-  
 uennæ. Stilicone II. Consule.

---

## III.

*Non licere clericos in causis Ecclesiasticis ad  
 publicum pertrahere iudicium.*

IMPPR. VALENTINIANVS, THEODOSIVS,  
 & Arcadius AAA. ad Optatum  
 Præfectum Augustalem.

**G**Rauiter admodum mota est no-  
 stra clementia, quædam ab his  
 qui Episcoporum sibi nomina vin-  
 dicant perpetrata, & contra leges non



minus diuinas quàm humanas improba temeritate commissa. Vexatos etiam nonnullos orthodoxorum clericos, quorum ætas huic iniuriæ ac sacerdotium repugnabat, flagitados itineribus, quæstionariis deditos: atque hæc omnia per eos commissa, qui ad tegumenta frontis sacerdotij nominis titulos præferebant. Denique lectis in consistorio precibus, quibus Episcopalis pietas aliquid postulans refragatur denegatque, idcirco continua lege sancimus, nomen Episcoporum, vel eorum qui Ecclesiæ necessitatibus seruiunt, ne ad iudicia siue ordinariorum, siue extraordinariorum iudicum pertrahatur. Habent illi iudices suos, nec quicquam his publicis commune cum legibus: quantum ad causas tamen Ecclesiasticas pertinet, quas decet Episcopali auctoritate decidi. Quibus-

cumque igitur mota fuerit quaestio,  
quæ ad Christianam pertineat sancti-  
tatem, eos docebit sub eo iudice liti-  
gare, qui præsul est in suis partibus  
omnium sacerdotum, id est per Ægy-  
pti diocesim, Optate carissime ac iu-  
cundissime. Quare laudabilis aucto-  
ritas tua, arbitrio temperato, quic-  
quid negotiorum aliunde incidet ter-  
minabit, habituro pontificium sacræ  
disceptationis Timotheo Episcopo,  
quem sibi omnes etiam suo iudicio  
prætulere. Est enim vir cum omnium  
sacerdotum suspensione venerandus,  
tum etiam nostro iudicio iam pro-  
batus. Data pridie Nonas Februarias,  
Constantinopoli,



## IV.

*Non debere servos à Iudæis circumcidi, nec inquietari Iudæos qui Christiani fiunt.*

IMP. CONSTANTINVS AVG. AD  
Felicem Præfectum præt.

**I**Am dudum quidem constitutio-  
nis nostræ saluberrima sanctio  
promulgata est, quam nostræ repe-  
titæ legis veneratione geminamus, ac  
volumus, vt \* si quisquam Iudæorum  
Christianum mancipium, vel cuius-  
libet alterius sectæ, mercatus circum-  
cidere non perhorruerit, circumcissus  
quidem istius statuti mensura liber-  
tatis compos effectus, eiusdem priui-  
legiis potiatur: non fas Iudæo sit, qui  
circumciderit, mancipium generis  
memorati, in obsequium seruitutis  
retinere. Illud enim hac eadem san-  
ctione præcipimus, vt \* si quispiam

C. Th. No  
Christia-  
num mi-  
cip. l. 1.

C. Th. De  
Iudæis  
l. 5.

Iudæorum, referans ianuam vitæ perpetuæ, sanctis se cultibus mancipauerit, & Christianus esse delegerit, ne quid à Iudæis inquietudinis vel molestiæ patiatur. Quòd si ex Iudæo Christianum factum aliquis Iudæorum iniuria putauerit esse pulsandû, volumus istiusmodi contumeliæ machinatorem, pro criminis qualitate commissi, pœnis vlttricibus subiugari, Felix parens carissime. Quare diuinitatis affectu conuidimus ipsum in omni orbe Romano cunctos pro debita veneratione seruare: ac volumus, vt excellens sublimitas tua, literis suis per diœcesim sibi creditam commeantibus, iudices moneat instantissimè, huiuscemodi debitam reuerentiam custodiri. Data XII. Kalendas Nouembris. Proposita VII. Idus Martias Chartagine. Nepotiano & Facundo Coss.

## V.

*Collectitios eorum esse qui collegerint, aut pretij duplum numerari, & expensas.*

IMPP. HONORIUS ET THEODOSIUS  
Augg. ad Proiectum Consularem.

**I**Nuerecunda arte defenditur, si hi ad conditionem vel originem repossuntur, quibus tempore famis, cum in mortem penuria cogerentur, opitulari non potuit dominus aut patronus. Porro autem iniquum est, si expensis alterius seruatum hominem in lucem, quisq; sibi obnoxium quocumque titulo sperans audeat vindicare. Itaque magnificentia tua, inspecta serie de his qui per necessitatem aut comparati sunt, aut fortasse collecti, in eorum dominium eos faciet perdurare: aut si ab aliquo flagrantur, enumerata duplici pecunia,

quæ data est pretij nomine, atque expensarum habita ratione, ita demum ad vindicantis auctoritatem eos redire permittimus. ne sit miserum ita exhibuisse alimoniam morienti, vt seruatus in vitam postea commodis alterius in dispendio alterius proficiat. Data xv. Kalendas Iunias Monaxio & Plenta vv. cc. Coss.

---

## VI.

*Non licere clericos iudicio litigare, & hereticos debere de ciuitatibus proici. Christianos non debere Iudeis seruire; nec Iudeos causas agere, vel militare.*

IMP. THEODOSIUS, ET VALENTINIANVS  
Cæsar Amatio v. INL. Præfecto  
præt. Galliarum.

C. Th. De  
Episcopis  
& cl. 47.

**P**Riuilegia Ecclesiarum, vel clericorum omnium, quæ sæculo nostro tyrannus inuiderat, prona deuotione reuocamus. Scilicet vt quicquid

à diuis principibus constitutum est, vel quę singuli quique Antistites impetrarunt, iugi solidata æternitate seruentur, nec cuiusquam audeat titillare præsumptio. in quo nos nobis magis præstitum confitemur. Clericos etiam, quos indiscretim ad sæculares iudices debere deduci infaustus præsumptor edixerat, Episcopali audientiæ reseruamus, his manentibus quæ circa eos sanxit antiquitas. Fas enim non est, vt diuini muneris ministri temporalium potestatum subdantur arbitrio. Inlustris itaq; auctoritas tua omni æuo mansura quæ iussimus, in prouinciarum missa notitiam, præcipiet etiam sub pœna sacrilegij custodiri. specialiter id inlustribus comprehensura præceptis, vt in omnibus circa Ecclesiastica priuilegia veterum principum statuta seruentur. Diuersos verò Episcopos, ne-

farium Pelagiani & Cælestiani dogmatis errorem sequentes, per Patroclum sacrosanctæ legis Antistitem præcipimus cōueniri. Quos quia confidimus emendari, nisi intra viginti dies ex conuentionis tempore, intra quos deliberandi tribuimus facultatem, errata correxerint, seseque catholicæ fidei reddiderint, Gallicanis regionibus expelli, atque in eorum loco sacerdotium fidelius subrogari. quatinus præsentis erroris macula de populorum animis tergeatur, & futuræ bonum disciplinæ iustioris instituat. Sanè quia religiosos populos nullis decet superstitionibus deprauari, \* Manichæos, omnesque hæreticos, vel schismaticos, siue mathematicos, omnemque sectam catholicis inimicam, ab ipso aspectu urbium diuersarum exterminari debere præcipimus, vt nec præsentia quidem

C.Th.De  
hæreticis  
L.64.



dem criminoforum contagione fœ-  
dentur. Iudæis quoque, vel paganis,  
caufas agendi vel militandi licen-  
tiam denegamus. Quibus Christianæ  
legis nolumus feruire personas, ne  
occafione dominij feftam veneran-  
dæ religionis immutent. Omnes igitur  
personas erroris infaufte iube-  
mus excludi, nifi his emendatio ma-  
tura fubuenierit. Data vii. Idus Iulias,  
Aquilciæ. Coss. Theodofio Augu-  
fto xi. & Valentiniano Cæfare.

---

VII.

*Vt exceptis quinque folitis criminibus, alio-  
rum omnium rei carceris custodia propter  
Pafchalem folennitatem liberentur.*

IMPPP. VALENTINIANVS, THEODOSIVS,  
& Arcadius AAA. ad Eutropium  
Præfectum præ.

**P**Lacida beneficia lenitatis, Dei  
omnipotentis arbitrio com-  
B

moti, pro felicitate sæculi publicamus: vt illos, quos imminētis supplicij terror exagitat, insperatæ miserationis indultio, securitati perpetuę restitutos, ad communis vitę gaudia, depulsa culparum acerbitate, perducatur: vt nouę reparationis luce perfusi, melioris vitę teneant nouitatem. Ideo denique pro festiuitate Paschali, quam communi & præcelsa professione veneramur, noxas remittimus: vt ij quos mansuetudinis nostrę indulgentia liberauit, melioris instituti præcepta sectantes, nihil periculosum audeant perpetrare, Eutropi parens carissime atque amantissime, Exceptis his, quos quinq; immanitas criminum minimè patitur relaxare, ceteros carceris custodia liberatos statui pristino restituat, vt communi traditi libertati concessę securitatis gratia perfruantur.

## VIII.

*Vt præter quinque capitalia crimina, omnes rei, quos Paschalis solennitas in carcere inuenerit, dimittantur pro gaudio & veneratione tantæ festiuitatis.*

IMP. VALENTINIANVS, THEODOSIVS,  
& Arcadius AAA. Antiochino.

**S**TUDIIS nostræ serenitatis, quibus etiam præter consuetudinem statutæ atque annuæ lenitatis, ad propagandas ex more indulgentias naturali beneficio semper animamur, desideratum bonis mentibus tempus adhæret. Neque enim aliâs magis talibus beneficiis imperatoriam decet æquare pietatem, quàm cùm toto penitus orbe terrarum sacer dies festiua solennitate reparatur. Et nos quidem, præter hanc velut indictam, & maioribus traditam, pro religionis obseruatione clementiam, liberandis pene

omnibus, quos legum seueritas strinxerit, effusa penitus humanitate, opera sacra mentis exserimus. Quin per omne hoc quod inter venerandos & celebres dies medium fuit tempus, catenis leuamus, exilio soluimus, à metallo abstrahimus, deportationibus liberamus. cùm satis constet nullum propè diem esse, quo non aliquid clemens sanctumq; iubeamus. censentes nos etiam dantunum quoddam horarum pati, si qui liberetur nullus occurrerit. Ex quo apparet, properatò nos semper arripere istam necessariam exsoluendis, quatenus tamen iusta humanitas patitur, legibus sanctimoniam. quàmque continuamus omnibus temporum metis, esse voluntariam. Neque enim conuenit, inter festiuas ceremonias, & venerabiles sacri temporis ritus, strepere infelicium dissonas voces, trahi ad

communem misericordiam horren-  
 tes passis feraliter crinibus reos, audi-  
 ri tractos ex imo pectore gemitus,  
 cum vtique bene sibimet sacra & læ-  
 ta conueniant, & non deceat inter se-  
 rena votorum, ac dicatas æterno nu-  
 mini pias voces, aliquid triste sentire,  
 audire, conspicere. Vnde notam be-  
 neficiis nostris non suppressimus le-  
 nitatem. Aperimus quinetiam carce-  
 rem, vincula deponimus, impexos te-  
 nebrosæ pædore custodiæ crines de-  
 center amouemus. eripimus omnes  
 feralibus pœnis, præter eos, quibus  
 pro magnitudine scelerum non decet  
 subueniri. Habeant illa generalibus  
 excepta indulgentiis crimina suum  
 fatum, vt competens maiorum scele-  
 rum reos exitus teneat. Nullius nos  
 manibus in absoluendis iniuriam fa-  
 ciemus homicidis: nullius inultos to-  
 ros remisso adulteriorum ac talium

B iij



scelerum supplicio deferemus : causam quæ latè tenditur maiestatis integram referuamus. non aliquos in alstra peccantes, non venenarios aut magos, non falsæ monetæ reos absoluentorum felicitati cōnectimus. Si quidem digni non sunt festiux lucis vsura, à quibus grauiora commissa sunt, quàm prudens solet liberare clementia. Et ne diutius in hac criminum serie latior versetur oratio, exceptis solitis quinque criminibus, alios relaxamus, Antiochine carissime ac iucundissime. Quocirca spectabilitas tua nostræ mansuetudinis scita quantocius iubebit impleri, vt velocius læta propagentur, atque in communi omnium celebritate suspendi quicumque merentur absolui. Data x. Kalendas Maias Constantinopoli. Honorio nobilissimo puero, & Euodio Coss.

## IX.

*Ut damnatos ab Episcopis clericos, & ab Ecclesia segregatos, curia sibi vindicet.*

IMPP. ARCADIVS ET HONORIVS AVGG.  
Theodoro II. Præf. prætorij.

**V**Tinam quidem hi tantum clericorum nomen induerent, quorum in deteriore partem relabi vita non possit. Esset lætitia communis, & facile pios ritus cultusque diuinos veneratio humana sequeretur. Sed facile vitia subripiunt, ut illuc etiam error inrepat, ubi esse nisi pura non possunt. Et si censura iudicii sacerdotalis in specula prouideat, ut inter bonos non sint qui boni esse non possunt: ne tamen crimina deprehensa luxurient, & sit libera peccantibus pertinacia, placet ut \* quemcumque clericum indignum officio

C.Th.De  
Episcopis  
&c.l.39.

B iiij

- fuo Episcopus iudicauerit, & ab Ecclesiæ ministerio segregauerit, aut si qui professum sacræ religionis obsequium sponte dereliquerit, continuò eum curia sibi vindicet, vt liber illi ultra ad Ecclesiam recursus esse non possit, & pro hominum qualitate, vel quantitate patrimonij, vel ordini suo, vel collegio ciuitatis adiungat. modò vt quibuscumque apti erunt publicis necessitatibus obligentur, ita vt concludio quoque locus non sit. Vt per singulos binæ libræ auri inferendæ ærario nostro à decem primis curialibus exigantur, si alicui inlicitam conhibentiam & concludia fœda præstiterint. Omnisque hominibus improbissimis ab omnibus officiis militiæ aditus obstruatur. Nusquam enim fidi esse possunt, quos infideles Deo summo Ecclesia refutauerit, Theodore parens carissime atque



amantissime. Quod inlustris magnificentia tua in omnium notitiam datis ad singularum iudices prouinciarum literis faciet peruenire, vt vniuersis id proposita solenniter edicta declarent. Data v. Kalendas Decembris, Rauennæ. Basso & Philippo  
VV. CC. CONSS.

---

X.

*Vt clerici cum extraneis feminis non habitent: & sacrarum virginum raptores deportatione plectantur.*

IMPP. HONORIVS ET THEODOSIVS  
AA. Palladio Præfecto præt.

**R**eligiosi sacerdotis fida suggestio exigit probabilem sæculo disciplinam. Agit enim bonis moribus, ne clerici sacris ministeriis seruientes feminis iungantur externis, quas decolore consortio sororiæ ap-

pellationis excusant. Credimus quidem hanc deuotis mentibus Dei inesse reuerentiam, vt diuersorij huius habitaculum conscientia prauæ persuasionis ignoret, Sed hac societate, seu amicitia non penetret, fama contaminat, dâtq; sinistris rumoribus locum alterni sexus adiunctio, cùm foris positos, ac publico iure viuentes, ad inlecebram criminis trahit obscenæ suspicionis exemplum. Quæ cùm ita sint, inlustris & præcellsa magnificentia tua præsentis oraculi sanctionem propositis vbique diuulget editis, vt \* nouerint cuncti, qui cuiuscumque gradus sacerdotio fulciuntur, vel clericatus honore censentur, extranearum sibi mulierum interdicta consortia, hac sibi tantùm facultate concessa, vt matres, filias, atque germanas, intra domorum suarum septa contineant. In his enim

C.Th.De  
Episcopis  
&c L. 44

nihil scæui criminis æstimari fœdus naturale permittit. Illas etiam non relinqui castitatis hortatur affectio, quæ ante sacerdotium maritorum legitimum meruere coniugium. Neque enim clericis incompetenter adiunctæ sunt, quæ dignos sacerdotio sui conuersatione fecerunt. Illam verò desiderij partem legum quoque præeuntium scita solidarūt, vt. \* quisquis dedicatam Deo virginem prodigus sui raptor ambierit, publicatis bonis deportatione plectatur: cunctis accusatiouis huius licentia absque metu delationis indulta. Neque enim exigi conuenit proditorem, quem pro pudicitia religionis inuitat humanitas. Data VIII. Idus Maias Rauennæ D. N. Theodosio Aug. IX. & Constantio III. v. c. CONSS.

C. Th. De  
raptu vel  
matrim.  
sanctim.  
virg.

## XI.

*A quibus oneribus Ecclesia habeantur  
immunes.*

IMPP. HONORIUS ET THEODOSIUS  
Augg. Melitio Præf. prætorij.

**R**ECTÈ clementiam nostram, sacrosanctæ religionis obsequiis deuotis adfiduitatibus seruientem, ad confirmationem priuilegiorum quæ Ecclesiis dicauit vetustas, magnificentie tuæ suggestio religiosa commonuit: vt temerariorum hominum conatibus penitus oppressis, quibus studium est Christianam innocentiam semper appetere, eam nostri formam sanciamus arbitrij, cui deinceps nullus impunè refragator existat. \* Placet igitur, rationabilis consilij, tenore perpenso, quoniam remedia confusa nequissimis ausibus

e. Th. De  
Episcopis  
& c. l. 40.

viam relinquunt, districta moderatione præscribere à quibus specialiter necessitatibus Ecclesiæ urbium singularum habeantur immunes. Primò quippe illius vsurpationis contumelia depellenda est, ne prædia vñibus cælestium secretorum dicata sordidorum munerum fasce vexentur. Nulla iugationem talium priuilegiorum forte gratulantem muniendi itineris constringat iniuria. nihil extraordinarium ab hac vel superindictitium flagitetur: nulla pontium restauratio, nulla translationum sollicitudo gignatur. Non aurum ceteraque talia poscantur. Postremò nihil, quod præter canonicam inflationem aduentitiæ necessitatis sarcina repentina depoposcerit, eius functionibus adscribatur. Vacent Ecclesiæ solis, quibus bene consciæ sunt, diuinæ prædicationis officiis. cuncta in ora-

tionibus celebrandis horarum omnium momenta consumant. Gaudeant nostra in perpetuum liberalitate munitæ, quarum nos erga cultum pietatis æterna deuotione gaudemus. Quapropter sublimis magnificentia tua, religiosis motibus in huiusmodi negotio nobiscum decenter adcinctæ, oraculi præsentis atque in omne æuum perpeti firmitate duraturi serie comperta, roboratis omnibus quæ sacrosanctæ venerationis intuitu huiusce sanctionis auctoritate præscribimus, prouinciarum iudices scriptis currentibus admonebit, quo euidenter agnoscant vniuersos, qui deinceps temerariæ præsumptionis adnifu in iniuriam Ecclesiarum nostrique præcepti aliquid fortasse tentauerint, seuerissima interminatione quatiendos. ita vt in talibus deprehensi, contumacia feruente

peccati, post debitæ ultionis acrimo-  
niam, quæ erga sacrilegos iure pro-  
menda est, exilio perpetuæ deporta-  
tionis vtantur. Data VIII. Kalendas  
Iulias, Rauennæ. DD. NN. Honorio IX.  
& Theodosio Aug. IV. Coss.

---

XII.

*Aduersus hæreticos, & gentiles. & de utro-  
rumque adificiis atque templis ad vsum  
publicum vindicandis.*

IMPP. HONORIUS ET THEODOSIUS  
Augg. Curtio Præf. prætorij.

**P**ROFANOS hæreticorum spiritus,  
superstitionemq; gentilium, vel  
sola quidem religiosorum virorum  
sacerdotum Dei in obseruandis sol-  
licitudo criminibus, sedulitas in mo-  
nendo, auctoritas in docendo, emen-  
dare debuerat. Nec nostrarum tamen  
legum scita cessarunt, quæ in Dei

omnipotentis cultum, pœnæ etiam terrore proposito, reducerent deuiantes, ignaros quoque in ministeria diuina formarent. Sed nimirum ipsa vis mali, humana pariter ac diuina permiscens, deceptos plerosque persuationibus prauis, tam in præsens, quàm in futurum impellit exitium: & Deo simul ac nobis perdit infelici-um vitas, quas & hîc legibus dedit, & illic cogit ferre iudicium. Compulsi igitur Donatistarum pertina-  
cia, furore gentilium, quæ quidem mala desidia iudicium, conhibentia officiorum, ordinum contemptus ac-  
cendit, necessarium putamus iterare quæ iussimus. Quapropter omnia quæ in Donatistas, qui & Monteses vocantur, Manichæos, siue Priscil-  
lianitas, vel in gentiles, à nobis ge-  
neralium legum auctoritate decreta sunt, non solum manere decernimus,  
verum

C.Th. De  
hæreticis  
L. 41.



verum in executionem plenissimam  
 effectumque deduci. Ita ut ædificia  
 quoque, vel horum, vel cælicolarum  
 etiam; qui nescio cuius dogmatis  
 noui conuentus habent, Ecclesiis  
 vindicentur. Pœna verò lege propo-  
 sita velut conuictos tenere debebit  
 eos, qui Donatistas se confessi fue-  
 rint, vel catholicorum sacerdotum  
 scæuæ religionis obtentu commu-  
 nionem refugerint, quamuis Chri-  
 stianos se esse simulent. Iam verò  
 \* templorum detrahantur annonæ,  
 & rem annonariam iuuent expensis  
 deuotissimorum militum profuturæ.  
 Simulacra, si qua etiam nunc in tem-  
 plis fanisque consistunt, & quæ ali-  
 quem ritum vel acceperunt, vel acci-  
 piunt paganorum, suis sedibus reuel-  
 lantur, cum hoc repetita sciamus sæ-  
 pius sanctione decretum. Ædificia  
 ipsa templorum, quæ in ciuitatibus,

C. Th. De  
 paganis  
 & c. l. 19.

vel oppidis, vel extra oppida sunt, ad vsum publicum vindicentur. aræ locis omnibus destruantur, omniâque templa in possessionibus nostris ad vsus adcommodos transferantur, domini destruere cogantur. Non liceat omnino in honorem sacrilegi ritus funestioribus locis exigere conuiuia, vel quicquam solennitatis agitari. Episcopis quoque locorum hæc ipsa prohibendi Ecclesiasticæ manus tribuimus facultatem. Nam & agentum in rebus executionem, Maximi, Æliani, Eutychi, vt ea quæ generalibus legibus contra Donatistas, Manichæos, atque huiusmodi hæreticos, vel gentiles statuta sunt impleantur, indulsimus. Qui tamen scient in omnibus modum statutorum esse seruandum, vt ea quæ contra vetitum videntur esse commissâ, mox Iudicibus iuxta vim legum de-

ferant vindicanda. Quos quidem viginti librarum auri poena statutæ dudum multæ constringet, pari multa officiis ordinibûsque proposita, si hæc quæ statuimus eorum fuerint dissimulatione neglecta, Curti parens carissime atque amantissime. Quod ad continendos hominum mores religionemque prouisum, & ad rectores prouinciarum sublimis magnificentia tua faciet peruenire, & digno per omnes iubebit vigore seruari. Data VIII. Kalendas Decembris, Romę. Proposita Carthagine in foro, sub programme Porfyri Proconsulis, Nonis Iuniis. Basso & Philippo vv. cc. CONSS.



## XIII.

*De confugientibus ad Ecclesias, ut quinquaginta passibus extra fores securi sint. Et ut Episcopo carceres visitanti liber aditus pateat.*

IMPP. HONORIVS ET THEODOSIVS  
Pij Augg. \* \*

**C**Onuenit nostris præscita temporibus ut iustitiam inflectat humanitas. Nam cum plerique vim fortunæ sæuientis aufugerint, atque Ecclesiasticæ defensionis munimen elegerint, patiuntur inclusi non minorem quam vitauere custodiam. Nullis enim temporibus in luce vestibuli eis aperitur egressus. Atque ideo quinquaginta passibus ultra basilicæ fores Ecclesiasticæ venerationis sanctitas inhærebit. Ex quo loco quisquis tenuerit exeuntem, sacrile-

gij crimen incurrat. Nihil enim confugientibus miserationis impenditur, si aura liberior negatur afflictis. Eam quoque sacerdoti concedimus facultatem, ut carceris ope miserationis aulas introeat, medicetur ægrōs, alat pauperes, consoletur infantes: & cum singulorum causas cognoverit, interuentiones suas apud iudicem competentem suo iurē moderetur. Scimus enim, idque crebris aditionibus supplicantium, frequenter ideo plerosque in custodia detrudi, ut ad eundi iudicis libertate priuentur: & cum semel cœperit humilior persona pati custodiam, antequam causa sciatur, iniuriæ pœnam sustinere compellitur. Confestim duas auri libras fisco nostro contumax soluet officium, si sacerdotem negotia tam sancta curantem ianitor feralis excluderit. Data XI. Kalendas Decem-

bres, Rauennæ. Monaxio & Plenta  
vv. cc. Consulibus.

## XIV.

*De Episcopis in Africa vexatis, ut capitali  
sententia deinceps in eos vindicetur, qui  
Ecclesiis, vel Episcopis ac ministris, iniu-  
riam intulerint.*

IMPP. HONORIUS ET THEODOSIUS  
Augg. Theodoro viro inl. Præ-  
fecto prætorij.

**D**Vbium non est conhibentia  
iudicium fieri, & culpabili dis-  
simulatione inultum relinqui, quod  
ad turbandam quietem publicam, in  
contemptum Christianæ religionis,  
quam debito cultu veneramur, sub  
publica testificatione commissum  
addiscimus, & pariter non punitum.  
Vicina peccato in iudice dissimula-  
tio est, quem ignoratio commissi cri-

minis non defendit. Per prouinciā  
 Africā tantum quorundam teme-  
 ritati licuisse comperimus, vt Chri-  
 stianæ legis Antistites, de propriis  
 domibus raptos, vel quod est atro-  
 cius, de Ecclesiæ catholicæ penetra-  
 libus protractos, cruciatibus diuersis  
 afficerent: alios ad solam diuini cul-  
 tus iniuriam, auulsa capillorum par-  
 te fœdatos, vel alio iniuriæ genere de-  
 formatos, concurrentium speculis ex-  
 hiberent. vt esset circa eos venia gra-  
 uior, quorum saluti cōtemptus igno-  
 uerat. Tanti sceleris nefas, & imma-  
 ne flagitium, nunquam antè comper-  
 tum, Africanorum iudicū auctori-  
 tas, nec creditæ sibi potestatis iure  
 persequitur, nec debita cura referendi  
 in nostram facit notitiā peruenire.  
 Ignorari ab his potuisse non credi-  
 mus, quod commissum in ciuitatibus  
 publicè memoratur: quod iugi & ma-

gistratum & ordinum cura, stationarij apparitoris sollicitudo, quæ ministra est, nuntiorumque indicium, absentia exhibet potestatem. Licet enim insinuare leuia, grauiora reticere, non tacuisse quod propriis innotescere rectoribus per alterum formidarent, nisi intelligerent nolle iudicem vindicare. Expectandum fuit institutis accusationibus, contra professionis propriae sanctitatem, vt Episcopus suas persequeretur iniurias, & reorum nece deposcerent ultionem, quos inuitos decet vindicari. Deducitur in hanc necessitatem venia persuasor aliena, præceptor indulgentia, vt de se non ipse tractasse videatur, quod & petenti alius non negaret, aut præceptis obsecuturus sacerdotij criminoforum impunitati subiaceat. Episcopos, & alios Ecclesiæ catholicæ ministros, nisi vigor po-



testatum & fides iudicum laudabili auctoritate tueatur, erunt addicti audaciæ pessimorum. Quapropter iubemus, vt eos qui talia commisisse dicuntur, diuersorum per Africam iudicum sine innocentum læsione requirat auctoritas, ac proprio exhibitos examini, si conuinci manifesta probatione cognouerit, cuiuslibet dignitatis & honoris reos probatos, aut metallo tradat, aut pœnam deportationis subire compellat, facultatibus eorum fisco nostro sociatis. vt habeant vitam sibi clementiæ nostræ more concessam, quæ similibus non donabitur tempore futuro criminibus. Siquidem præsentis legis æternitate cunctis obseruandum constituimus, Theodore parens carissime atque amantissime, quod illustri magnificentiæ tuæ prælatum literis, proponendum edictis, in om-

C. Th. De  
Episcopis  
& c. l. ju.

nium volumus notitiam peruenire, vt \* si quisquam in hoc genus sacri-  
legij proruperit, vt in Ecclesias ca-  
tholicas inruens, sacerdotibus & mi-  
nistis; vel ipsi cultui locoque, ali-  
quid importet iniuriæ, quod geretur  
literis ordinum, magistratum, & cu-  
ratoris, & notariis apparitorum, quos  
stationarios appellant, deferatur in  
notitiam potestatum. ita vt vocabu-  
la eorum, qui agnosci potuerint, de-  
clarentur. & si per multitudinem  
commissum dicitur, si non omnes,  
possunt tamen aliquanti cognosci,  
quorum confessione sociorum no-  
mina publicentur. Atque ita prouin-  
ciæ moderator, sacerdotum & catho-  
licæ ministrorum, loci quoque ipsius  
& diuini cultus iniuriam, capitali in  
conuietos vel confessos reos senten-  
tia nouerit vindicandam. Nec expe-  
ctet vt Episcopus iniuriæ propriæ vl-

tionem deposcat, cui sacerdotij sanctitas ignoscendi solam gloriam derelinquit. Sítque cunctis non solum liberum, sed etiam laudabile, factas sacerdotibus vel ministris atroces iniurias, velut crimen publicum persequi, ac de talibus reís ultionem mereri. vt hac saltem ratione, quod agi aduersum se per Episcopum non posse confidit, ex aliorum accusationibus malorum audacia pertimescat. Et si multitudo violenta civilis apparitionis executione, & adminiculo ordinum possessorumue, non potuerit præsentari, quod se armis, aut locorum difficultate tueantur, Iudices Africani armata apparitionis præsidium, datis ad virum spectabilem Comitem Africæ literis, prælato legis istius tenore deposcent, vt rei talium criminum non euadant. Et \* ne

C. Th. De  
hæreticis  
L. 46.

reticorum, aliorumque eorum, quibus catholicae communionis cultus non potest persuaderi, Iudaei, atque gentiles, quos vulgo paganos appellant, arbitrentur legum antea aduersum sedatarum constituta tepuisse, nouerint iudices vniuersi praecipis earum fidei deuotione parendum, & inter praecipua curarum quicquid aduersus eos decreuimus exequendum. Si quisquam iudicum peccato conhibentiae, dissimulandi arte, executionem praesentis legis omiserit, amissa dignitate grauiorem motum se nostrae clementiae subiturum. officium quoque suum, quod salutem propriae contempta suggestionem defuerit, punitis tribus primatibus, condemnationi viginti librarum auri subdendum. ordinis quoque viri, si in propriis ciuitatibus vel territoriis commissum tale aliquid siluerint gratia obnoxiorum, depor-

tationis pœnam, & propriarum amissionem facultatum se nouerint futuros. Data xviii. Kalendas Februar. DD. NN. Honorio ix. & Theodosio v. Coss. Rauennæ.

# XV.

*Eos infamiae notam subire, qui obiecta clericis crimina probare non possunt.*

IMPP. HONORIUS ET THEODOSIUS  
ad Melitium virum inlustrem  
Præfectum prætorij.

**N**ON cassum veterum prudentia constituit, quod ad petitam innocentiam solaretur, & purgatis reperit ultionem, ne libera calumniantis intentio infontes affligeret. Terret quidem reum proposita pœna criminibus: sed facit accusatorem vindictæ contemplatio cautiorem. ne quisquam solis aliquando inimicitiarum

stimulis incitatus ingerat non probanda iudicibus. Quæ fori æquitas, responsis veterum & legum nostrarum æternitate solidata, cunctis est delata personis, debet clericis nunc prodesse, quos non nisi apud Episcopos conuenit accusari. Quibus nihil conuenit habere commune: ne cultus venerabilis sacerdos, & Christianæ legi dicatus minister, quibus intuitu religionis maior quàm ceteris talibus reuerentia deferenda est, securò calumniantis arbitrio, cuiuslibet criminis nondum probata obiectione maculetur: & talibus personis, quibus dignum est detulisse pro merito, peccatum iniuria fieri & sine ultione illicitè patiamur. Quapropter placituræ omnibus legis æternitate sancimus, vt \* si Episcopus, vel presbyter, diaconus, & quicumque inferioris loci Christianæ legis minister, apud Epi-

scopos, siquidem alibi non oportet, à qualibet persona fuerit accusatus, siue ille sublimis vir honoris, siue cuiuslibet alterius dignitatis, qui hoc genus miserandæ intétionis arripiat, vt homo peccatis aliquibus vel criminibus pollutus, mentiendo probatos obsequio, vel locum tenentes sacerdotij, vel diuinis seruientes mysterijs dilaceret, nouerit docenda probationibus, monstranda documentis se debere deferre. In qua si est culpa minister religionis, vitæ suæ pollutione remouendus, sacris non potest interesse secretis. At si huius est vesaniæ, quæ nullis fulta probationibus composita criminatione talium virorum adpetisse propositum videatur. si quis igitur circa huiusmodi personas non probanda detulerit, auctoritate huius sanctionis intelligat se iacturæ famæ propriæ subiacere: vt damno pудо-

ris, existimationisq̃ue dispendio, discat sibi alienæ verecundiæ impune insidiari saltim de cetero non licere. Nam sicut Episcopos, presbyteros, diaconos, ceterosq̃ue, si his obiecta comprobare potuerint, maculatos ab Ecclesia venerabili æquum est remoueri, vt contempti post hæc, & miseræ humilitatis inclinati despectu, iniuriarum non habeant actionem: ita similis videri debet iustitiæ, quod appetitæ innocentia moderatam deferri iussimus ultionem. Ideoque huiusmodi duntaxat causas Episcopi sub testificatione multorum actis audire debebunt. Data Idibus Decembris, Rauennæ. Honorio ix. & Theodosio v. Augustis Coss.





## XVI.

*Lex quæ redemptos de captiuitate iubet aut  
restituere pretium, aut si pauperes sunt,  
quinquennio redemptoribus  
suis obsequi.*

IMP. HONORIUS AD THEODORVM  
V. I N L. Præf. prætorij.

**P**Vnitis auctoribus mali publici,  
læforum quidem dolori dedimus  
vltionem: sed prouincialibus nostris  
libertatis restituendæ festinatione  
sentimus vno eodémque tempore ar-  
mis & legibus consulendum. Hinc  
denique bellorum curis mixta ratio,  
& salubris constitutio admonuit fa-  
ciendum, vt \* diuersarum homines  
prouinciarum, cuiuslibet sexus, con-  
ditionis, ætatis, quos barbaricę ferita-  
tis discursus captiua necessitate trans-  
duxerat, inuitos nemo retineat: sed ad

C. Th. De  
postlimi-  
nio. L. 2.

D

propria redire cupientibus libera sit facultas. Quibus si quicquā in vsum recuperandarum virium, vestium vel alimonix dicatur impensum, humanitati sit prestitum: nec maculet boni facti gloriam auara victualis sumptus repetitio, cum forsitan alimonix istius mercedes operarum reddiderit compensatio. Quod in examen venire non patimur, ne ad propria redire cupientes indecoris contentionibus retardentur. Exceptis his, quos quis barbaris vendentibus emisse docebitur, à quibus status sui pretium, propter vtilitatem publicam, emptoribus æquum est redhiberi: ne ingentis damni consideratio in tali necessitate positus negari faciat emptionem; & inueniamur quorum libertati consuli volumus, saluti potiùs obfuisse. Hos decet aut datum pro se pretium emptoribus restituere, aut labore, ob-

sequo, vel opere quinquennij, vicem  
 referre beneficij, habituros incolumem,  
 si in ea nati sunt, libertatem.  
 Nec honestas emptoribus quinquen-  
 nij tempus, ad compensationem ma-  
 ioris forsitan pretij datum, ingemi-  
 scat exiguum: quia humanæ vitæ fra-  
 gilitas fortè intra metas potest tépo-  
 ris constituti deficere, nec ad legis be-  
 neficium peruenire. Credant saltem  
 perditum casibus, quod humanitate  
 detulerint: licet humana misericor-  
 dia, Deo iudice, quod alteri tribuit  
 sibi præstet. Quapropter seruata de-  
 finitione legis, cuius moderationem  
 placere non dubium est, reddantur se-  
 dibus propriis, quibus iure postlimi-  
 nij, & veterum responsis prudentium,  
 incolumia cuncta seruata sunt. Quam  
 sanctionem adeo volumus custodiri,  
 vt si quisquam temeritate sacrilega  
 præceptis fuerit conatus obsistere,

actor, & conductor, procuratorque, qui ad tuendam absentis domini possessionem esse detegitur, dari se metallo, aut pœnam deportationis non ambigat subiturum. Si verò possessionis dominus contra mansuetudinis nostræ salubre constitutum venire tentauerit, rem suam fisco nouerit vindicandam, seque per Rectoris prouincię sententiam deportandum. Et vt facilis executio proueniat imperatis, Christianæ sacerdotes, vicinorum & proximorum locorum Ecclesias retinentes, quorum moribus congruit effectus talium præceptorum, curiales quoque proximarum ciuitatum placuit admoneri, vt emergentibus talium necessitatum causis adeant Iudices legis nostræ auxilium petitori. Et ne quis contumaciæ suæ culpam præcepti ignorance tueatur, Theodore parens carissime at-

que amantissime, inlustris magnificencia tua legis tenorem, literis suis edictis que propositis, ad omnium Iudicum & prouincialium notitiam faciet peruenire. ita ut nouerint Rectores vniuersi, decem libras auri à se, & tantumdem ponderis à suis apparitoribus exigendum, si quod præceptum est in gratiam cuiusquam neglectum esse doceatur: cum saluberrimæ sanctionis executionem deferri ab omnibus quidem, sed Iudicum maxime & officiorum cura obsequioque iubemus. Data III. Nonas Decembris Rauennæ, Basso & Philippo vv. cc. CONS. S. Accepta xvi. Kalendas Ianuarias.



## XVII

*Lex de Theodosiano, sub Titulo xxvii.  
De Episcopali definitione.*

IMP. CONSTANTINVS AVG.

**I**udex pro sua sollicitudine obseruare debebit, vt si ad Episcopale iudicium prouocetur, silentium accommodetur: & si quis ad legem Christianam negotium trāsferre voluerit, & illud iudicium obseruare, audiatur. etiam si negotium apud iudicem sit inchoatum. & pro sanctis habeatur quicquid ab his fuerit iudicatum. Ita tamen, ne vsurpetur in eo, vt vnus ex litigantibus pergat ad supradictum auditorium, & arbitrium suum enuntiet. Iudex enim præsens causæ integrè habere debet arbitrium, vt omnibus accepto latis pro-

CODICIS THEODOS. 55  
nuntiet. Data ix. Kalendas Iulias  
Constantinopoli. Licinio Aug. &  
Crispo Cæsare CONSS.

---

XVIII.

*Lex alia de Theodosiano, sub Titulo XXVII.  
De Episcopali definitione, & hoc validior,  
quia omnibus posterior.*

IMPPP. ARCADIVS, HONORIVS, ET  
Theodosius AAA. Theodoro PP.

**E**Piscopale iudicium ratum sit  
omnibus, qui se audiri à sacerdo-  
tibus adqueuerint. Cùm enim pos-  
sent priuati inter cõsentientes etiam  
iudice nesciente audire, his licere id  
patimur, quos necessariò veneramur:  
eámque illorum iudicationi adhi-  
bendam esse reuerentiam, quam ve-  
stris deferri necesse est potestatibus,  
à quibus non licet prouocare. Per pu-  
blicum quoque officium, ne sit cassa

L. 8. Cod.  
De Epi-  
scopali  
audientia.

D iij

cognitio, definitioni executio tribuatur. Data Idibus Decembris, Basilio & Philippo Conss.

—o—o—o—

*Hucusque codex Ecclesie Lugdunensis. reliqua partim ex Pithæano, partim ex Corbeienfi descripta sunt.*

## XIX.

*Qui libertum, vel manumissum inquietat, capitali sententie plectendus.*

IMP. HONORIVS AVG. AD  
Constantium V. IN L.  
Patricium.

**I**Nter publicas necessitates etiam hoc ad nos volumus pertinere. Si quis libertum emere ut seruum, vel qualibet manumissione donatum inquietare voluerit, non solum bona sua largitionibus nostris iussimus sociari, verum etiam capitali sententia



plecti. Ergo cùm id nos indulsisse  
peruideas, Constanti parens carissi-  
me, ad notitiam omnium ordinario-  
rum Iudicum facies peruenire, vt no-  
stro lætentur imperio. Vale Con-  
stanti parens carissime atque aman-  
tissime nobis. Regestum Rauenna  
die xv. Kalendas Februarias, Ho-  
norio Aug. xi. & Constantio iiii.  
CONS S.

## XX.

*De accusatione Episcopi, presbyteri, vel dia-  
coni. & quòd obnoxios cum illis ambu-  
lantes retinere non liceat.*

IMPP. THEODOSIVS ET VALENTINIANVS  
Augg. ad Virum Præf. prætorij.

**A**Vdemus quidem sermonem fa-  
cere solito plus timore capti, de  
sanctis & venerabilibus sacerdoti-  
bus, & secundis sacerdotibus, vel

etiam Leuitis, & eos cum omni timore nominare, quibus omnis terra caput inclinat. Audiuius enim perfidiam in Vrbe ad Deum viuui, & imperium nostrum fieri. Sed si quis  
\* ausus aut temerarius legi Ecclesiæ, vel clerico, per quos nostrum pollet imperium, audiri voluerit, si accusationem ditior persona protulerit, reposita pœna fisco nostro, id est centum pondo auri, & centum pondo argenti inferre cogatur, & sic cum actoribus Ecclesiæ causam dicat. Si autem infirmior fuerit persona, priùs  
\* cogitet animo suo percido, & sic accuset, & criminis causam dicat nunquam obrepto patrimonio nostro nescio qua perfidia temptare audeat militantes in palatio Christi terræ curiæ hinc adduci iussimus & manus eius implumbari. Si autem voluerit liberam degere vitam, nihil illi sit

cūræ Ecclesiæ catholicæ. De obno-  
xiis verò, si qui ambulauerint cum  
Episcopo, vel cum presbytero, aut  
etiam diacono, siue in platea, siue in  
agro, siue in quolibet loco, nullo  
pacto cos retineri vel adduci iube-  
mus: quoniam in sacerdotibus Ec-  
clesia constat. Data xv. Kalendas Ia-  
nuarias. Theodosio x. & Valentinia-  
no iii. Augg. Consulibus.

---

X XI.

*Lex Honorij aduersus Donatistas, multo  
quàm in vulgatis libris  
emendatior.*

IMPPP. ARCADIVS, HONORIVS,  
& Theodosius AAA. Hadriano  
Præfecto præt.

**A**Duersarios catholicæ fidei ex-  
stirpare huius decreti auctori-  
tate prospeximus. ideóque inter di-

C. Th. Ne  
sacrum  
bapt. iter.  
L. 2.

cendam specialiter eam sectam noua constitutione censuimus, quæ ne hæresis vocaretur, appellationem schismatis præferebat. In tantum enim sceleris progressi dicuntur ij quos Donatistas vocant, vt baptisma sacrosanctum, semel apud catholicos traditum, mysteriis reculcatis temeritate noxia iterarint, & homines semel vt traditum est munere diuinitatis ablutos contagione profanæ repetitionis infecerint. Ita contigit vt hæresis ex schismate nasceretur. Inde malè credulas mentes ad spem secundæ indulgentiæ blandus error inuitat. Facile est enim persuadere peccantibus, veniam prius præstitam denuo posse præstari. Quæ si concedi iterum eodem modo potest, non intelligimus cur tertio denegetur. Hi verò & seruos, vel homines iuri proprio subditos, itera-

ti baptismatis polluant sacrilegio. Quare hac lege sancimus, ut quisquis posthac fuerit rebaptizasse detectus, Iudici qui prouinciæ præsidet offeratur, ut facultatum omnium publicatione multatus, inopiæ pœnam qua in perpetuum adficiatur expendat. Ita ut filiis eorum, si à paternæ societatis prauitate dissentiunt, ea quæ fuerint paterna non pereant. ut si ipsos forsitan sæuitas paternæ deprauationis implicuit, ac reuerti ad catholicam religionem malunt, adipiscendorum his bonorum copia non denegetur. Ea præterea loca, seu prædia, quæ feralibus sacrilegiis deinceps constiterit præbuisse secretum, fisci viribus applicentur: si tamen dominus, aut domina, aut præsens fortè fuisse, aut consensum præstitisse prodetur. quos quidem iustam etiam per senten-

tiam notabit infamia. Si verò his  
nesciis, per conductorem procurato-  
rum eorum in domo agitatum hu-  
iusmodi facinus comprobatur, præ-  
iudicio à prædiorum publicatione  
suspensio, impliciti sceleris auctores  
coërcitos plumbo exilium, in quo  
omni vitæ suæ tempore afficiantur,  
accipiet. Ac ne forsitan sit liberum,  
conscientiam piacularis flagitij, per-  
petrati intra domesticos parietes, si-  
lento celare secreto, his qui forsitan  
ad rebaptizandum cogentur, refu-  
giendi ad catholicam Ecclesiam sit  
facultas : ut eius præsidio aduersus  
huius criminis & societatis auctores,  
attributæ libertatis præsidio defen-  
dantur. liceátque his, sub hac con-  
ditione fidem tueri, quam extorque-  
re ab inuitis domini tentauerint. Nec  
adsertores dogmatis catholici ea,  
qua ceteros qui in potestate sunt po-

fiti, oportet ad facinus lege constrin-  
gi. & maximè conuenit omnes ho-  
mines, sine vllò discrimine conditio-  
nis aut status, infusæ cœlitus sancti-  
tatis esse custodes. Sciant ij verò, qui  
ex supradictis sectis iterare baptisma  
non timuerint, aut qui consentiendo  
hoc facinus propriam huius societa-  
tis permixtionem damnauerint, non  
solum testandi sibi, verum adipi-  
scendi aliquid, sub specie donatio-  
nis, vel agitandorum contractuum,  
in perpetuum copiam denegatam,  
nisi prauæ mentis errorem reuertendo  
ad veram fidem consilij emenda-  
tione correxerint. Illos quoque par  
nihilominus pœna constringat, qui  
memoratorum interdictis cœtibus,  
seu ministeriis præbuerint conhiben-  
tiam. ita vt moderatores prouincia-  
rum, si in contemptum sanctionis  
huiusce consensum putauerint com-

modandum, sciant se viginti librarum auri pœna esse multandos. officia etiam sua simili condemnatione subiuganda. Principales vel defensores ciuitatum, nisi id quod præcipimus fuerint persecuti, vel his præsentibus Ecclesiæ catholicæ vis fuerit inlata, eadem multa se nouerint adtinendos. Data prid. Idus Februar. Rauennæ. Stilicone II. & Anthemio  
Coss.



CON-



CONCILIORVM  
ITALIÆ

ANNO CHRISTI CCCXXCI.

EPISTOLÆ V.

AD GRATIANVM, VALENTINIANVM,  
ET THEODOSIVM IMPERATORES.





## EPISTOLA I.

Concilij Aquileiensis ad Gratianum  
Imperatorem.

*Ne aures praebeat Vrsicino, qui Romanam  
sedem repetere moliebatur.*

IMPERATORIBVS CLEMENTISSIMIS,  
& principibus Christianis, gloriosissi-  
mis ac beatissimis Gratiano, Valenti-  
hiano, Theodosio, sanctum Concilium  
quod conuenit Aquileiæ.

**R**OVISVM est quidem,  
clementissimi principes,  
vestræ tranquillitatis sta-  
tutis, ne Arrianorum per-  
fidia vlteriùs possit latere vel serpe-  
re. Etenim effectum Concilij de-  
cretis putamus minimè defuturum.  
Sed tamen, quantum ad partes spe-  
ctat Occidentis, duo tantùm reperti

E ij

sunt, qui auderent profanis & impiis  
vōcibus obuiare Concilio, iuxta an-  
gulum ripensis Daciæ turbare con-  
sueti. Aliud est quo magis angimur,  
de quo quoniam conuenimus fuit ri-  
te tractandum, ne totum corpus pos-  
set Ecclesiæ toto orbe diffusum, &  
vniuersa turbare. Nam licet frequen-  
ter compererimus Vrsinum non po-  
tuisse obrepere pietati vestræ, quam-  
uis quietum nihil esse patiatur, & in-  
ter bellicas necessitates obreptio im-  
portuna tentetur: tamen ne sancta  
mens vestra animique tranquillitas,  
quæ omnibus consulere gestit, im-  
portuni hominis simulata adulario-  
ne flectatur; deprecandos vos & ob-  
secrandos, si dignanter ducitis, æsti-  
mamus: non solum præcauentes fu-  
tura, sed etiam præterita, quæ iam ip-  
sius temeritate gesta sunt, perhorre-  
scentes. Nam si aliquam viam nactus

fuerit audaciæ, quid non ille confundat? Sed si vnus miseratio inflectere potest, multo magis vos precatio omnium moueat sacerdotū. Quis enim nostrū ei communionis societate iungetur, cū indebitum sibi gradum vsurpare conatus, nec iure ad eum potuerit peruenire, & quem importunè affectauit, importunissimè repetere moliatur? Turbarum totiens damnatus incessit adhuc tamen, quasi præteritis non perhorrescēdus exemplis. Quid quòd, plerique sicut in hoc Concilio cognouimus, & vidimus, cum Arrianis copulatus atque coniunctus erat eo tempore, quo turbare Mediolanensem Ecclesiam cœtu detestabili moliebantur, cum Valente nunc ante Synagogæ fores, nunc in Arrianorum domibus, miscens occulta consilia, & suos iungens. & quoniam ipse apertè in eorum congrega-

Vir. 3. 10.  
2. 10. an. 10.

tiones prodire non poterat, instruens & informās quemadmodum pax Ecclesiæ turbaretur? Quo furore sperabat, quòd eorum posset fautores & socios emereri. Cùm igitur scriptum sit, *Hæreticum post vnā correctionem deuota.* cùm & alius vir sancto locutus spiritu dixerit declinandas huiuscemodi bestias, nec salutatione recipiendas atque congressu: quomodo fieri potest, vt eum, quem societati eorum insertum vidimus, non etiam assertorem perfidię iudicemus? Quod etiamsi deforet, tamen totius orbis Romani caput Romanā Ecclesiam, atque illam sacrosanctam fidem Apostolorum ne turbari sineret, obsecranda fuit clementia vestra. Inde enim in omnes venerandæ commotionis iura dimanant. Et ideo petimus & rogamus, vt obripiendi ei adimere dignemini facultatem. Scimus

clementiæ vestrę sanctum pudorem. Ne auditu vestro indigna ingerat, nō aliena ab officio & nomine sacerdotis interstrepat, non inuerecunda vobis loquatur. Quē cū habere oportuerit testimonium etiam ab his qui foris sunt, quali testimonio ciues proprii persecuti sint, clementia vestra meminisse dignetur. Pudet enim dicere, inuerecundū est recensere, quā turpis fama eum cōuitio sauciauerit. Quo saltem pudore perstrictus conticescere debuisset. & si haberet aliquam conscientiam sacerdotis, pacem Ecclesiæ concordiamque ambitioni suæ & studio præoptaret. Verū longè alienus ab omni verecundia, per abscisum hominem Paschasium signiferum furoris sui missis literis, ferit turbas, gentiles quoque & perditos concitare conatur. Oramus ergo, vt iam & populo Romano, qui

post relationem Præfecti Urbis pendet incertus, & nobis sacerdotibus securitatem interdictam importunissimi hominis abiectione tribuatis. Quo impetrato, apud Deum omnipotentem patrem, & Christum dominum eius filium, gratias iugi continuatione celebremus.

---

## EPISTOLA II.

Concilij Aquileiensis ad Theodosium  
Imperatorem.

*Vt Concilium Alexandrie fieri iubeat propter  
Timotheum Episcopum, qui aliquorum  
dissidiis urgebatur.*

IMPERATORIBVS CLEMENTISSIMIS,  
Christianisque & gloriosis beatissimis-  
que principibus, Gratiano, Valenti-  
niano, & Theodosio, sanctum Conci-  
lium quod conuenit Aquileiæ.

**Q**Uamlibet redundâtibus actio-  
nibus gratiarum, nequaquam



tamen possumus beneficia vestre pietatis æquare, Imperatores clementissimi, beatissimi & gloriosissimi principes, Gratiane, Valentiniane, & Theodosi, dilecti Deo patri, & filio eius domino nostro IESV Christo. Nam cum post multa tempora, & persecutiones varias, quas catholicis intulerant Arianiani, maximèque Lucius ille monachorum & virginum impia cæde grassatus, atque Demophilus dirum perfidiæ caput, omnes Ecclesiæ Dei per Orientem catholicis restitutæ sint, in Occidentalibus autem partibus vix duo hæretici, qui obuiare possent sancto Concilio, sint reperti, quis est qui putet se gratiarum vestrarum fore idoneum relatores? Sed tamen si beneficia vestra verbis explicare non possumus, qui & si per singulas quasque Ecclesias viritim quotidianas apud Deum nostrum, pro imperio &

pro pace ac salute vestra celebremus excubias; tamen conducti in vnum, quo munere nihil esse pulcrius opinamur, Deo nostro omnipotēti gratias agimus, quòd per vos nobis pax & concordia sit refusa. Equidem per Occidentales partes duobus in angulis tantum, hoc est in latere Daçiæ ripensis ac Mœsiæ, fidei obstrepi videbatur. Quibus tamen nunc post Concilij sententiæ vestræ fauore clementiæ opinamur illico consulendum. Per omnes autem tractus atque regiones, \* æthnicorum claustris vsque ad oceanum, manet intemerata fidelium atque vna communio. In Orientalibus autem partibus cognouimus quidem, summo gaudio atque lætitia, eiectis Arrianis, qui Ecclesias violenter inuaserant, sacra Dei templa per solos catholicos frequentari. Sed tamen, quoniā inuidia diaboli nun-

quam quiescere solet, inter ipsos catholicos audimus crebras dissensiones esse, impacatamque discordiam. totóque confundimur effectū, quòd innouata pleraque comperimus, eòsque grauari nūc, quos oportuit adiuuari, qui in nostra semper communionē durabant. Denique Alexandrinæ Ecclesiæ Timotheus Episcopus, sed & Antiochenæ Paulinus, qui semper communionis nobiscum intemeratam habuere concordiam, dissensionibus aliorum, quorum fides superioribus temporibus hæsitabat, feruntur vrgeri. Quos quidem, si fieri potest, & si fides plena commendat, ad consortia nostra optamus adiungi: sed ita vt vetustæ communionis fociis sua prærogatiua seruetur, quorum nobis non superflua cura est. Primò omnium, quia communis societas nullam habere debet offensam.

Deinde quia vtriusque partis dudum accepimus literas, præcipuéque illorum, qui in Antiochena Ecclesia diffidebant. Et quidem, nisi hostilis impedimento fuisset irruptio, aliquos etiam de nostro numero disposueramus dirigere, qui sequestres & arbitri refundendæ si fieri posset pacis existerent. Sed quia studia nostra tunc temporis habere effectum per tumultus publicos nequiuerunt, oblatas pietati vestræ opinamur preces nostras, quibus iuxta partium factum poposcimus, ut altero decedente penes superstitem Ecclesiæ permanerent, nec aliqua superordinatio attentaretur. Ideoque petimus vos, clementissimi & Christiani principes, ut & Alexandriae sacerdotum catholicorum omnium concilium fieri censeatis, qui inter se plenius tractent, atque definiant, quibus impertienda

communio, quibus seruāda sit. Nam & si Alexádrinæ Ecclesiæ semper dispositionem ordinemq; tenuerimus, & iuxta morem consuetudinemque maiorum, eius communionem indissolubili societate seruemus : tamen ne aut aliqui videantur esse posthabiti, qui & pacto, quod stare volumus, communionem nostram rogauerunt, aut vllius pacis & societatis fidelium neglecta compendia, id obsecramus, vt cum inter se cœtu pleniore tractauerint, etiam auxilia decretis sacerdotalibus vestræ pietatis adspiciant, & nobis deferri in notitiam censeatis, ne titubanti nutemus affectu: sed læti atque securi, pietati vestræ apud Deum omnipotentem agamus gratias; non solum quia exclusa perfidia est, sed quia catholicis fides & concordia restituta. Quod à vobis & Africanæ & Gallicanæ Ecclesiæ per

legatos obsecrant. hoc est vt totos faciatis vobis in orbe Episcopos debitores: licet nō mediocre sit debitum, quod virtuti vestræ debetur. Ad deprecandam autem clementiam vestram, & impetranda quæ poscimus, legatos fratres & compresbyteros nostros direximus: quos petimus vt & clementer audire dignemini, & redire maturiùs censeatis.

---

## EPISTOLA III.

Concilij Romani ad Gratianum &  
Valentinianum Impp.

*De damnatis è factione Vrsicini, qui Ecclesias suas contra interdictum retinebant, vt Episcoporum iudicium subire, & parere iubeantur.*

**E**T hoc gloriæ vestræ, clementissimi principes, pietatisque est il-

lustre documentum, quòd innumeri  
ferè ex diffusis Italiæ partibus ad su-  
blime sedis Apostolicæ sacrarium  
congregati, cùm quæreremus quid  
pro Ecclesiarum statu poscendum es-  
set à vobis, nihil melius potuimus re-  
perire, quàm quod spontanea vestrî  
prouidentia contulistis. Videmus  
quòd nec rogandi iam pudor esse de-  
beat, nec impetranda beneficia iam  
vestra sint, & imperialium series de-  
cretorum pro nobis ambiat. Nam  
quod ad æquitatem petitionis atti-  
net, iam dudum meruimus impetra-  
re quæ poscimus. quod verò ad ne-  
cessitatem spectat orandi, ita impe-  
tratorum caremus effectû, vt iterum  
impetrare cupiamus. Quod quidem,  
clementissimi principes, hominum  
perditorum exponit amentiam, ve-  
stræ autem iustitiæ munus accumu-  
lat, vt in Ecclesia vestra beneficia sæ-

pius conferantur. Namque à principio, diuino repleti spiritu, & sanctorum Apostolorum, quorum habetis in vestro honore suffragium, seruantes in dominica religione præceptum, statuistis ad redintegrandum corpus Ecclesiæ, quod furor VRSINI, qui honorem arripere est conatus indubitum, diuersas secuerat in partes, vt auctore damnato; ceterisque, quos ad turbarum sibi incentiua sociauerat, sicut oportebat, à perditione coniunctione diuulsis, de reliquis Ecclesiarum sacerdotibus Episcopus Romanus haberet examen: vt & de religione religionis Pontifex cum consortibus iudicaret, nec vlla fieri videretur iniuria sacerdotio, si sacerdos nulli vsquam profani iudicis, quod plerumque contingere poterat, arbitrio facile subiaceret. Præclara ista planè, & religiosis principibus digna sententia,



tentia, quæ diuino ministerio plurimum deferat, nec pateat errori. Quid enim dignius, quàm vt is demum iudicet de sacerdotis errato, qui vel internæ conscientiæ fauorem sine periculo suo parere se non posse cognoscat, seque reatu implicet, si absoluat indignum, vel si damnet innoxium? qui postremò, dum iniuriam religionis vlciscitur, non eam in lateribus innocentium, sed accusati quærat in moribus? Quàm multos etenim sæpe patuit, quos absoluerint iudicia, ab Episcopis esse damnatos, & quos iudicia damnauerint, absolutos? vt melior eorum sit causa, qui non sæcularia iudicia, sed diuina pensantes, abstulerunt supplicium suum, ne vexarentur innoxij, quàm qui vitam suam tormentis innocentium probauerunt. Compluria texeremus, tranquillissimi principes,

nisi esset iniuria, asseri magis decreta imperialia, quàm teneri. Sed quoniam, licet iam dudum vestræ clementiæ iudicio relegatus VRSINVS, per eos quos illicitè sacrilegus ordinavit, vilissimum quemque occultè licet sollicitare conatur: eoque exemplo nonnulli Episcopi, qui malè Ecclesiis incubant, vsu temeritatis suæ, & profani conspiratione cōtemptus, ne adquiescant Romani sacerdotis iudicio, laceffunt. ita vt etiam qui se intelligunt pro meritorum suorum ratione damnandos, vel damnatos esse viderunt, redempta vulgi multitudine, iudices suos terrore mortis exagitent, contemptisq; cognitoribus vel fugatis, illicitum obtineant sacerdotium. Idcirco statuti imperialis non nouitatem, sed firmitudinem postulamus. Indignum quippe est, vt conuentus quisque adhibita manu eo

fit munitior, quo flagitiosior fuerit.  
Sicut Parmensis Episcopus deiectus  
iudicio nostro Ecclesiam tamen re-  
tinet impudenter. Damnatuſ æquẽ  
Florentiuſ Putcolanuſ, poſteaquam  
deiectuſ eſt, cùm aures tranquillita-  
tiſ veſtræ inquietaffet, atque huiuſce-  
modi reſcriptum meruiſſet, vt ſi iudi-  
cio ſacerdotum in vrbe Roma fuiſ-  
ſet depoſituſ, ne vocem quidem in  
iudiciis proferre deberet, poſt ſex-  
tum annuſ reſiit ad ciuitatem, te-  
nuit Eccleſiam, multas in oppido Pu-  
teolano, de quo deiectuſ fuerat, ſedi-  
tiones inſolentia concitauit. Per Afri-  
cam quoq; Reſtitutuſ nomine cau-  
ſam dicere, apud Episcopos iuſſit ve-  
ſtra clementia. Debuit adquieſcere.  
ſed idem ſæua & inſolentium manu  
à cauſæ dicendæ neceſſitate diffugit.  
Per Africam ruruſtum ſacrilegos rebap-  
tizatores nutu Dei præcepiſtiſ ex-

PELLI. sed ab expulsis Claudianus est ordinatus, & ad perturbandam urbem Romam quasi Episcopus destinatur. Qui contra scripturæ præcepta diuinæ, contra iura Euangelica, vacuos omnes mysteriorum, atque ut eius verbum exprimamus, paganos fuisse vel præteriti temporis dicat Episcopos, vel præsentis. Quem quidem iussit tranquillitas vestra Roma pulsum patriam repetere propriam. Sed contemptis iudiciis, & quidem sæpe constrictus, residet tamen, sollicitans pretio frequenter pauperiores, & redemptos rebaptizare non veretur. Spoliatur magis eo quod fuerant consecuti, quàm tribuit quod manifestum est bis non posse conferri. Sic denique factio profecit VRSINI, ut Isaac Iudæo subornato, qui facto ad synagogam recursum cælestia mysteria profanauit, sancti fratris nostri

Damasi peteretur caput, sanguis innocentium funderetur, componerentur doli, quibus diuino planè instinctu prouidentia vestræ pietatis occurrit, spoliaretur præpè Ecclesia omnibus ministeriis; eâ fraude videlicet, vt dum causam dicit qui in omnes iudex fuerat constitutus, nemo esset qui de lapsis, vel certè de factiosis posset Episcopatus inuasoribus iudicare. Quia igitur vestræ iudicio tranquillitatis probata est innocētia memorati fratris nostri Damasi, integritas prædicata est, Isaac quoque ipse, vbi ea quæ detulit probare non potuit, meritorum suorum sortem tulit: quæsumus clementiam vestram, ne rursus in plurimis causis videamur onerosi, vt iubere pietas vestra dignetur, quicumque vel eius, vel nostro iudicio, qui catholici sumus, fuerit condemnatus, atque iniustè voluerit Ec-

clesiam retinere, vel vocatus à sacerdotali iudicio per contumaciam non adesse, seu ab illustribus viris Præfectis prætorio Italiæ vestræ, siue à Vicario, accitus ad urbem Romam veniat. aut si in longinquiorebus partibus huiusmodi emerferit quæstio, ad Metropolitanani per locorum iudicia deducatur examen. vel si ipse Metropolitanus est, Romam necessariò, vel ad eos quos Romanus Episcopus iudices dederit, contendere sine dilatione iubeatur. Ita vt qui depositi fuerint, ab eius tantùm ciuitatis finibus segregentur, in qua gesserint sacerdotium, ne rursus impudèter vsurpent quod iure sublatum sit. Certè si, vel Metropolitanani, vel cuiusce alterius sacerdotis suspecta gratia, vel iniquitas fuerit, vel ad Romanum Episcopum, vel ad Cõcilium certè quindecim Episcoporum finitimorum ei

liceat prouocare. Quicumque verò ita meruerit excludi, sileat & quiescat: & si Dei iudicium non veretur, minus tamen peccare vel necessitate cogatur, vt saltem de cetero pacifici atq; concordēs serenitati vestræ congruas apud Dominum nostrum referre gratias possimus. Memoratus frater noster Damafus, quoniam in sua causa vestri tenet insigne iudiciij, non fiat inferior his, quibus etsi æqualis est munere, prærogatiua tamen Apostolicæ sedis excellit; vt iudiciis publicis videantur esse subiecti, quibus sacerdotale caput lex vestra summouit. In quo post sententiam non videtur declinare iudicium, sed delatam à vobis honorificentiam flagitare. Nam quod ad leges publicas pertinet, quæ potest esse vita munitor, quàm vestra clementia qua innititur iudicata? Quòd verò ad præ-

dicandam Episcopi conscientiam seuerioribus se dedit ipse iudiciis sacerdotum, à quibus non nominis, sed etiam morum ratio pensatur, ne quis iterum calumniator existens, dum memoratum conatur appetere, virum quidem ipsum non queat lædere, quem innocentia sua munit, religioni tamen fiat iniuria in vexationibus ministrorum : accipite aliud quoque, quod vir sanctus vestræ magis conferre pietati, quàm sibi præstare desiderat, nec derogare cuiquâ, sed principibus adrogare. Quoniam non nouum aliquid petit, sed sequitur exempla maiorum, vt Episcopus Romanus, si Concilio eius causa non creditur, apud concilium se Imperiale defendat. Nam & Siluester Papa à sacrilegis accusatus, apud parentem vestrum Constantinum causam propriam prosecutus est. Et de scripturis



similia exempla suppeditant. quòd  
cùm à Præsìde sanctus Apostolus Act. 25. 11.  
vim pateretur, Cæsarem appellauit,  
& ad Cæsarem missus est. Certè priùs  
examinet causam vestra clementia,  
& si emerferit quæstio, interroganda  
distinguat, vt quemadmodum du-  
dum estis censere dignati, factorum  
à iudice ratio quærat, non arbi-  
trium sententiæ vindicetur. Ita enim  
fiet, vt nulli perditio, vel infami, aut  
accusandi summi sacerdotis, aut te-  
stificandi in eum facultas pateat il-  
licita. Si quidem non modò in Epi- 1. Tim. 5.  
19.  
scopum, sed ne in presbyterum qui-  
dem, accusationem facilè suscipien-  
dam, nisi idoneis testibus, lectio san-  
cta præscribat. Neque enim vel ini-  
mico, vel calumniatori, vel istius-  
modi viris, quales nuper insimula-  
tores patuit extitisse, tribuenda mi-  
sericordia est, quorum vita non me-

reatur fidem, tormenta abhorreat religio sacerdotis.

RESCRIPTVM GRATIANI AVG.  
iuxta superioris Epistolæ relationem  
datum ad Aquilinum Vica-  
rius Vrbis.

GRATIANVS ET VALENTINIANVS  
*Augusti Aquilino Vicario.*

**O**Rdinariorum sententia Iudicum,  
aut quæ temporum limes, aut con-  
tumacia pronuntiatio, aut habitum co-  
ram patribus sanxit examen, nec à me-  
diocri auctoritate labefactari atque con-  
uelli, nec à potentioribus, nec ab impuden-  
tibus pertimescunt. Nostra præcepta, per  
vestram negligentiam destituta, quæ tan-  
dem poterit firmare sententia, quam qui-  
dem dum despicitis non excitetis, ut lon-  
gæ tolerantia in desperatos sumat effe-  
ctum, & officium metus cogat agnosci?  
At nonne absurdius est, quod VRSINI

ius sit amentia, quàm quod serenitas nostra  
mitibus persuasit edictis, ut omnes qui  
impios cœtus profanata religione tenta-  
rent, vel ad centesimum Urbis milliare  
pellerentur? ubi pertinax furor ab obse-  
quentibus destitutus in eius tantum per-  
niciem rueret, qui solus erraret, & ut con-  
demnati iudicio rectè sentientium sacer-  
dotum, reditum postea vel ad Ecclesias  
quas contaminauerant non haberent, vel  
redintegrationem iudicij frustra à nobis  
impudenti peruicacia precarentur. Repe-  
tat laudanda & spectata tua sinceritas,  
quales ad virum clarissimum Simplicium  
quondam Vicarium literas clementia no-  
stra transmiserit, & desinat iterationem  
sperare mandati: quia pigendus mansue-  
tudinis nostræ pudor est instaurare præ-  
ceptum. **U R S I N V M** quidem Gallia  
coërcet, & ne motus aliquos inquietos  
exerceat, cohibet Agrippina secessio. quem  
tamen ipsum per occurrentes obtunden-

tem sæpius, quàm monentem, ad hoc ut  
sequentes abijceret, audiuius. Isacem  
remotus Hispania angulus titulo dam-  
nationis inclusit. non bene capiti consul-  
tum, si quid turbarum vesanus agitaue-  
rit. Parmensis Episcopus, eo perniciosior,  
quòd inclytæ Vrbi magis proximus, &  
imperitorum multitudinem magis exagi-  
tat, & Ecclesiam, de qua iudicio sancto-  
rum Præsulum deiectus est, inquietat: ina-  
nem videlicet gloriam sententia graui-  
oris expectans. quem si quid decessor tuus  
deuoti vigoris habuisset, protinus ultra  
fines debuisset extrudere. Et Florentius  
Puteolanus, post damnationem, quam  
recto iudicio conuictus accepit, mansue-  
tudinem nostram inquietare conatus, di-  
gnum tulit in progressionem responsum. Post  
quintumdecimum annum Ecclesiam, de  
qua extrusus fuerat, rursus contaminare  
conatur: congressiones illicitas facere mo-  
litur, egentemque consilij multitudinem

perditi animi persuasione deprauat. No-  
strorum videlicet Iudicum socordia fre-  
tus, qui priuata gratiæ Imperialia præ-  
cepta condonant; & religionem, quam  
nos iure veneramur, quam fortasse ipsi  
negligunt, inquietari patienter accipiunt.  
Claudianus etiam ab his qui contra diui-  
na præcepta vitia religionis instaurant,  
ab his, inquam, quos expelli iusseramus  
accitus, quasi parum facinoris aggressus  
esset, si in Africa perstitisset, Romæ sese  
dicitur intinasse: falsusque præceptor vel  
expertes adhuc deuio profanare mysterio,  
vel iam initiatos ex integro nititur fla-  
gitio maiore corrumpere. cùm religionis  
sanctissimæ disciplinam non cumulet ite-  
ratio, sed evertat. Quem nos Claudianum  
dissimili pœna ac meruit prosequentes,  
repetere tantummodo patriam hætenus,  
remota seueritate, præcepimus. Sed resi-  
dere etiam nunc dicitur imperitos sollici-  
tans, & cassam omnino mercedem requi-

rens perdit animas corporum redemptorum. Hinc illi infectatores sanctissimæ sedis, non solum Dei numine, quod satis erat, sed etiam iudiciorum examine exploratum, mentis sanctissimæ virum, ut etiam diuo patri Valentiniano est comprobatum, turpissimis calumniis Episcopum Damasum inquietare non veriti, postquam desperauerunt posse percelli, populum pro quo ille diuinitati obses est inquietant. Sed hæcenus stertit iners dissimulatio iudicantium. nec est admonere necesse, quò possit sanctio contempta procedere. hæcenus, inquam, stertit apparitorum supina desidia. Post hæc nisi omnes, ut nominatim iussionis nostræ summa complectitur, vel quos turbas istiusmodi molientes sanctorum Episcoporum Concilia consensu ostenderint, ultra centesimum milliarium ab Vrbe depuleris, atque earum ciuitatum finibus extorres esse præceperis, quarum plebem, vel Ecclesias, vel

per se, vel per simile sui vulgus exercent, præter æstimationis iniuriam, cuius apud bonos non levis iactura est, piaculum neglectæ sanctionis incurres. Volumus autem, ut quicumque iudicio Damasi, quod ille cum consilio quinque vel septem habuerit Episcoporum, vel eorum qui catholici sunt iudicio vel consilio condemnatus fuerit, si iniuste voluerit Ecclesiam retentare, ut qui euocatus ad sacerdotale iudicium per contumaciam non iuisset, aut ab illustribus viris Præfectis prætorio Gallie atque Italia, siue à Proconsulibus, vel Vicariis, auctoritate adhibita, ad Episcopale iudicium remittatur, ut ad urbem Romam sub prosecutione perueniat. aut si in longinquiore partibus alicuius ferocitas talis emerferit, omnis eius causa dictio ad Metropolitæ in eadem provincia Episcopi deducatur examen. vel si ipse Metropolitanus est, Romam necessario, vel ad eos quos Romanus Episcopus in-

dices dederit, sine dilatione contendat. Ita tamen, ut quicumque detecti sunt, ab eius tantum urbis finibus segregentur, in quibus fuerint sacerdotes. Minus enim grauius meritos coercemus, & sacrilegam pertinaciam lenius quam meretur ulciscimur. Quod si vel Metropolitanus Episcopus, vel cuiuscumque sacerdotis iniquitas est suspecta, aut gratia, ad Romanum Episcopum, vel ad Concilium quindecim finitimorum Episcoporum, accersitum liceat prouocare: modò ne post examen habitum quod definitum fuerit integretur. Iam verò illud, quod in negotiis quoque rerum minorum, & in leuibus causæ dictionibus, animis nostris iustitia naturalis inseruit, multo diligentius in causis iustissimis volumus conualescere, ne facile sit cuiquam prædito notabili prauitate morum, aut infami calumnia notato, personam criminatoris assumere, aut testimonij dictionem in accusationem Episcopi profiteri.

EPI-



## EPISTOLA IV.

Concilij Italix ad Theodosium  
Imperatorem.

*Inter cetera damnatos scribit in Synodo fuisse,  
qui Apollinaris dogma inducere  
conabantur.*

BEATISSIMO IMPERATORI, ET  
clementissimo principi Theodosio,  
Ambrosius & ceteri Epi-  
scopi Italix.

**F**Idei tuæ diffusa toto orbe co-  
gnitio intimum nostræ mentis  
demulsit affectum. eoque, ut hæc  
quoque gloria imperio tuo crearetur,  
quòd vnitatem reddidisse Occi-  
dentalium iuxta atque Orientalium  
Ecclesiis videreris, clementiam tuam  
obsecrandam pariter ac super Eccle-  
siasticis negotiis instruendam no-  
stris literis æstimauimus, Imperator.

G

tranquillissime ac fidelissime. Dolori enim erat, inter Orientales atque Occidentales interrupta sacrae communionis esse consortia. Silemus iam quorum errore, quorumue delicto, ne ferere fabulas & alloquia cassa videamur. Nec nos tentasse poenitet, quod intentatum caderet in culpam. Isto enim sæpe arguebamur, quòd posthabere Orientalium societatem, & refutare gratiam videremur. Laborem quinetiam nobis indicendum putauimus, non pro Italia, quæ iamdudum ab Arrianis quieta atque secura est, nec vlla hæreticorum perturbatione vexatur. non inquam pro nobis, quia non quærimus quæ nostra sunt, sed quæ sunt omnium: non pro Gallia atque Africa, quæ omnium sacerdotum concordie societate potiuntur. sed vt ea quæ communionem nostram de Orientis parte

turbauerunt, cognoscerentur in synodo, & omnis è medio scrupulus tolleretur. Non solum enim de his quæ clementia tua dignata est scribere, sed etiam de illis, qui dogma nescio quod, Apollinaris asseritur, in Ecclesiam conantur inducere, nos pleraque mouerunt, quæ partibus fuerant refecanda præsentibus. ut conuictus in dogmate nouo, & redargutus in errore, nequaquam sub generali fidei lateret nomine: sed illico, quod doctrinæ magisterio non teneret, & officium deponeret, & vocabulum sacerdotis: nec fibræ aliquæ posthac fallere cupientibus, & præstigiarum commenta remanerent. Nam qui conuictus non fuerit præsentibus partibus, quod verè augusto principalique responso tua clementia definiuit, referendam semper ansulam quæstionis arripiet. Eo igitur

obsecrauimus sacerdotale Concilium, vt nemini liceret mendacium in absentem componere, & in Concilio discuteretur quid esset in vero. Itaque non cadit in eos intentionis vel facilitatis vlla suspicio, qui omnia præsensibus partibus obseruauerunt. Sanè allegata texuimus, non definiendi, sed instruendi gratia. & qui iudicium petiuimus, non deferimus præiudicium. Neque vllum eorum æstimandum conuitium fuit, cùm rogarentur ad Concilium sacerdotes, quorum frequenter præsentior absentia fuit, quando in commune consuluit. Neque enim vel nos æstimauimus esse conuitium, cùm vnus Constantinopolitanæ Ecclesiæ presbyter, Paulus nomine, intra Achaïam synodum Orientalium iuxtâ atque Occidentalium postulauerit. Aduertit clemen-

tia tua, non fuisse irrationabile postulatum, quod etiam ab Orientalibus est petatum. Sed quia Illyrici suspecta mouetur, ideo maritima ac tutiora quæsitæ sunt. Neque planè nos tanquam ex forma aliquid innouauimus : sed sanctæ memoriæ Athanasij, qui quasi columen fidei fuit, & veteris sanctitatis patrum nostrorum in Conciliis definita seruantes, non euellimus terminos quos posuerunt patres nostri, nec hereditariæ communionis iura violamus, sed debitam vestro imperio honorificentiam reseruantes, studiosos nos pacis & quietis ostendimus.



## EPISTOLA V.

Concilij Italiæ ad Theodosium  
Imperatorem.

*De Episcopo Antiochiæ subrogato post mortem Meletij. Et ut Nectarius Constantino-  
poli post Maximum ordinatus loco cedat,  
aut Romæ super utriusque ordinatione Con-  
cilium habeatur.*

BEATISSIMO IMPERATORI, ET  
clementissimo principi Theodosio,  
Ambrosius & ceteri Epi-  
scopi Italiæ.

**S**ANCTUM animum tuum Deo  
omnipotenti pura & sincera fide  
deditum sciebamus: sed recentibus  
cumulasti beneficiis, quòd catholi-  
cos Ecclesiis reddidisti, Imperator  
Auguste. Atque utinam catholicos  
ipso reuerentiæ veteri reddidisse,  
ut nihil nouarent contra præscripta

maiorum, nec temere vel seruanda rescinderent, vel rescindenda seruarent. Itaque dolentiùs fortè quàm inconsultiùs ingemiscimus, Imperator, faciliùs expelli potuisse hæreticos, quàm inter catholicos conuenire. Quanta enim nuper cõfusio facta sit, explicari nõ potest. Scripseramus dudum, vt quoniam Antiochena ciuitas duos haberet Episcopos, Paulinum atque Melitium, quos fidei concinere putabamus, aut inter ipsos pax & concordia saluo ordine Ecclesiastico conueniret, aut certè, si quis eorum altero superstite decessisset, nulla subrogatio in defuncti locũ superstite altero gigneretur. At nunc Melitio defuncto, Paulino superstite, quem in communione nostra mansisse consortia quæ à maioribus inoffensè ducta testantur, contra fas atque Ecclesiasticum ordinem, in

locum Melitij, non tam subrogatus, quàm superpositus asseritur. Atque hoc factum allegatur consensione & consilio Neëtarij, cuius ordinatio quem ordinem habuerit non videmus. Namque in Concilio nuper, cùm Maximus Episcopus Alexandrinæ Ecclesiæ communionem manere secum lectis Petri sanctæ memoriæ viri literis prodidisset, eiúsque intra priuatas ædes, quia Arriani basilicas adhuc tenebant, secretum esse, mandatoribus Episcopis ordinantibus, dilucida testificatione docuisset, nihil habuimus, beatissime Principum, in quo de Episcopatu eius dubitare possemus. cùm vim sibi repugnantem à plerisque etiam de populo & clero testatus esset illatam. Tamen ne absentibus partibus præsumptè aliquid definisse videremur, clementiam tuam datis literis pu-



tauimus instruendam, vt ei consuleretur ex vsu publicæ pacis atque concordia. Quia reuera aduertebamus Gregorium nequaquam secundum traditionem patrum Constantinopolitanæ Ecclesiæ sibi sacerdotium vindicare. Nos igitur in Synodo ea, quæ totius orbis Episcopis videbatur esse præscripta, nihil temere statuendum esse censuimus. Adeo ipso tempore qui generale Concilium declinauerunt Constantinopolique gessisse dicuntur. Nam cùm cognouissent ad hoc partium venisse Maximum, vt causam in Synodo ageret suam, quod etiam si indictum Conciliū non fuisset, iure & more maiorū, sicut & sanctæ memoriæ Athanasius, & dudum Petrus Alexandrinæ Ecclesiæ Episcopi, & Orientalium plerique fecerunt, vt ad Ecclesiæ Romanæ, Italiæ, & totius Occidentis con-

fugisse iudicium viderentur. cùm  
eum, sicut diximus, experiri velle ad-  
uersum eos qui Episcopatum eius  
abnuerant comperissent, præstolari  
vtique etiam nostram super eo sen-  
tentiam debuerunt. Non præroga-  
tiua vindicamus examinis, sed  
consortium tamen debuit esse com-  
munis arbitrij. Postremò priùs con-  
stare oportuit, vtrum huic abrogan-  
dum, quàm alij conferendum sacer-  
dotium videretur. ab his præsertim,  
à quibus se Maximus vel destitu-  
tum, vel appetitum iniuria quere-  
batur. Itaque cùm Maximum Epi-  
scopum receperunt in communio-  
nem nostra consortia, quoniam eum  
à catholicis constitit Episcopis or-  
dinatum, nec ab Episcopatus Con-  
stantinopolitani putauimus petiti-  
one remouendum. Cuius allegatio-  
nem præsentibus partibus æstima-

uimus esse pendendam. Nectarium autem cùm nuper nostra mediocritas Constantinopoli cognouerit ordinatum, cohærere communionem nostram cum Orientalibus partibus non videmus. Præsertim cùm ab iisdem Nectarius dicitur illico sine communionis consortio destitutus, à quibus fuerat ordinatus. Non mediocris igitur hic scrupulus. Nec quædam nos angit de domestico studio & ambitione contentio, sed communio soluta & dissociata perturbat. Nec videmus eam posse aliter conuenire, nisi aut is reddatur Constantinopoli, qui prior est ordinatus, aut certè super duorum ordinatione sit in vrbe Roma nostrum Orientaliumque Concilium. Neque enim indignum videtur, Auguste, vt Romanæ Ecclesiæ Antistitis, finitimorumque & Italarum Episcoporum

debeant subire tractatum, qui vnus Acholij Episcopi ita expectandum esse putauerunt iudicium, vt de Occidentalibus partibus Constantinopolim euocandum putarent. Si quid vni huic reseruatum est, quanto magis pluribus reseruandum est? Nos autem à beatissimo principe fratre tuæ pietatis admoniti, vt tuæ clementiæ scriberemus imperio, postulamus, vt vbi vna communio est, commune velit esse iudicium, concordantemque consensum.



PONTIFICVM  
ROMANORVM  
FELICIS III. GELASII,  
ET VIGILII,  
EPISTOLÆ X.

QVIBVS PRÆFIXA SVNT  
GESTA DE NOMINE ACACII.



---

BREVICVLVS HISTORIÆ  
EVTYCHIANISTARVM.

Siue, vt vetus habet inscriptio,  
GESTA DE NOMINE ACACII.

**I**N causa fidei Christianæ, cui ab exordio sui nunquam defuisse probantur inimici, nostro quidem sæculo, sed interuallo temporum, Nestorius & Eutyches non noua dogmata suæ peruersitatis, sed nomina prodiderunt. Nam Nestorius ante quinquaginta & octo ferè annos, Photini & Pauli Samosatani secutus errorem, Oasitano exilio meruit relegari, dicendo, sicut ab auctoribus suis didicit, Christum dominum nostrum hominem tantummodo de virgine Maria esse progenitum. Contra quem Eutyches, post annos non plurimos, æstimans disputandum, rectum tramitem tenere nesciens offendit, & in Apollinaris est raptus insaniam, in hæc verba prorumpens, quibus assereret Christum verum hominem non fuisse,

nec in eo duas naturas esse credendas, sed vnam tantummodo Dei verbi, verumtamen incarnatam. Quam quidem non esse hominis perhibuit, sed humanam, vt similitudo magis humani corporis, quàm ipsa veritas suaderetur. Cùm catholica fides verum Deum, verumque hominem, Christum Dei filium esse fateatur, non vnus naturæ, sed vnus essentiaæ atque personæ. Cùm ergo Eutychem istum, presbyterum & abbatem Constantinopolitanæ ciuitatis, Eusebius Dorylitanus Episcopus suadere talia reperisset, zelo fidei, quam etiam cùm Agens in rebus esset ostendit, (ipse enim Nestorium quoque in tempore reprehendit in Ecclesia res sacrilegas prædicantem) detulit ad Flavianum Episcopum, & ad iudicium prouocauit. Dicta causa est. Cùm partes suas Eutyches videret vrgeri, per Chrysaphium spatarium Theodosij præsidium principis expetiuit. Cuius præcepto Florentius vir illustris, ex Consule, discussione Eutychis abesse non potuit. & iam in præsentia ipsius conuincitur Eutyches, atque damnatur. Offenditur Imperator, & in Ephesina ciuitate mandat Synodum congregari.



gari. Adfunt ferè cccclx. Episcopi, principibus Dioscoro Alexandrino Episcopo, Iuuenali Hierosolymitano, Thalassio Cæsariensi, Eustathio Berytensi, Eusebio Ancyritano, Basilio Isauriæ. Interfuerunt etiam Vicarij ab Apostolica sede directi, Iulius Puteolanus Episcopus, Hilarus Archidiaconus, quia presbyter Renatus in Delo insula morte præuentus est. Adfuit etiam Dulcitius Notarius. In quo conuentu repudiata est epistola Pape Leonis dogmatica ad Synodum Flavianumque directæ, & penitus non permittitur recēferi. Tota die, id est vi. Idus Augusti, nihil aliud nisi quondam Nestorij damnati, id est prioris Ephesinæ Synodi gesta releguntur. Simul etiam discutitur, lectis omnibus chartis, iudicium de Eutyche sanctæ memoriæ Flauiani. Interea cū Eutyche blasphemix relegerentur, ab omnibus adclamatum est, hanc esse veram fidem, hanc orthodoxam. Deicitur contradicentibus Vicariis Romanis Flavianus, & recipitur Eutyches. Damnatur etiam Eusebius Episcopus accusator eiusdem presbyteri, tanquam Nestorianus, qui antè, dum adhuc

esset laicus, Nestorij fuerat accusator. Ita enim nihil volunt isti Eutychianistæ inter se esse atque Nestorium, vt quicumque apud eos Eutychianista non fuerit, Nestorianus prorsus habeatur. cùm doctrina catholica vniat duas naturas in Christo, non diuidat sicut Nestorius fecit. Et isti quidem reperiuntur deteriora garrere. Nam fidentissimè dicunt rem ineptam, rem etiam stolidis execrandam, ante vnitionem, id est incarnationem, duas dici debere naturas; pòst verò vnā Dei verbi tantum incarnatam: vt si dicamus aliquid ceratum, aut picatum, aut stagnatum, aut quolibet alio genere coloratum. Iam verò post diem tertium Synodi, qua deiectus est sanctæ memoriæ Flavianus, deicitur etiam & Domnus Antiochenus, Dioscorus repentè discessit, solutusque conuentus est. Ducitur in exilium Flavianus, & apud Epipam, quæ est ciuitas Lydiæ, seu superueniente, seu ingesta morte defunctus est. Tunc temporis Anatolius quidam presbyter Alexandrinus apud Constantinopolim morabatur. Hæc enim consuetudo prædictis est, vt ad comitatum vicibus clerici diri-

EVTYCHIANISTARVM. IIJ  
gantur; ne quid fortè causæ vel necessi-  
tatis emergat. Fit ergo iste Anatolius  
Constantinopoli Episcopus, homo par-  
tium Dioscori. Exempto anno moritur  
Theodosius Imperator, Chrysaphius pu-  
nitur, Marcianus factus est princeps. Læ-  
sam fidem grauitè ferens indicit Syno-  
dum apud Nicæam, in qua & ipse & Pul-  
cheria resedit, & omnis cum eo senatus  
& potestates. Quam Synodum postea  
transtulit Calchedona propter palatii vi-  
cinitatem. Conueniunt quingenti & vl-  
tra Episcopi totius Orientis & Ægypti.  
Dioscorus exhibetur, vt facti sui causas  
in Concilio possit adserere. Interfuit  
etiam Imperator ipse conuentui. inter-  
fuit & senatus, & omnes Iudices, & om-  
nes aulicæ potestates. Eusebius ille Do-  
rylitanus Episcopus, qui ante annum de  
exilio fugiens Roma venerat, etiam &  
Calchedonenſi Synodo interesse prope-  
rauit. Accusat ipse Dioscorum, & alij  
Alexandrini. Quid multa? Damnatur  
Dioscorus, sanctæ memoriæ Flauiani  
corpus officiosissimè Constantinopolim  
reportatur, apud Alexandriam Prote-  
rius catholicus fit sacerdos. Quidam Ti-

motheus, cui cognomen erat Ælurus, presbyter, & Petrus diaconus, qui Episcopatum nunc Alexandrinæ occupauit Ecclesiæ, Dioscori sectatores, se ab Ecclesia Alexandrina separarunt. Quos cum Proterius Episcopus suis monitis ad ministeria sua reuocare nō posset, vtrumque damnauit. Mortuo principe Marciano, collectis turbis hæreticorum Timotheus & Petrus veniunt Alexadriam, & ordinatur ab hæreticis Timotheus Episcopus. Duo igitur apud Alexandriam Episcopi esse cœperunt. Ante triduum Paschæ, quo cœna Domini celebratur, collecta multitudo perditorum occupatur Ecclesia, ad quam se sanctæ memoriæ Proterius de more contulerat. Ibi supradicto die in baptisterio occiditur, laniatur, eiicitur, & funus eius incenditur, cinerésque ipsius sparguntur in ventos. Leo sumit imperium. ad quem tanti facinoris catholicorum querela peruenit. contra quos hæretici supplicarunt, petentes vt Calchedonenfis Synodus aboleretur. illi autem vindictam tanti sceleris spectabant. Considerans Imperator nimis esse graue, vexari tan-

tos iterum sacerdotes, quorum plurimos aut ætas, aut infirmitas, aut etiam paupertas hunc laborem subire prohibebat, dirigit Magistrianos per totum Orientem. dirigit etiam Anatolius Episcopus Constantinopolitanus Asclepiadem diaconum suum. Per quos & omnes illi Episcopi, qui Calchedona fuerant congregati, quid Alexandriæ factum fuisset agnoscunt: interrogatique cum suis provincialibus Episcopis rescribunt, Calchedonensem Synodum vsque ad sanguinem esse defendendam, quia non alteram fidem statuit quàm Synodus Nicæna. Timotheum non solum Episcopum non haberi, sed etiam Christiani appellatione priuari. Quo deposito; fit alter Timotheus catholicus Episcopus Alexandriæ. Vix Timotheus hæreticus depellitur, fugit Petrus. mittitur in exilium Timotheus Chersona, qui locus est in Ponto abditus. Quamdiu vixit Imperator Leo, vixit Timotheus Episcopus Alexandriæ cum quiete. Sed cum Basiliscus occupasset imperium, damnare cœpit Calchedonensem Synodum, & catholicos persequi. Tunc denique Timo-

theus ille damnatus accepta libertate venit Constantinopolim, & damnatos hæreticos locis suis reddidit. Vadit Alexandriam, fugit Timotheus catholicus, & in monasterio latet. Petrus ille iterum se iunxit Timotheo, cum quo fuerat antè damnatus. Redit Zeno Imperator ad regnum, Basiliscus opprimitur. Mittitur Alexandriam, ut pulso peruasore Timotheo Timotheus catholicus redderetur Ecclesiæ. Sed Timotheo damnato morte præuento, Petrus consors ipsius ab vno hæretico Alexandrinis Episcopus ordinatur. Quem nihilominus deiici iussit Christianissimus Imperator, & reduci Timotheum catholicum, sicut Acacij Constantinopolitani literis continetur. Cum plurimi, seu clerici, seu monachi, seu sæcularis vitæ homines, ad communionem catholici Episcopi Timothei nollent penitus conuenire, diuersis sacris terruit vn̄uersos clementissimus Imperator. Scripsit ad Papam Simplicium Timotheus [dicens Petrum olim in diaconio esse damnatum, nunc etiam Christiana societate semotum : mandans per Esaiam Episcopum] rogans ut scribere-

tur Imperatori de Petro, qui latebat in Alexandrina ciuitate, & insidiabatur Ecclesiæ, vt ad longinquum deportaretur exilium. Per ferme triennium sanctæ memoriæ Papa Simplicius non desit scribendo ad Acacium Episcopum, vt ageret cum Imperatore, & fieret de Petro quod Timotheus Episcopus postulabat. Scriptum est etiam principi, sed nunquam inde rescriptum est. Post omnia, Ioannem presbyterum œconomum suum Timotheus ad principem misit, rogans vt si quid humanicus sibi fortè contingeret, iubèret pietas eius catholicum à catholicis ordinari. Ad cuius petita responsum est, & tam ipsi quàm clericis scriptum. atque in iisdem sacris Ioannes œconomus multis laudibus prædicatur, vt iam penè omnibus Alexandrinis Episcopalis putaretur officij candidatus. Defuncto isto Timotheo Episcopo, Ioannes œconomus catholicus à catholicis ordinatur Episcopus. Qui cùm de consuetudine maiorum ad Apostolicam sedem Synodica [per Isidorum presbyterum, & Petrum diaconum] scripta misisset, superueniente Vranio subadiuuu, & contra

Ioannem iam Episcopum sacra principis deferente, ab Episcopatus illius confirmatione Papa suspensus est. Et quia in iisdem sacris de restituendo Petro, quem ipse damnauit, fecerat mentionem, hæc pars omnino est abnegata. Vnde videtur clemētissimus Imperator offensus. Cū ergo sanctæ memoriæ Papæ Simplicij nihil totiens ad Acacium directa, propter Alexandrinæ Ecclesiæ quietem, & catholicæ fidei integritatem, scripta proficerent, superuenit idem sanctus Ioannes Episcopus, qui sicut decebat ab Apostolica sede susceptus est. Nam & priores eius similiter Romanæ Ecclesiæ tempore persecutionis suffugium poposcerunt. Huius aduentus plenius vniuersa patefecit. Cui dum Acacij scripta legeremus, quæ de Petro & Ioanne Antiochenis miserat, excessus Acacij etiam in hac causa grauissimosprehendit. Illo enim tempore, quo de Petro Alexandrino damnato retulerat, non longè post etiam de Petro & Ioanne scripserat. Petrum apud Constantinopolim monasterium gubernasse: sed hoc propter crimina derelicto, Antiochiā fugisse. Ibi pulso [Martyrio]



catholico Episcopo, per hæreticos sedem ipsius occupasse. continuóque damnatum, à Leone tunc principe ad Oasitanum exilium esse directum. De quo lapsum Constantinopolim rediisse, ac dedisse fidem, quod nullas vltius turbas facere prorsus auderet. Sed sicut superius dictum est, Basilisci temporibus à Timotheo illo damnato, qui Constantinopolim venerat, ad Antiochiam remissum fuisse, vt iterum illic Episcopatum teneret. Quo factó, idem Petrus Ioannem quendam presbyterum, de quo Acacium diximus retulisse, ordinat Apamenis Episcopum. à quibus non receptus venit Antiochiam, & Petrum Episcopatus sui pellit auctorem, & inuadit eius Ecclesiam, Quos iterum damnatos dicit Acacius, petens ab Apostolica sede, vt si fortè ad eam confugerent, nec visu dignos haberet: & si iam aliquam indulgentiam forsitan impetrassent, irritam esse debere, nec eorum pœnitentiam recipiendam esse. Quod cum præfatus Ioannes Alexandrinus Episcopus relegisset, tacere non potuit, quòd illum Ioannem, quem Acacius damnauerat

cum Petro, & sine remedio pœnitentiæ fecit ab Apostolica sede damnari, post tot damnationes Tyrionum miserit Ecclesiæ præsidere. Postquam ergo non solum nihil profecisse literas decessoris sui sanctus Felix Papa cognouit, & ludibria quædam ab Acacio fieri in euersionem totius Ecclesiasticæ disciplinæ, electis Vitale Episcopo Trocentinate ex Picena regione, & Miseno Cumanæ Ecclesiæ Episcopo ex regione Campaniæ, sub hac instructione direxit, vt Petrus de Alexandrina pelleretur Ecclesia, & vt libello sancti Ioannis Episcopi Alexandrini responderet Acacius, atque ipsi denuntiaretur Acacio, vt anathema diceret Petro. Qui quamuis hostili more detrusi in custodiam chartas amiserint, tamen perfidis hæreticis atque damnatis accommodare non debuerant, quæ sola negari potuit, voluntatem. Non solum ergo non egerunt quæ iussa sunt, aut quæ expedire poterant; sed etiam hæreticis communicauerunt, confirmationem Petri Episcopatus, ad quem pellendum missi fuerant, deferentes, atque contumelias in Episcopum Ioannem

Acacio dirigente portantes. Quibus rebus habita Synodo commotus beatissimus Papa, Vitalem & Misenum ab officio & communione suspendit, Acaciúmque damnauit. Cuius audacia deteriora committens, etiam Petrum Antiochenum, eiecto catholico Calendione, quem ipse ordinauerat, ad Antiochenam misit Ecclesiam.

---

## EDICTVM SENTENTIAE

FELICIS PAPAE .

*propter Acacij Episcopi CP damnationem.*

ACACIVS, qui secundo à nobis admonitus statutorum salubrium non destitit esse contemptor, méque in meis credidit carcerizandum, hunc Deus, cœlitus prolata sententia, de sacerdotio fecit extorem. Ergo si quis Episcopus, clericus, monachus, laicus, post hanc denuntiatiõnem eidem communicauerit, anathema sit, sancto Spiritu exequente.





## E P I S T O L A I.

Felicitis III. Papæ ad Zenonem  
Imperatorem.

*Conqueritur de violatis ab eo Legatis, suadetque ut acquiescat damnationi Petri Alexandrini, & Acacij.*

FELIX ZENONI AVGVSTO.



QVONIAM pietas tua, licet profusiore pagina ad mea scripta responderit, suis auribus diligentius intimatam fastidio dignam credidit veritatem : curandum mihi fuit, ut breuiter quæ non vultis latius publicari definita concluderem. Itaque officiositate præmissa timere me fateor regno vestro pariter & saluti. Siquidem contra diuinam reuerentiam probabitur, ut

beati Apostoli Petri directa Legatio, sicut eius confessio patefecit, tanquam in captiuitate redacta teneretur, & chartis quas baiulabat violenter ablati, ad communicandum hæreticis, hoc est apocrisiariis Alexandrini Petri, aduersum quem ierat, de custodia sit producta. Quapropter

\* Vitalem quidem & Misenum, cur vel impulsî ad ista consenserint, honore simul & communione Apostolica censura priuauit. Sed \* cùm apud

Nicolaus  
I. Papa  
epist. ix.

barbaras etiam nationes, atque ipsius deitatis ignaras, pro exequendis negotiis vel humanis, iure gentium legationis cuiuslibet habeatur sacrosancta libertas; notum est omnibus, quanto magis ab Imperatore Romano & Christiano principe, in rebus præsertim diuinis, oportuerit intermeratam seruari. Deinde legatione summotâ, quæ apud vos, vt dictum

Ibid. post  
pauca.

est, nec beati Petri Apostoli inuio-  
lata esse iam potuit, tranquillitas tua  
literarum saltim tenore cognoscat  
sedem beati Apostoli Petri Alexan-  
drino Petro, olim iustéque damnato,  
ac nihilominus per sententiam Sy-  
nodalem nuper eliso, communionis  
nunquam vel præbuisse, vel præbi-  
turam esse consensum. Quia, vt ce-  
tera nunc omittam, ab hæreticis in-  
stitutus, contra fas omne catholicæ  
præsidere non possit Ecclesiæ. Vnde  
quoniam adhortationem meam du-  
xistis onerosam, in vestro relinquo  
deliberationis arbitrio, vtrum beati  
Apostoli Petri, an Alexandrini Petri,  
cuiquam sit eligenda communio.  
Qualis autem Alexandrinus extite-  
rit, vel quemadmodum falsi nomi-  
nis sacerdotium per vnum vix suæ  
complicem prauitatis temerarius v-  
surparit, atque in damnatorum fuc-

rit etiam apud vos dudum forte numeratus, suffragatoris eius Acacij litteris ad sanctæ memoriæ decessorem meum datis, quarum exemplaria subdita cernitis, adprobate. Vtrum vel Episcopus dici valeat, quod nomen etiam si à pluribus Episcopis accepisset, habere non posset, vel orthodoxis plebibus contra Nicænam Synodum, contra obseruantiam singularem, mereatur imponi, prompta in Deum pietate perpendite. Vbi etiam apparet euidenter, Acacium, qui excessus suos sub vestro potiùs nomine celare voluit, quàm vobis profutura suggerere, tam salutis vestræ deuotionem deferre sinceram, quàm fidelem conscientiam circa patrum regulas, atque ipsum dogma gestaret catholicum. Propterea hunc eundem, ut pote qui multa, contra scita veterum nefaria perpetrarit, & eius lau-

dator emerferit, quem adseruit & ipse damnatum, & ab Apostolica fecit sede damnari, ac rursus ædificans quæ antè destruxerit, præuaricatorum se ipse constituit; eorum quos sequi maluit portioni districtiōnis Apostolicæ per Tutum Romanæ Ecclesiæ Defensorem iusta deputauit auctoritas, atque à communione & dignitate Apostolica, qua se ipse eius externis sociando monstrauit indignum, legitima seueritate discreuit. Puto autem quòd pietas tua, quæ etiam suis mauult vinci legibus, quàm reniti, cælestibus debeat parere decretis: atque ita humanarum sibi rerum fastigium nouerit esse commissum, vt tamen ea quæ diuina sunt per dispensatores diuinitus attributos percipienda non ambigat. Puto quod vobis sine vlla dubitatione sit vtile, si Ecclesiam catholicam vestri tempore



tempore principatus sinatis uti legibus suis: nec libertati eius quemquam permittatis obsistere, quæ regni vobis restituit potestatem. \* Certum est enim hoc rebus vestris esse salutare, ut cum de causis Dei agitur, iuxta ipsius constitutum, regiam voluntatem sacerdotibus Christi studeatis subdere, non præferre: & sacrosancta per eorum præsules discere potius, quam docere: Ecclesiæ formam sequi, non huic humanitus sequenda iura præfigere. Neque eius sanctionibus velle dominari, cui Deus voluit clementiam tuam piæ deuotionis colla submittere: ne dum mensura cælestis dispositionis exceditur, eatur in contumeliam disponentis. Et ex hoc quidem de his omnibus conscientiam meam ante tribunal Christi causam dicturus absoluo. Vestræ mentis intrerit, magis ac magis cogitare, & in

D. 10. Certum est hoc.

rerum præsentium statu sub diuina  
nos examinatione subsistere, ac post  
huius vitæ cursum ad diuinum con-  
sequenter venturos esse iudicium. *Et*  
*alia manu.* Data Kalendis Augusti.  
Venantio v. c. Consule.

---

## EPISTOLA II.

Felices III. ad Clerum & plebem  
Constantinopolitanam.

*Ne turbentur ob pr. euaricationem Legatorum.  
atque vt Acacy à sede Apostolica damnati  
communione deuissent.*

FELIX CLERO ET PLEBI ORTHODOXIS  
Constantinopoli constitutis dilectis-  
simis filiis salutem.

**P**Robatam cunctis vestræ fidei fir-  
mitatem Vitalis atque Miseni  
non inrationabiliter opinamur præ-  
uaricatione turbatam : qui vniuersa,

quæ illis mandata sunt, non tantum negligendo, verum etiam impugnando, fecerunt ut Ecclesia Romana consentire damnatis hæreticis crederetur: quando contra vetitum his qui à Petro illo hæretico, parricidarum socio, olim iusteque deiecto, & totiens anathematizato, directi, atque ab Acacio suscepti sunt, nostrorum immemores mandatorum, communicare conuicti sunt, nulla contestatione præmissa, quam tamen, sicut his præceptum fuerat, religio vestra sanctitatis audiret. actumque est ut, sicuti prædiximus, excessus illorum noster crederetur assensus. Quos & ordinibus suis, & veneranda diuini mysterij perceptione priuauimus. Nullus ergo vestrum per tale commissum sit immemor sui, nec nos æstimet in Apostolicæ traditionis defensione deficere, quos videt fidei

contumeliam in proditores & perditos vindicasse. Scire vos quoque de-  
 euit, Acacij quondam Episcopi va-  
 rietatem inconstantiâque detectam.  
 Qui cùm de Petro isto, sicut proba-  
 tur adnexis, non ferenda retulerit, at-  
 que olim dixerit fuisse damnatum;  
 per legatos nostros multis laudibus  
 persecutus, contra conscientiam fe-  
 cit, & vtrum ei quicquam credendum  
 sit, omnes qui timorem Dei ante ocu-  
 los constituunt iudicabunt. Aliena-  
 rum quoque prouinciarum sibi iura  
 defendens, sanctorum trecentorum  
 decem & octo patrum canones illi-  
 citarum sibi ordinationum præsum-  
 ptor est conatus euertere. Quorum  
 etiam ob hoc subiaceret ultioni: nec  
 Romanæ, id est Apostolicæ sedis,  
 qua se ipse priuauit, communione  
 iam gaudet: quando Petri Eutychia-  
 nistæ socius & susceptor apparens,

damnationis eius se participem indicauit. Quem nostra quoque sententia ministerij Episcopalis officio, & sancta communione, vestroque numero, id est Christiano, iudicauit alienum, sicut reperitur in adnexis. Filio autem nostro Salomoni presbytero, quem Acacius, ut placeret hæreticis, suo priuare putauit gradu, gradum proprium sententia vestra conseruet, vel omnes qui fortè à memorato propulsi, in locis suis & in nostra communione manere pronuntiet. Quamuis autem zelum vestræ fidei nouerimus, monemus tamen, ut omnes qui catholicæ fidei volunt esse participes, ab illius se communione abstineant, ne quod absit simili subiaceant ultioni.

## EPISTOLA III.

Feliceis III. Papæ, ad monachos vrbis  
Constantinop. & Bithyniæ.

*Tutum Ecclesiæ Defensorem prævaricationis  
causa fuisse damnatum. & quomodo ipsi in  
suos, qui Acacio adhaeserint, animadu-  
tere debeant.*

FELIX RVFINO, THALASIO, PRESBY-  
teris & archimandritis, & ceteris mo-  
nachis circa Constantinopolim & Bi-  
thyniam constitutis.

**D**iabolicae artis astutias frequen-  
tius experimur, sed malignitati  
eius, Deo iuuante, non cedimus. Nam  
cùm ea quæ totiens pro constantia  
fidei disponuntur fraudis eius vacuare  
molitur, necesse est vt & viribus, quas  
diuina gratia subministrat, conatus  
ipsius extirpemus. Acceptis itaque  
literis dilectionis vestrae, quarum Ba-

filius fuit lator, inter cetera Tutus, quem ob hoc feceramus Defenso-rem Ecclesiæ de prouectoribus intra Ecclesiam clericis, vt quam dirigi non licebat, in Acacium sententiam ipse portaret, se quadam dementia, immo ardore pecuniæ, postquam nostris satisfactum est constitutis, inimicis fidei vendidisse conuictus est atque confessus. Lectæ sunt enim literæ ipsius in conuentu fratrum, qualiter pacta interposita persona, Marone condemnato, ei cui sententiam portarat inhæsisse creditur: quas proprias esse cognoscens, non potuit diffiteri. Vnde cum fidei & sedis Apostolicæ proditorem, officio Defensoris quod ei ad tēpus dederamus exuimus, cūmq; sacrosancti mysterij communione priuatum præcipitarique cognitione præcepimus, monentes dilectionem vestram, vt sicut

semper fecistis, pro custodia veritatis iugi obseruatione vigiletis. Et quia non est dubium, nonnullos ex monasteriis vestris esse deceptos, atque ad inimicos Dei, seu sponte, seu necessitate transisse, obseruandum vobis de talibus hoc esse mandamus, vt quisquis cuiuslibet loci apud vos, vel sponte se dedit, vel mercede corruptus, collegij vestri sit prorsus alienus. Quia nisi à fidelibus perfidi sint remoti, rerum discretione sublata, laborabunt suspicionibus innocentes, vt ad vitia facilis hominibus est prolapsus. A probatorum cōsortio contagia repellenda sunt perditorum: quoniam mores bonos colloquia, sicut scriptum est, peruersa corrumpunt. Illorum verò aliter causa tractanda est, quos constiterit pœnis grauibz vt traducerentur afflictoz. Circa quos humaniores vos esse con-



uenit, vt ad cellulas sub districtione  
pœnitentiæ reuertantur, & fideliori-  
bus lacrymis eorum quòd lapsi sunt  
expietur, donec exclusis inimicis, &  
peruerforibus suis catholica purge-  
tur Ecclesia.

---

## EPISTOLA IV.

Felicit III. Papæ ad Zenonem  
Imperatorem.

*Laudato eius studio in ordinatione noui Epi-  
scopi, hortatur vt in Acacij Petrique nomi-  
num damnatione, de qua Episcopi legati  
nihil sibi mandatum responderant, cum  
Ecclesia Romana consentiat.*

FELIX ZENONI IMPERATORI.

**D**Ignas referre Deo nostro gra-  
tias fateor mens humana non  
sufficit, quòd tantam religionis cu-  
ram in vestræ pietatis sensibus misc-

ratio diuina constituit, vt eam & vniuersis negotiis anteponi, & soliditate reipublicæ contineri, quàm veraciter Christiano, tam augusto iudicio censeretis. quia reuera propitiatione cælesti rerum subsistit vniuersitas. Ex qua mirabili deuotione vestræ clementiæ processisse cognosco quicquid pro diuini cultus reuerentia celebratus tranquillitatis vestræ sermo deprompsit. Vt scilicet firmare catholicæ fidei cupientes vnitatem, Ecclesiarumque pacem magnopere roborari, talem studeretis præfici Constantinopolitanis Antistitem, qui superno munere prosequente, & morum probitate fulgeret, & præ omnibus orthodoxæ veritatis polleteret affectu. Magnam igitur, egregie princeps, capio de vtroque lætitiā: cum & in tuæ serenitatis animo, sicut in sæculi fastigio constitutum,

ita præcipuum Ecclesia filium Deo factore suscepit: & eum ipsum, de cuius pontificio gloriamini, dum ad beati Petri Apostoli sedem suæ refert dignitatis exordium, iam suæ dedisse gaudeo moderationis indicium. Vbi simul & magnanimitas vestra resplendet, quando Ecclesiæ causam, sicut diuinitus institutum est, Pontificum desiderat ordinatione componi, & qui in sacerdotij perhibetur prouectus officium, optat inde fulciri, vnde Christo cupiente profluit cunctorum gratia plena Pontificum. Cuius etiam literarum me refouet intentio, qua sicut decet Christo placere nitentem, & summum Apostolorum beatum Petrum, & petram fidei esse non tacuit, & eidem mysteriorum clauis creditas fuisse cælestium prudenter struxit, vtque nobiscum circa orthodoxam fidem consentien;

tem haberet assensum, quo ampliùs vnanimis redderetur, expetiit. Gratissimis igitur professionibus huius, & votis copiosa lectione patefactis, mox vt etiam filios meos sancti propositi monachos pariter venisse conspexi, difficultates omnes, quæ primitus obstrepebant, hac credidi dispositione summotas: atque ideo venientibus clericis eas præter consuetudinem sociatas esse personas, quæ Petro vel Acacio non communicasse viderentur. vt illorum nominibus sequestratis, per quos scandalum contigisset Ecclesiis, sincera deinceps caritas proueniret. Quibus rite perpensis, nihil aliud mihi supererat gratulanti, nisi vt his qui fuerant destinati Apostolicæ sedis communio traderetur. Sed cùm pro catholica fide cautiùs admonerem, vt suscipientes eam se à consortio retraherent damnato-

rūm, non sibi hoc mandatum omnino dixerunt. Qua rerum diuersitate permotum anxium me hæsisse profiteor; cū aliud literæ, & ipsa rerum ratio demonstraret, & aliud memoratorum contineret assertio. Puramque volens cum eo qui Pontifex creatus asseritur inire concordiam, gloriæ vestræ suggerere properaui, vt nihil residere patiamini, quo denuo quicquam valeat dissensionis oboriri. Quia dum per Synodum Calchedonensem, quam se dudum literis designauit tua clementia venerari, Eutychem atque Dioscorum constet esse damnatos, & eorum sectatores plurimis illarum partium documentis Timotheus & Petrus extitisse monstrentur, atque eorum communionem, etiam si prohibitam, secutus Acacius, quos ipse epistolis suis hæreticos dixerat esse damnatos: sententia illius

Concilij conuincuntur adstringi, & in ipsorum pœnam meritò recidisse, quorum elegere consortium. sicut in ceteris hæresibus facta semel Synodus abiecti cuiuslibet erroris cunctos sequaces cōsequenter inuoluit. Quæso igitur, gloriosissime, nec in successoribus refouere iudicemur, quod manifestum est in auctoribus fuisse damnatum: nec Petri putetur legitima prouenisse purgatio, quem non secundum morem veterum Apostolica sedes, quæ ligauit, absoluit. Scit enim Christiana mens tua, venerabilis Imperator, quoniam delicta mortalium secundum conscientiam relaxandi non nisi Pontificibus suis ordine competenti superna dederit dispensatio facultatem. Qui Petrus tamen, si verè receptus esset, veniam mereri debuit, non honorem. qui à damnatis atque hæreticis falsum fa-

cerdotij nomen accipiens catholicæ non poterat Ecclesiæ præsidere. Hæc ego, reuerentissime princeps, beati Petri qualiscumque vicarius, non auctoritate velut Apostolicæ potestatis extorqueo, sed tanquam sollicitus pater, salutem prosperitatēque clementissimi filij manere cupiens diurnam, fidenter imploro. Ecce desideramus, optamus, ambimus Ecclesiam Constantinopolitanam, sicut semper, habere connexam. Exuantur obsecro ab his qui nostri non sunt, & nos quoque volumus esse nobiscum. Postulationes certè gētiū barbararum, venerabilis Imperator, pro quiete mundani regni publicè benignus exaudis. Quanto præstantius quæso te, preces Apostolicæ sedis pro sacrarum tranquillitate rerum placatus admittis? Hoc enim hoc expedit, ut si vtræque Roma pro mutuo pignore

nuncupatur, fiat vtriusque vna fides illa Romanorum, quam per vniuersum mundum prædicari beatus Paulus testatur Apostolus, sicut apud nostros floruit indiscrcta maiores : & quæ genere concordat, ac nomine, non sit religione diuisa, per quam etiam discrepantia copulantur. Putásne me, venerabilis Imperator, non cum lacrymis ista profundere, & velut præsentem ad tuæ pietatis vestigia? Nec enim piget, in tali maxime causa, imperialibus officiis inclinari, cum se Apostolus omnium factum dicat esse peripsema. Hæc diutius tacui, ne aliis contraria suggerentibus irreuerentiam meis potius literis commouerem. Verùm nunc facultate percepta, qualiter vigeat in meo corde vestræ pietatis affectus insinuo: quia successus traditæ vobis diuinitus potestatis superna cupio propitiatione

Rom. 1.8.

1. Cor. 4.  
43.



tiatione constare. Neque, venerande fili, respuas supplicantem, néve meam velis dissimulare personam. In me enim qualicumque vicario beatus Petrus Apostolus, & hæc in illo, qui Ecclesiam suam discerpi non patitur, ipse etiam Christus exposcit. Absit vt huic quemquam Christiana mens tua vel possit, vel debeat anteferre, quem pro te votis omnibus desideras exorari. Præsertim cum tanta sint illa, vel talia, quæ tyrannide deleta pro fide catholica gessisti & geris, vt plena à Deo vestræ conscientiæ experimenta teneamus. De quibus etsi quid fortassis omissum est, non respicit nisi perfidi virus Acacij : qui dum illicitis crescere tendit augmentis, ea quæ rectæ religioni congruerent, vobis inter curas publicas occupatis destitit intinere. Nam pietas tua quomodo

K

non sequendum potiùs existimaret,  
 quod fecisse conspiceret sacerdotem?  
 Vnde diuino iudicio nullatenus po-  
 tuit, etiam cùm id mallemus, absolui.  
 Quapropter magis magisque suppli-  
 care non desino, vt cum suis nomi-  
 nibus atque personis feralis illa cau-  
 sa transierit: quo nos, annuente Do-  
 mino nostro, certa perfectaque læti-  
 tia necti valeamus cum præfule nunc  
 creato, beati Apostoli voce dicentis,  
*Si qua igitur in Christo noua creatura,*  
*vetera transierūt, omnia facta sunt noua.*  
 Literæ certè vestræ catholicæ fidei  
 prædicant vnitatem, pacemque Ec-  
 clesiarum regia pietate pronuntiant.  
 Quæ cùm debito honore legerentur,  
 qualiter mecum totus ordo Romani  
 presbyterij vitam vobis prosperita-  
 tēque continuam promptus exo-  
 rans, repetitis assidue vocibus accla-  
 marit, & hi qui directi sunt audie-

1. COR. 5.  
17.

runt, & vbique velox tam præclari  
 nuntij legatio putabatur obuiare. Ne-  
 cessitati populi Alexandrinæ ciuita-  
 tis magis in ea parte prospiciendum  
 est, vt à pestiferi, rectoris retrahatur  
 insidiis. Concurrant omnia, roga- Gal. 1. 12.  
 mus omnes, vt quemadmodum do-  
 cet Apostolus, auferatur de medio  
 qui nōs conturbat : & ea quam au-  
 gustæ memoriæ Leo, pater eruditōr-  
 que vester, iugiter custodiuit, vel vos  
 magnanimiter seruare decernitis, Ec-  
 clesiarum fida pax, verā sit vnitas.  
 quoniam cuicumque personæ pa-  
 terna fides, & beati Petri commu-  
 nio debet præferri. Atque ad vestram  
 gloriam, sicut imperij vestri felici-  
 tas, ita post Deum pertinere docce-  
 tur regni cælestis integritas. vt de  
 conseruatis Ecclesiæ suæ legibus  
 tranquillitatis tuæ beneuolentiam  
 Christus adsumens, & temporalia

148. PONTIFICVM ROM.  
tibi dona multiplicet, & præster  
æterna.

---

EPISTOLA V.

Feliciſ III. Papæ ad Flavitam Episco-  
pum Constantinopolitanum.

*Quòd Legatos eius à communione propterea  
suspende-rit, quia de Acacij, Petrique no-  
minibus nihil sibi mandatum responderint.  
Hortatur ut & ipse ab his recitandis absti-  
neat, & Zenoni id ipsum persuadeat.*

FELIX FLAVITÆ EPISCOPO  
Constantinopolitano.

**M**ulta sunt quæ nobis præbeant  
de tuæ dilectionis ordinatio-  
ne lætitiā, & sperare diuino bene-  
ficio cohortentur Ecclesiasticæ pacis  
effectum. Primum quidem, quòd ta-  
lem te gratia cælestis elegerit, cuius à  
puero vita probabilis adseratur, & ca-  
tholicæ fidei, quod ante omnia cupi-

mus, prædicetur intentio. Deinde quia inter hæc munera tuæ Dominus caritati domni quoque filij nostri gloriosissimi principis votum contulit & fauorem. quatenus potestatis fultus, Deo præstante, subsidio, facilius valeas expetere, quæ secundum veritatem sapienter intenderis. Postremò quòd omnia propemodum, quæ tui sequuntur honoris exordium, tam beneuolentiam nobis clementiæ principalis ostendunt, quàm tuæ produnt speciem voluntatis. Dum scilicet ad Apostolicam sedem regulariter destinatur, per quam largiente Christo omnium solidatur dignitas sacerdotum. Quòd ipsæ dilectionis tuæ literæ Apostolorum summum, petràmque fidei, & cælestis dispensatorem mysterij creditis sibi clauibus, beatum Petrum Apostolum confitentur. Quòd deni-

que, vt ampliùs esse vnanimis valeamus, nobiscum dilectionem tuam orthodoxæ fidei habere velle testantur assensum. Quæ cùm non mediocria videantur indicia, quibus de tua mente nobis procedere votiua credamus, ad testimonium maius accessit, vt filij nostri religiosi monachi, recte fidei confessione pollentes, pariter huc venirent. Quibus utique visis, æstimauimus non aliter destinatos, nisi nominibus damnatorum, à quorum isti communione distabant, de Constantinopolitana Ecclesia iam repulsis. Itaque nihil superesse perspeximus, nisi vt hi qui dilectionis tuæ synodica baiulabant, communionis Apostolicæ participatione fruerentur. Sed dum cum ipsis sollicitiùs ageretur, vt si mallent B. Petri Apostoli communionem fidei corde suscipere, responderent vel se, vel

dilectionem tuam ab Alexandrini Petri, Acaciique deinceps recitatione futuram modis omnibus alienam: illi nihil sibi tale mandatum fuisse perhibentes, oblatae salubriter gratiae nostrae consentire noluerunt. Quae corum cunctatione permoti, cum litterae venientes, vel ipsa rerum dispositio aliud promittere videretur, & relatio praedictorum longè aliter quàm sperabatur efferret, communionem quidem nostram contristati distulimus. quam remotis dubietatibus optabamus plenam catholicæ fidei, & hoc, quòd circa orthodoxam fidem consensum nobiscum se habere promisit, arbitramur esse venturam. Alioqui nihil nobis poterit imputari, si complectentibus fœdera caritatis, beati Apostoli Petri consortio Alexandrini Petri societas præferatur. Erit enim apud Deum hominés-

que manifestum, talia perpetrantes non nostro vitio, sed suo proflus arbitrio separari. idémque antè tribunal Christi modis omnibus terribiliter iudicandum. Non sumus pertinaces, sed dogmata paterna defendimus: quemadmodum etiam tuæ dilectionis pagina designauit, zelum pro orthodoxis ostendere nos debere. Calchedonensi Concilio, quod vniuersalis sanxit & custodit Ecclesia, Eutyches & Dioscorus non probantur esse damnati? An eorum complices Timotheus atque Petrus instructionibus plurimis conuenientibus non docentur, sicut hi quoque quos misit tua dilectio peruiderunt? An eorum communionem, frequenter & regulariter interdicientibus nobis, non est secutus Acacius, quos ipse suis epistolis hæreticos dixerat, olimque dānatos, & malè rursus edificans,



quod bene antè ipse destruxerat, secū-  
dum Apostolum præuaricator appa- Gal. 1. 18.  
ruit? Ideoque iuxta præfatæ Synodi  
tramitem, meritò illic damnatæ per-  
fidiaæ parem cūcti subiere vindictam,  
qui huius maluerunt esse participes.  
quemadmodum contra vnamquam-  
que hæresim Synodus constituta,  
cunctos etiam deiectæ similes pravi-  
tatis adstringit : ne in successoribus  
omnino reparandum esset, quod in  
auctoribus iustè monstratur esse pro-  
stratum. Absolui autem Petrus nulla  
ratione potuit sine Apostolicæ sedis  
assensu, qua fuerat mandante seclu-  
sus, sicut de recipiendis talibus forma  
veterum testatur Antistitum. Qui  
etiam Petrus, si de legitima fuisset cu-  
ratione sanatus, ad indulgentiam su-  
scipi deberet, non ad sacerdotij di-  
gnitatem. qui à damnatis atque hæ-  
reticis institutus, catholicis plebibus

nulla posset ratione præponi. Per-  
 spexisti & ipse nobiscum salutaria es-  
 se quæ dicimus. Vnde etiam in tuis li-  
 teris, cum de beati Petri fide loque-  
 ris, quod cum tota gratulatione legi-  
 mus, catholica mente posuisti: Et  
 „ qui cum eo sicut vos credunt conso-  
 „ na voce gloriantes dispersa colligere  
 valeamus. Quæro igitur quænam il-  
 la sint, vel qua rerum perturbatione  
 dispersa. Nec alia nunc prorsus oc-  
 currunt, nisi quæ per Eutybianæ pe-  
 stis eiusdem sequacium sunt excogi-  
 tata vesaniam. Dilectio verò tua ope-  
 ram det nobiscum, quatenus possint  
 quæ te quoque fatente dispersa sunt  
 colligi. voce vtor Apostoli, *Obsecro*  
 Gal. 4.12. *vos, nihil me lasistis.* Non hoc velut  
 imperiosus impono, sed vt conscien-  
 tiam meam conuenienter expediam.  
 Ne commissæ vobis diuinitus ratio-  
 nabiles oues, non sine vestro disci-

mine, quod absit, perire sinantur, exhortor. Cogitate simul omnes, qui dignitate pastoralis cēsemini, pro Christiana fide; quæ tunc est Christi si vera est, & viuendum nobis, & si oportuerit sacrosanctæ religionis amore moriendum. Perpendite igitur ipsius vitæ semper tempus incertum: ne repente rapti ad cognitionis illius formidandæ trahamur examen. Vnde propensius tanquam præsentem dilectionem tuam iure caritatis vehementer adstringimus, vt sortem infelicis Acacij perhorrescens, qui sicut Act. 1. 25. scriptum est, vt iret in locum suum, etiam nobis conantibus, non est permissus absolui, quo vales tenore contendas, vt catholicorum illius vrbs Antistitum magis monstreris esse imitator, & domnum filium nostrum gloriosissimum principem, coniugemque eius, adiuncta tecum mea

prece, non desinas suppliciter exorare, vt sicut deuoti Ecclesiæ filij, & obsecrationes nostras clementer admittant, & pro sui regni salutisq; perpetuæ perfici consideratione discernant. Nec dilatae communionis Apostolicæ tua causetur dilectio tarditatem. Nollemus qualicumque difficultate suspendi, nisi respectus catholicæ veritatis obsisteret, cui dilectionem quoque tuam summis viribus inhærere vel opto, vel moneo. Nomen igitur Petri & Acacij tollatur è medio: nec apocrisiariis damnati Petri misceamur, aut literis. Et sicut ait Apostolus, *Abscindantur qui nos conturbant.* Iterumq; vt ipse pronuntiat, *Expurgate vetus fermentum, vt sitis noua conspersio,* cum nominibus personisq; suis præterita causa deleatur. Nobis Deo inspirante prouisuris rationabiliter, vt scripsi-

Gal. 5. 12.

1. Cor. 5. 7.

mus, si cuncta conuenerint, ut eorum quos ordinauit vel baptizauit Aca-  
cius, salua confessione catholica, pro  
caritatis Ecclesiæ redintegratione ni-  
hil pereat. quatenus pax illa proue-  
niat, quæ fecit vtraque vnum: non il-  
la quam propheta condemnat, *Pax*, Ezech. 13.  
10.  
*pax, & non erat pax.* & caritas, quam  
tua dilectio suis sæpe literis postula-  
uit, pura succedat, de qua dicitur, *Ca-* 1. Tim. 1. 5.  
*ritas de corde puro, & conscientia bona,*  
*& fide non ficta.* Nihil sit commune  
luci cū tenebris: quia non possumus,  
nec debemus mensæ Domini partici-  
pare, & mensæ dæmoniorum. ut tibi  
credit is ouibus præteritorū cōgrega-  
tione mūdatis, fiat vnus grex, & vnus  
pastor. Scriptum esse meministi, *Si* Gen. 4. 7.  
*rectè offeras, & rectè non diuidas, peccasti.*  
& propheta clamat, *Inter mundum &* Ezech. 12.  
26.  
*immundum non discernebatis.* Quæ vni-  
uersa summatim illa circumscriptio-

ne perstringimus, vt cordibus salubriter expiatis, tam firmam sine dubitatione, quàm veram, tam perpetuam, quàm vnitam possimus tenere concordiam. Quantocius ergo super his tua nos reddat dilectio certiores: vt Deo nostro perficiente quod cœpit, in compage corporis Christi plena valeamus reconciliatione consentire.



Codex Virdunensis hanc tribuit Gelasio. at Gelasius hoc tempore Pontifex non erat, sed Felix. Liberatus Breuiarij cap. 18. Moritur, *inquit*, Acacius, & ordinatur post eum Flauitas presbyter, qui fuit à sancta Thecla. qui non consensit sine Romano Pontifice intronizari, sed transmisit synodicam Papæ Romano Felici. Qui modico viuens tempore moritur non accipiens epistolam ipsius. Vide Nicephorum lib. 16. cap. 19.



## EPISTOLA VI.

Felicitis III. Papæ ad Thalassium  
Archimandritam CP.

*Ne cum Ecclesia Constantinopolitana, vel il-  
lius Episcopo, ipse aut monachi eius antè  
communicent, quàm à sede Aposto-  
lica iussum fuerit.*

FELIX THALASIO.

**P**OST factas literas, quas per filios  
nostros religiosi propositi viros  
dilectioni tuæ misimus contraden-  
das, ne quid minus pro catholicæ fi-  
dei custodia diligentior cura prospici-  
ceret, caritatem tuam duximus ad-  
monendam, ut etiam si, præstante  
Deo nostro, nomina damnatorum,  
id est Alexandrini Petri & infelicitis  
Acacii, fuerint de Ecclesiastica reci-  
tatione sublata, ut similes perditio-

nīs eorum sacerdotij non permittantur præsumere dignitatem, non prius tua dilectio, vel congregatio quam gubernas, Constantinopolitanæ Ecclesiæ, vel quicumque eius futurus est pontifex, communicandum esse decernat, quàm ad notitiam sedis Apostolicæ cuncta referantur, vel ipsius literis qui fuerit creatus Episcopus, vel tuæ dilectionis alloquiis. Quia sicut per professionem catholicam sedis Apostolicæ formam secutus es, ut te à damnata communione suspenderes: ita beati Petri sequi debetis exemplum, ut quando eius auctoritate fuerit relata communio, tunc eis etiam tuum noueris miscendum esse consortium. Nec quisquam dilectioni tuæ omnino persuadeat iam nostram communionem illis partibus fuisse commissam, cum videas adhuc res in dubio



bio constitutas, & apud nos de illic creato Pontifice omnia haberi prorsus incerta. Neque posset cum eo sociari communio, cuius adhuc à nobis nec honor probatur esse susceptus, nec fides atque intentio comprobata. Expectet ergo dilectio tua sedis Apostolicæ iussionem, & sic Ecclesiæ Constantinopolitanæ sacra se communione coniungat, si in participatione beati Petri & catholicæ veritatis desiderat permanere. Data Kalendas Maias. Probo & Fausto vv. cc. Indictione XIII.



*Superiori epistola titulus in veteri codice prefixus est huiusmodi.* Exemplum epistolæ, quam per tulerunt in legationem directi monachi, ad Rufinum, Hilarum, & Thalasium, Archimandritas Constantinopoli.



## EPISTOLA VII.

Felicitis III. Papæ ad Vetranionem  
Episcopum.

*Discidij Ecclesiæ Constantinopolitanæ causas  
exponens, hortatur ut Zenonem ad unio-  
nem cum Romana instauran-  
dam permoueat.*

FELIX VETRANIONI EPISCOPI.

**Q**Uod unitatis Ecclesiasticæ  
plena cupimus redintegratio-  
ne firmari, multorum relatione com-  
perimus, dilectionem tuam, & egre-  
giis moribus diuina gratia tribuente  
pollere, & domni filij nostri Christia-  
nissimi principis familiaritate subni-  
xam: paratamque fraternitatem tuam  
catholicę fidei causam, si manifestiùs  
panderetur, libere & prudenter ad-  
struere. Quibus de tua mente sumptis

indiciis, talem te veritatis auctorem esse perpendimus, qualem illic desiderauimus inuenire. Gratamur igitur, quòd hereditatem suam non vsquequaque Dominus repulisset, sed in eorum cordibus flammam rectæ confessionis seruaret absconditam, qui siue se à communione confusa penitus abstinerent, siue in eam per ignorantiam recidissent, mallent tamen & declarari quæ recta sunt, & secundum traditionem veterum comprobata sectari. Atque ideo adloqui caritatem tuam nostro modis omnibus sermone curauimus, & de his quæ Ecclesiam Christi fecerint dissidere competenter instruere. In Calchedonensi itaque Synodo, quæ de Concilij Nicæni tenore procedēs, pro Christianæ confessionis integritate seruanda, tam auctoritate sedis Apostolicæ, quàm vniuersalis Ecclesiæ est

celebrata consensu, Eutychem atque Dioscorum constat fuisse damnatos. Quorum Timotheus & Petrus extitisse docentur proculdubio sectatores, eorumque se communioni nefariæ miscuisse, etiam cum à nobis prohibitus est, Acacius: atque ob hoc, ex forma Synodi memoratæ, similem cunctos, quæ præfixa fuerat prauitati, damnationis incidisse sententiam, cuius se elegerunt esse consortes. Unde meritò prædictus Acacius Apostolicæ sedis, quæ nunc exsecutrix utique sæpèdicti Calchedonensis Concilij pro fide catholica tunc probati non defuit, iterata excommunicatione depulsus est, ne per eum quod absit nos quoque reddamus complices perditorum. Neque Petrum quicumque legitimè credat esse purgatum, qui non à beati Petri Apostoli sede receptus est, qua fuit mandante de-

iectus. Bene enim dilectionem tuam nosse non ambigo, quòd personam huiusmodi, cùm ita ratio postularet, non nisi Ecclesiasticæ legis ordine competenti, sicut diuinitus constitutum est, vel possint, vel debeant conuenienter absolvere. Quod cùm factum non sit, manifestum est Petrum in ea qua pridem fuerat peruersitate ac damnatione detineri. Qui etiam si legitimè corrigi voluisset, indulgentiam consequi debuit, non Ecclesiasticam dignitatem: quia ab hæreticis damnatisque falsi sacerdotij nomen assumens, Ecclesiæ catholicæ nullis regulis potuit præsidere. Hæc autem, quæ de prædictis gesta narrauimus, documentis inde venientibus approbantur, sicut Constantinopolitani clerici, qui directi sunt, agnouerunt. palàmque monstratum est, Acacium se eorum fecisse participem, quos

fuis literis hæreticos, & retulerat ipse damnatos. Perceptis ergo summatim dilectio tua, quæ videntur Ecclesiarum fecisse discidium, nosque perpendens non immeritò pro fide catholica extitisse sollicitos, non solum deinceps se à communione damnatorum studeat custodire: sed Christi gregem qua valet industria retrahere non quiescat, & domno filio nostro Christianæ mentis Augusto incessabiliter suggerere non omittat, ut operis sui memor, quod fide catholica, inspirante Domino nostro, clementer dicitur exsecutus, plenam temporibus suis pacem, & Christi veritatem sinceram, ut præcipuus sacrae religionis filius, & pia deuotione conspicuus, tranquilla dispositione restaret, & de Ecclesia Constantinopolitana Petri Alexandrini nomine Acciique sublato, pro quo tempestas

omnis exorta est, intemeratam paternæ traditionis & fidei post Dominum benignus efficiat vnitatem. Quæ nunquam fuisset vtiq; temerata, si hanc Imperatori Christianissimo fideliter Acacius insinuare voluisset. Sed dum patrum terminos transferre molitur, & ambitionibus suis præuaricationis aditum impudenter exquirat, nec venerabilia dubitauit decreta calcare, & inter curas publicas occupato principi venerando dissimulauit quæ nouerat vera suggerere: talem se conscientiam circa salutem regiam potestatemque gestare demonstrans, qualem in negotio ipsius religionis exhibuit. Vnde, quod non sine diuini iudicii terrore dicendum est, etiam nobis si requisisset optantibus, non est permissus absolui. Quomodo autem domnus filius noster venerabilis Imperator non hoc

L iiii

sibi iudicare posset faciendum, quod cerneret sacerdotem vel facere, vel docere? Quapropter adiuncta secum mea prece, dilectio tua sæpe-dictum domnum filium nostrum supplicatione qua potest, & lacrymarum professione deprecetur, vt patienter permittat abscidi qui nos conturbant: ne in successoribus hæreticorum reparasse videamur, quod in auctoribus eorum certum est fuisse damnatum. priorúmque con-similes opprimere non sinat Ecclesiasticam dignitatem: quatenus

*1. Cor. 5 17* Apostolica voce dicamus, *Si qua igitur in Christo noua creatura, vetera transierunt, ecce facta sunt omnia noua.* Ecclesiam Constantinopolitanam nobis, sicut semper, vnitam sua post Deum placiditate concedat. Quoniam & hoc præsentis felicitatis eius incrementa desiderant,



& consequendæ fructus æternitatis exposcit. Dilectionem verò tuam specialiter commoneo atque contestor, in illo nostri Saluatoris examine formidando rationem mihi modis omnibus reddituram, si quæ pro integritate salutis humanæ, pro orthodoxa atque regulari constitutione maiorum, & veraci atque sincera totius Ecclesiæ pace reparanda delegavi, quod de tua mente non credimus, segniori exequaris.

*Ex eodem codice Virdunensi.*

FELIX ANDREÆ EPISCOPO  
Thessalonicensi.

Quod plenè catholicæ fidei cupimus redintegratione firmari, sollicitudinem dilectionis tuæ, qua ad sedis beati Petri communionem venire desideras, libenter amplectimur: sed eam vellemus, sicut orthodoxæ veritatis cautela deposcit, ex omni fieri parte constantem.

EPISTOLA VIII.  
 SIVE  
 TRACTATVS GELASII  
 PAPÆ.

*In quo etiam ponit exempla epistolarum Simplicij Papæ atque Felicis, quòd Timothei Aeluri, vel Petri Alexandrini impietatem olim cognouerint, vel visi fuerint iudicasse. Postea propriis prosequitur dictis, instruens quid aduersus Græcos debeat responderi.*

\* \* \* \* \*

EX EPISTOLA SIMPLICII PAPÆ  
 ad Acacium.

Epist. 17. **I**llud, inquit, me non mediocriter facit attonitum, quòd iisdem literis suis Petrum, qui hæreticorum dudum socius extitisse probetur & princeps, quod conscientiam dilectionis tuæ meminimus non latere, instructionesque ipsas, quibus fuerit confutatus, nosse confidimus,

quémque etiam dubium non sit adhuc extra cōmunionem durare catholicam, sæpéque nos de eadem ex illa vrbe pel-  
lendo scripsisse sit certum, ad præfatæ  
Ecclesiæ regimen existimet prouehen-  
dum: eúmque promittat rectæ fidei de-  
finitionibus conuenire, à cuius vtique,  
sicut superiùs dixi, consortio tam degit  
extraneus, quàm ab eius communione  
discretus est. Ad quam si nūc redire con-  
tendit, nisi per satisfactionem Christia-  
nis regulis competentem non potest in-  
troire. ac perinde non ad fastigium sa-  
cerdotalis dignitatis accedere, sed me-  
delæ, quæ post pœnitudinem præbenda  
est, consequenter aptari: animæ suæ cu-  
piens reconciliatus auxilium, non gra-  
dum summi honoris affectans, qui diu  
conuincitur fuisse peruersus. ne per spe-  
ciem remeantis non remedium sinceræ  
saluationis inquirat, sed facultatem pro-  
pagandæ prauitatis inueniat. Quo facto  
non hunc magis ab errore detrahimus,  
quam perniciem fidelibus irrogamus.  
eoque modo Calchedonensis Synodi  
statuta violantes, aditum sœua copula-  
tione grassandi in Ecclesiam lupis rapa-

cibus aperimus. Denique ab eisdem ipsis, cum quibus olim à catholica participatione diuifus est, pontifex dicitur postulari. vt satis euidenter appareat, non eos rectam fidem velle, sed in præfule proprio nefandi dogmatis quærere potestatem. neque inter ipsos, & veraciter sentientes, pax inde possit fida generari, vnde hæreticarum mentium crescit funesta damnatio, & catholicorum miscranda captiuitas.

EX EPISTOLA FELICIS PAPÆ  
ad Zenonem Imp.

**Epist. l.** VBI esse, *inquit*, iam consequens proculdubio peruidetis; Alexandrinæ Ecclesiæ peruasorem, funesta diu impunitate grassantem, vestris præceptionibus, quibus meritò dudum probatur eiectus, esse nihilominus addicendum. An non ipse est, qui per xxx. annos catholicæ desertor Ecclesiæ, inimicorúmque eius sectator & doctor, & ad fundendum sanguinem semper velox fuit & promptus? Nunquid adhuc & istam dissimulationem quadam sumus ex conhibentia recepturi. In quo reuera non est opus dis-

cussione subtili, quia eius aperta sunt crimina.

MVLTA similia in diuersis epistolis eorum diligens lector, si requirat, inueniet. Prætermitto iam scripta & admonitiones Papæ Simplicii, quæ plerique vilia æstimant, & iudicant contemnenda. Illud consideremus attentius, quod de eodem Petro tunc cùm adhuc sanum fortè saperet, iudicarit Acacius, qualémque de eo sententiam ad Apostolicam sedem direxerit.

DOMINO SANCTO, ET BEATISSIMO  
patri, Archiepiscopo Simplicio  
Acacius.

SOLLICITVDINEM omnium Ecclesiarum secundum Apostolum circumferentes, nos indefinenter hortamini, quamuis sponte vigilantes ac præcurrentes. Sed vos diuinum zelum solito demonstratis, statum Alexandrinæ Ecclesiæ certiùs re-

quirentes, vt pro paternis canonibus suscipiatis laborem, piissimo stillantes sudore pro his, sicut semper est adprobaturum. Sed Christus Deus noster, qui diligentibus se in bonum cooperatur, nostris cogitationibus insidens, & vnā nobis in his mentem, atque eandem pro gloria sua esse cognoscens, omnem victoriam esse perfecit, consortes nos cum tranquillissimo principe faciens, & Timotheum quidem decessorem spirantem procellas, & Ecclesiasticā tranquillitatem, sicut apparuit, conturbantem vitæ subduxit humanæ, dicens ei, Tace & obmutesce. Petrum quoque, qui ab Alexandria more similiter procellæ surrexerat, dissipauit, atque in æternam fugam Spiritu sancto flante conuertit, vnum & ipsum de his qui olim fuerant & antè damnati. Sicut enim in nostris archiuis inuentum est, & de vestris scriniis, si dignamini requirere, poteritis agnoscere, quæ in tempore de eodem subsequuta, ab Alexandrino Episcopo Romam ad alterutrum sint relata. Qui Petrus filius noctis existens, & operum diei lucentium alienus apparens, omnino tenebras ad latrocinium

peragendum congruas eorum coopera-  
tor inueniens, media nocte, adhuc iacen-  
te cadauere illius, qui paternos canones  
subuerterat, insepulto, subrepfit in sedē,  
sicut ipse arbitratus est, vno & solo præ-  
sente, & eo qui consors illius insisterat  
infantiæ. ita vt propter hoc maioribus sup-  
pliciis subderetur. nec quod sperabat ef-  
fectum est. Sed ille quidem de se ex par-  
te vel minima iudicans nusquam penitus  
omnino comparuit. Timotheus autem  
paternorum canonum custos, qui Dau-  
dicæ mansuetudinis exemplo subditur,  
& vsque in finem patiens, atque potestati  
propriæ restitutus à Christo, propriæ se-  
dis honore lætatur: & spiritualium filio-  
rum voces accipiens, gratiam curationis  
expectat, multiplicato in se honore à  
Christo principe sacerdotum.

ECCE testimonium Acacij vali-  
dissimum, quid de Timotheo, quid  
de Petro senserit. Verè enim, sicut  
scriptum est in Euangelio de Caipha  
illo Pontifice, euenit Acacio. Dici-  
tur enim de illo, quia cùm esset prin-

ceps sacerdotum anni illius, de Domini dixerit passione, *Expedi ut unus homo moriatur pro populo, ut non tota gens pereat.* Et subiungit Euangelista beatus Ioannes, *Hoc, inquit, à semetipso non dixit, sed cùm esset princeps sacerdotum anni illius prophetauit.* Ita & hic, cùm in summi esset sacerdotij dignitate locatus, vtrum nolens an inuitus, dubitare quippe nos eius varietas & inconstantia fecit, verissimam de inimicis Dei tulit sententiam. quam si seruare voluisset, procellam; quam ab Ecclesia veraciter depulerat, rursus in Ecclesiam ipse non reuocasset: & de quo dixerat, *Tace & obmutesce*, rursus Petri personam loqui in Ecclesia minimè permisisset. Quem similiter procellam à sancto Spiritu dissipatam esse prædixerat, quémque filium noctis asseuerauerat, & quem ab opere luminis



nis alienum, amantemque tenebras  
 latronum operibus cōgruas esse nar-  
 rabat. qui falsum sacerdotij nomen,  
 ab eo qui paternos, vt ipse ait, cano-  
 nes subuerterat, artibus dolosis sibi  
 ipse imposuerat. Hic Petrus, de quo  
 beatæ memoriæ Timotheus catholi-  
 cus, vt ipse dixit, paternorum custos  
 canonum, Alexandrinæ quondam  
 Ecclesiæ pontifex, ad sedem Aposto-  
 licam multa retulit deteriora, quàm  
 superiùs continentur, asserens specia-  
 liter & affirmans inimicum fidei, ini-  
 micum Calchedonensis Synodi per  
 omnes extitisse infelicitatis conatus.  
 Quid igitur nobis faciendum est?  
 Non credimus tot & tantis tantarum  
 sedium sacerdotibus, qui omnes vno  
 ore, vno consensu, publicam & fera-  
 lem humanæ salutis bestiam Petrum  
 esse dixerunt, in cuius se communio-  
 ne, perniciofa coniunctione, suaden-

M

te dæmonico spiritu, infelicitè sociauerat Acacius, malè rursus ædificans quod bene destruxerat? Nec opus plura hinc dicere, cùm timen- tibus Deum, & formidantibus diem iudicij, & Ecclesiæ vnitatem diligen- tibus, satis apertèque causa sit clara. Hæc enim sola ratio est, quæ vni- tem diuidit, & concordiam dissipat: quia quamdiu præuaricatorum no- mina de Ecclesia non auferuntur, pa- cis vinculum nullatenus redintegra- re permittunt. Si enim licet sectato- rum vel communicatorum Eutyche- tis, vt fuit eius sectator Petrus, & communicator Acacius, in Ecclesia nomina recenferi, cur de sectatori- bus & communicatoribus Arrij, vel ceterorum hæreticorum, simili sorte non liceat? An minoris impietatis & perfidiæ Eutyches fuisse putatur, quàm Arrius? Nemo hoc quidem

fani capitis audebit dicere. Si ergo par est impietas, par sit & vtrorumque detestatio. ne si semel talis fuerit intromissa licentia, omnibus exinde omnia liceant, fiatque, quod absit, tam passiuæ rerum confusio atque commixtio, vt nulla inter mundum & immundum sit secundum prophetam certa discretio. Non est quidem <sup>Eze 16.</sup> nostræ humilitatis, de totius orbis dissensione ferre sententiam: est tamen nostrum de propria salute esse sollicitos. quoniam vnusquisque pro se rationem redditurus est ante illud tribunal iudicis & regis æterni, in quo etiam de verbo otioso, minimoque quadrante, sumus nostrorum rationem actuum præstituri. Vnde & optamus, qualiacumque & quantacumque super nos importauerit inimicus, tolerare discrimina in sæculo præfenti, tantum ne causas incurramus

mortis æternæ. Sed dicitur de Petro, quamquam sine approbatione dicatur, præsertim de homine perspicacissimo, qui per xxx. annos famosus expugnator fuerat veritatis, quòd pœnitentiâ actâ susceptus sit in Ecclesia. Nunquam igitur per xxx. annos agere potuit pœnitentiâ, nisi tunc cùm Episcopatus amore & ambitionis ardore feruebat: O rem monstro simillimam! antè illum potuisse locum suum sacerdotij obtinere, quàm posset vel breui spatio pro tam immani crimine pœnitens videri. Sed soluit illum, inquit, auctoritate sua priùs Acacius, & sic suscepit. Vtinam seipsum miserrimus omnium, secùmque quamplurimos, nō æternæ mortis compedibus alligaret! Qui cùm superbissimo perflatus spiritu thronum humilitatis altiùs efferre conatur quàm decuit, & præ-

sumptionibus suis aditum vndecumque conquirat, simulque per fas & nefas caleat & transsit inuiolabilia statuta sanctorum, cum ipso quem imitatus est auctore superbiæ, in profundissimam ruinam deiectus, id dereliquit Ecclesiæ, vnde lugerent pacifici, fidelesque & humiles flerent. Si enim ille modum temperata potestate seruasset, nec Petrum hæreticum, nullo regulari ordine absolutum, pro eius audaci temeritate, in sua societate hodie Ecclesia suspiraret assumptum: nec caritatis, quæ omnium virtutum est perfectio, & sine qua secundum Apostolum inania sunt vniuersa quæ facimus, tanta filij pacis dispendia paterentur, nec mordendo inuicem consumerentur inuicem. Sed quolibet modo dicatur Petrus esse susceptus, apparet tamen cum fuisse hæreticum, qui pœnituisse

1. Cor. 13. 2.

pro peruersitate defenditur: & quòd prauus & infidelis fuerit, & de Ecclesia Ecclesiastico iure proiectus, ambigi dubitarique non potest. Sed concedamus paulisper poenituisse eum, quod nullatenus verum est. videndum ergo est quomodo, id est vtrum qui ordine competenti, regulari scueritate excisus & extirpatus est, poenitens rectè & consequenter receptus sit. Sed nunquam docebitur, nunquam monstrabitur, nunquam omnino probabitur, eius purgationem fuisse legitimam, quæ non est competentibus regulis celebrata. Secundæ enim sedis Antistitem nec expellere quisquam, nec reuocare, sine primæ sedis assensu, vel potuit, vel debuit. Nisi fortè confuso iam ordine rerum atque turbato, nec prima, nec secunda, nec tertia sedes debeat obseruari, vel suscipi secundum antiqua

statuta maiorum, & sublato capite, ut videmus, omnia membra vario inter se compugnent certamine, fiatque illud quod de populo scriptum est Israel: *In illo tempore, non erat dux in Israel.* <sup>Iudic. 11. 24.</sup> *unusquisque quod placitum erat in oculis suis faciebat.* Quam enim ratione vel consequentia aliis sedibus defendendum est, si primæ beatissimi Petri sedi antiqua & vetusta reuerentia non deferatur, per quam omnium sacerdotum dignitas semper est roborata atque firmata, trecentorumque decem & octo patrum inuictæ & singulari iudicio vetustissimus iudicatus est honor? Ut pote qui Domini recordabantur sententiam, *Tu es Petrus, & super hanc petram fundabo Ecclesiam meam, & porta inferi non preualebunt aduersus eam. Et tibi dabo claves regni celorum, & quæcumque ligaueris vel solueris in terra, erunt ligata vel*

Matt. 16.  
18.

*soluta in calo.* Et rursus ad eundem,  
*Ecce ego rogavi pro te, ut non deficiat fi-*  
*des tua. & tu aliquando conuertere, &*  
*confirma fratres tuos. & illud, Si amas*  
*me, pasce oues meas.* Quare igitur ad Pe-  
 trum tam frequens Domini sermo di-  
 rigitur? nunquidnam reliqui sancti &  
 beati Apostoli non erant simili vir-  
 tute succincti? Quis hoc audeat affir-  
 mare? Sed ut capite constituto, schi-  
 smatis tolleretur occasio, & vna mō-  
 straretur compago corporis Christi,  
 quæ ad vnum caput gloriosissima di-  
 lectionis societate concurreret : &  
 vna esse Ecclesia, cui fideliter crede-  
 retur, vnâque domus vnus domini,  
 & vnus redemptoris, in qua de vno  
 pane & de vno calice nutrireretur.  
 Qua ratione, sicut dixi, maiores no-  
 stri, reuerendi illi Ecclesiarum ma-  
 gistri, clarissimâque illa populi Chri-  
 stiani lumina, quos merita virtutum

Luc. 11.  
31.

Ioan. 21.  
17.



suarum usque ad confessionis gloriosissimas palmas, & martyrij fulgentes extulere coronas, ad illam sedem, quam princeps Apostolorum federat Petrus, sui sacerdotij sumpta principia repleti Christi caritate mittebant, suæ inde soliditatis gravissima firmitatis roboramenta poscentes. Ut per hanc speciem omnibus appareat, verè vnam esse per omnia, & indissolubilem Christi Ecclesiam, quæ concordia vinculo, mirabilique caritatis textura composita, sola & indivisa per totum ostenderetur esse tunica Christi, quam nec milites ipsi, qui Dominum crucifixerunt, diuidere ausi fuissent. Quæ nunc si propter perfidiam Petri, Acacij tyrannicam superbiam, impiamque præsumptionem eius, violatur atque conscinditur, videte & sapienter expendite, in quam graue periculum

nostra deducitur conscientia, dum tanta maiorum soluitur obseruantia. Quis enim non agat quodcumque libuerit, si semel in consuetudinem corruptus ordo peruenerit? Si autem hoc sacrilegum est etiam cogitare, cur non cum diligentissima obseruatione teneatur hæc forma maiorum, cum sit in hoc obseruationis tenore ineffabilis indubitataque vnitatis euidens, & grande mysterium? An duæ sunt Ecclesiæ, & duo pastores? Absit. Vnus est enim, qui fecit vtraque vnum, tollens de medio inimicitiarum parietem in corpore suo. Cur ergo per Petri & Acacij nomina rursus inimica sepius intexitur, quam semel Christi crux, mors, & sanguis destruxit, soluit, & euertit? Non ergo diuidat eos interpositum Petri & Acacij nomen, quos tanti me-

diatoris pretiosus sanguis yniuit. Postremò æquum est, vt qui alios libenter & competenter vultis habere subiectos, cedatis & ipsi antiquo more maioribus, vt confidenter imperare possitis minoribus vestris. Duodecim certè fuerunt Apostoli, paribus meritis, parique dignitate suffulti. Cùmque omnes æqualiter spiritali luce fulgerent, vnum tamen principem esse ex illis voluit Christus, eumque dispensatione mirabili in dominam gentium Romam direxit, vt in præcipua vrbe vel prima primum & præcipuum dirigeret Petrum. Ibique sicut doctrinæ virtute sublimis emicuit, ita sanguinis gloriosa effusione decoratus, æterno hospitio conquiescit, præstans sedi, quam ipse benedixit, vt à portis inferi nunquam pro Domini promissione vin-

catur, omniumque sit fluctuantium  
 tutissimus portus. In quo qui requie-  
 uerit, beata & æterna statione gau-  
 debit: qui verò contempserit, ipse  
 videbit qualia genera excusationum  
 in die obtendat iudicij. Me enim  
 credo, spero, confido in Christo,  
 quòd ab eius caritate nec tribulatio,  
 nec angustia, nec gladius, nec per-  
 secutio, nec vita, nec mors vnquam  
 poterit separare. Incumbat persecu-  
 tio, fauiant leges. militi Christi glo-  
 riosius est mori, quàm vinci: frau-  
 dari præsentium commodis melius,  
 quàm carere futuris.



## EPISTOLA IX.

GELASII PAPÆ AD EPISCOPOS  
Orientales.

*Quòd in Acacij aliorumque damnatione Synodo noua opus non fuerit, & quòd Petrum Alexandrinum absolueret Acacius sine sedis Apostolica auctoritate non potuerit. Tum de Episcopis catholicis sede sua sine discussione deiectis.*

DILECTISSIMIS FRATRIBVS  
vniuersis Episcopis Orienta-  
libus Gelasius.

\* \* \* \* \*

**Q**uid ergo isti prudentes viri, & argutis mentibus totius religionis interna rimantes, in Orientis partibus constituti, si cognouerunt huiusmodi personam in Antiochena Ecclesia constitutam, cur communicando talibus præbuere consensum? Cur non illico reclamarunt,

cur non se à tali contagio remouerunt, cùm tam euidenter aduerterent, ideo Calendionem depulsum, vt hæreticis panderetur introitus? Quare hîc nihil de Synodo, nihil de re, nihil de fide Christiana, nihil de personarum examinatione tractarunt? Si verò illi eorum se communioni voluntariè subdiderunt, ab Apostolica sede certè separati sunt, cum talibus & apud tales, etiamsi esset necesse fieri, nulla posset omnino Synodus prouenire. Quòd si ignorasse se dixerint qualis Antiochiæ post Calendionem successisset Antistes, quid mirum, si qui in Oriente positi, quæ in regione sua contigerint scire nequiverunt, ea quæ apud Apostolicam sedem gesta fuerant ignorarent? Cur tamen, posteaquam ad eorum notitiam peruenit qualis esset sacerdos apud Antiochiam constitutus, non eius confor-

tia continuò respuerunt? Quid excusationem de ignorantia colore prætendunt, cum hodièque & manifestata contagia perfidorum, & à nobis sæpius exprobrata sectentur? Quo satis apparet, quia ne tunc quidem etiamsi cognoscerent refutarent, quando nunc etiam publicata non renuunt. Prorsus in quamlibet se partem causationemq; conuertant, manifestæ veritatis ita laqueis suffocantur, ut suis ipsi verbis possint actibusque concludi, nec nisi solam perniciem obstinatæ perfidiæ residuam ventilare. Hæc autem, quæ de Calendione venerabili dicta sunt, & in Ioannis Alexandrini conueniunt certa ratione personam. Immo, si causa eadem latius inquiretur, tantæ illic tragædiæ, tanti reperiuntur errores, ut si ipsi sint iudices qui eadem perpetrarunt, cum euidenter fuerint con-

futati, à sui damnatione non tempe-  
rent. Palàm enim illic apertèq; mon-  
stratur, nihil aliud quàm quæsitam  
causam, quemadmodum, catholico  
qualicumque depulso Pontifice, hæ-  
retico Petro referaretur accessus. Túc  
istud nemo discutiebat, Synodum  
nemo poscebat. passim omnia lici-  
tò fieri à quibuscumque videbantur.  
nullum discrimen rerum, nulla exa-  
minatio postulabatur Ecclesiæ: sed  
prout de vno quoq; venisset in men-  
tem, de suis vrbibus catholicus pelle-  
batur Episcopus, non solùm Metro-  
politanus, sed etiam tertiæ & secun-  
dæ sedis Antistes. In his nulla rerum  
vestigatio quærebat, nulla facien-  
da Concilia iactabantur. Subroga-  
bantur hæretici, nemo resultabat:  
sed velut muta pecora in captionem  
ducta, subditis voluntatibus perfidi-  
am sectabantur. Non mirum qui-  
dem,



dem, si nunc eos defendere moliantur, quorum indiscussam cæcis mentibus secuti sunt vilitatem. Sed miramur, cur eos non pudeat in istorum damnatione de Synodo non facta causari, cum sciant tot tantosq; pontifices nulla Synodo fuisse depulso. Si in istorum reiectione de non inito Concilio conqueruntur, cognoscant se, cur non & hoc in aliorum reiectione quæsiuerint, accusari: Si verò in ceterorum reiectione Concilia necessaria non fuerunt, nec in istis necessaria fuisse cognoscant. An in catholicorum deiectione non fuit opus, & fuit magnopere congreganda in præuaricatoris dânatione confessi? Quid igitur restat, nisi ut dicant hæreticos non fuisse? Non ergo de Synodo conquerantur, qui se palam communionis externæ perhibent sectatores. Cur enim eis Synodus necessaria fuisse vi-

N

deatur, qui se contra Calchedonensem Synodum venire cognoscunt, qua Eutychianus error cum auctorebus generali Ecclesiæ voce damnatus est? Nec dubium, quòd sicut in vnaquaque hæresi, quod incessabiliter repetendum est, quia firmum esse nullus ambigit Christianus, omnes complices, sectatores, communicatores damnatæ semel prauitatis pari sorte censentur. Ideoque fit consequens, vt sicut Timotheus atque Petrus alium sectatores, secundum illius tenorem Synodi, nulla recenti facta pontificum congregatione damnati sunt: sic & qui Petro communicauit Aca-cius, vt criminis particeps, ita consors sit factus & pœnæ. Quid igitur ambagibus & nebulis ista prætexunt, vt impudentiam suam, mentemque vesanam inanibus potius fabulis velare letaliter, quàm prodendo medicinaliter

fanare contendant? Nihil enim nobis commune cum hominibus cōmunionis externæ. Ideo vocatur ad iudicium certè quæcumque persona, vt aut fateatur obiecta, aut conuincatur obiectis. Post confessionem porrò literarum tenore depromptam, cur ad iudicium vocaretur Acacius, qui se confessus est Petro, quem petita sedis Apostolicæ præceptione damnarat, cōmunione sociasse: nec ei credi iam externæ cōmunionis effecto, vel pro sua, vel pro illorum, vel pro Petri defensione iam posset, cui se prius miscuerat nefando consortio, fecerátque se cum eius causa sine dubitatione cōmunem? Cui examinatione præmissa, & legitima si ita esset purgatione suscepto, regulariter misceretur. Sed cum eodem nondum legitimè discussso atque purgato cōmunione sociatus, quàm

adhuc reo se miscuit, tam pro eodem non habuit loquendi fiduciam. Nam cum Acacius nullo priuilegio fulciretur, vt de secunda sede posset ferre iudicium, non potuit iure quemquam damnare. Simili modo, nisi primæ sedis auctoritate percepta, nec examinandi Petri ius habuit, nec recipiendi penitus potestatem. Quo regulariter constituto, nec apud nos Petro vllatenus absoluto, quem damnasse nos nouimus, examinasse vel absoluisse nescimus: restat vt illud etiam demonstremus, eundem Petrum, quem se purgatum communionem recepisse prætendit Acacius, nunquam ab hæreticæ communionis contagio cessasse: ac non solum ipso tempore quo communicauit Acacius, sed etiam post communionem præuaricatoris Acacij, semper Alexandrinum Petrum in hæretico-

rum collegio perdurasse. Atque ita & per hunc Acacium perfidæ communionis suscepisse contagium, & per eandem illis hæreticis, quibus Petrus communicabat, eadem peste coniunctum. Qui præsumpsit non seruatō ordine Petrum suscipere, nec examinatum eum, nec cognoscitur recepisse purgatum: & ideo præter sedis Apostolicæ notitiam, non legitimam sibi eius receptionem, vsurpare voluisse, ut examinationem eius & purgationem posset pro sua voluntate mentiri, atque eum nec examinatum, nec reciperet omnino purgatum. Quem si reuera vellet examinatum purgatūque recipere, ordinem in eius examinatione & receptione potius custodisset, ne videretur magis, quàm veraciter posset iure purgare. Sicut ergo antè non prius damnauit, quàm & referret, & posceret

Apostolica potestate damnandum :  
sic & in recipiendo modum seruare  
debuisset, vt priusquam se ei com-  
munionem misceret, per sedem Apo-  
stolicam posceret examinari eum, &  
legitima ratione purgari : cùm nec  
examinandi aut recipiendi eum ha-  
beret ipse pontificium, & non nisi  
per illius sedis auctoritatem consen-  
súmque hoc posset implere, sine  
cuius auctoritate eum non potuerat  
ipse damnare, & cuius principali di-  
ligentia, & discuti potuit & purgari,  
& ad communionem conuenienter  
admitti. Cùm enim constet, semper  
aut sedis Apostolicæ auctoritate hu-  
iusmodi personas, aut discussas vel  
esse purgatas, aut sic ab aliis quibus  
competebat Episcopis absolutas, vt  
tamen absolutio earum ex sedis Apo-  
stolicæ consensione penderet : vbi  
vtrumque defuit, nec discussionem

legitimam, nec pugationem firmam, ac per hoc receptionem fuisse constat indebitam. Si tu absq; mea communione Petrum iudicasti esse catholicum, méque despecto tuo cum iure recepisti, quid causeris, si illum ego à communione mea, quam tu voluisti contemptam, tanquam absque tua notitia vel consultatione repulerim? Vis adquiescere? meus es. non vis adquiescere? non es meus. **Qui** <sup>Mat. 12. 30.</sup> enim mecum non est, contra me est: & qui mecum non colligit, spargit. Quæro abs te, Petrum hæreticum fuisse putas, an catholicum, an ab hæresi postea esse correctum? Si hæreticum, nullatenus eidem communicare debuisti, & eidem communicando, hæretici te manifestum est factum fuisse participem, & eius consequenter ex Synodi tenore veniente damnatione constringi. Si catholi-

N iiij

cum, palàm totius dogmatis es defensor, quod catholicum esse pronuntias. Ac nihilominus illius errore censeris, si hæreticum fuisse definias, sed postea correxisse præendas, cique te purgato communicasse pronunties. Interim in cuius persona me negligendum esse credidisti, causari non potes quòd in hac eadem te eius persona neglexerim. Deinde cum sine me ius non habueris vel absol- uendi, vel recipiendi huiusmodi rite personam, nec purgatam legaliter, nec regulariter constat esse. Quàm regulariter non acceptam, tam lega- liter non constat esse purgatam : & ideo non iure purgatam, quia legali- ter non receptam. Mea enim in illum manente sententia, te sine me ponti- ficiū, vt meam sententiam resolue- res, non habente, qua potestate vel discussus est, vel qua auctoritate re-



ceptus asseritur? Ecce interim in his causa vestra nutat & labitur: & si hæc sola fuit, prorsus tota subruitur. Sed est adhuc aliud, quod ad cumulum vestræ conuictionis accedat. Quid enim si doceatur, non solum priusquam in eius communionem veniretis, neque tantummodo cum ad eius communionem venistis, sed etiam postea in hæreticorum nihilominus cum communione durasse: nonne aut per illum apud vos communio perueniebat hæretica, aut in hæreticam communionem vos eius commercio transiebatis? Docete igitur Petrum Alexandrinum ab Antiocheni Petri vnquam communione desisse, & non vsque ad diem cum Antiochenus Petrus in hac luce versatus est, indiuiduum vtrisque fuisse consortium. An dicturi estis & Antiochenum Petrum fuisse correctum,

cui vsque in finem se non communicasse gloriabatur Acacius? Sed quid profuit, quòd illi per seipsum communicare non voluit, cùm eidem per Alexandrinum Petrum sine vlla se communicare putaret inuidia? Quid facimus de tot tantisque ciuitatibus, ex quibus catholici pontifices sunt repulsi? Si catholici subrogati sunt, cur catholici sunt reiecti? Sed euidenter apparet, quia cùm catholici sunt reiecti, non catholici sunt subrogati. Restat vt catholicis hæretici quicumque successerint. Cur eis temere communicastis? cur non, vt ista noua facies rerum, & tanta tragœdia de pontificum successione videntium à Synodo discuteretur egi-  
stis? An de vno dolet Acacio, quòd speciali Synodo non fuerit confutatus, cùm proprium crimen suis literis ipse detexerit, nec audiri debuerit

iam sponte confessus ; & de tantis pontificibus catholicis non dolet si-  
ne vlla discussione seclusis? Qui uti-  
que, si catholicos nossent eos, quo-  
rum communionem vitauerant, his  
potiùs cōmunicare maluissent, quàm  
non communicantes eis dura perse-  
cutione depelli. Ecce tanti catholici  
sacerdotes in hoc ipso se indicant,  
quid Apostolica sedes censuerit co-  
gnouisse, constanterque probasse re-  
tinendum, quòd cōmunionem ca-  
tholicam reseruantes, & eos qui Apo-  
stolicæ sedi communicarent, elegere  
confortes ; & illos, quibus sedes Apo-  
stolica decreuerat minimè commu-  
nicare, vsque ad persecutionis incur-  
sus renuere confortes. Certè quæ se-  
des Apostolica decreuerat, Orienta-  
libus Episcopis non innotuisse iacta-  
tur. Vnde ergo tot tantique pontifi-  
ces vnum idēque cum sede Apo-

stolica sentientes, eámque probantes apta religioni sacrosanctæ veráque sanxisse, quæ non solum sequenda sibi iudicauerunt, sed etiam vsque ad persecutionem viriliter exerenda? Ecce habuistis qui Apostolicæ constitutionis, & notitiam vobis ingererét, & retinendi constantiam ministrarent. Si Apostolica sedes misisset, vix duos aut tres dirigere potuerat. Ecce tot pontifices, Apostolicæ sedis sectantes, ingerunt vobis notitiam, & præbent seruandæ veritatis exempla. Qui contra tantos clausistis oculos ibidem constitutos, quomodo duos vel tres audire possitis? Hoc ipso sine dubio, cognouistis illos Apostolicæ sedi placere, quòd vos displicere videbatis. Aut illos ergo sectamini, per quos intelligebatis sedis Apostolicæ voluntatem: aut nihil est quòd de ignorantia velitis obten-

dere, cūm indiciis tantis & talibus abutentes, sedis Apostolicæ constituta, tantis testimoniis prædicantibus, respuere potiùs quàm recipere maluistis. Nunquid omnes isti, quos memorauimus Episcopi Imperatori mentiti sunt? nunquid omnes Imperatoris nomen ex diptychis abstulerunt? Cūm igitur pellerentur, & viuis pontificibus catholicis successores hæretici crearentur, & non de inferioribus quibusque ciuitatibus, sed etiam Metropolitani pontifices, in catholica iugiter communione durantes, cur compassi non estis tantis fratribus vestris? cur non adiistis Imperatorem? cur non Ecclesiæ causam, & sacerdotij miserabilem decolorationem continuatis vocibus defleuistis? allegantes \* nunquam de pontificibus nisi Ecclesiam iudicasse: non esse humanarum legum de

D. xcvi.  
Nunquid  
de Pontificibus.

talibus ferre sententiam absque Ecclesiæ principaliter constitutis pontificibus : obsequi solere principes Christianos decretis Ecclesiæ, non suam præponere potestatem : Episcopis caput subdere principem solitum, non de eorum capitibus iudicare. Quibus Ecclesiæ Conciliis, qua Synodo pellerentur : quid denique commisissent, ut sine vlla discussione rerum, tot Ecclesiarum præsules pro humano libitu, & sæcularis potestatis arbitrio pellerentur. Inauditos, indiscussos, inconuictos non debere percelli. Maximè cùm nouæ causæ, & noua rerum facies appareret, ut rectores isti plebium repentinis incursionibus, pro mundanæ potentiae voluntate, sacris dignitatibus priuarentur. Ex nulla veteri causa, ex nullo collegio reatus, nec participio cuiuslibet erroris iam antè damnati,

teneri eos convincique confortes, ut  
tanquam ex præterita definitione iu-  
dicarentur obstricti. Et ideo, quia  
nullis antè præcedentibus causis re-  
tenti essent, cur cicerentur, incurfus  
qui illi essent, debere monstrari, &  
Ecclesiasticis legibus, ut semper, o-  
portere constare. Saltem vel pro ve-  
stro loco illorum duceretis miseriis  
consulendum, formidantes in vobis  
quod in aliis cerneretis præter vllum  
morem violenter admitti. Si crimi-  
ne respersi erant aliquo, Ecclesiastica  
debut examinatione cognosci. Ta-  
ceam & ad sedem Apostolicam ex  
more deferri, ne nostra priuilegia cu-  
rare videamur. Satis sit ostēdere, quid  
secundum regulas, & patrum cano-  
nes facere deberetis. Præcipuè cū  
etiam ipsæ leges publicæ, Ecclesiasti-  
cis regulis obsequentes, tales perso-  
nas non nisi ab Episcopis sanxerint

iudicari. Si verò de qualibet hæresi fuerant impetiti, tanto magis eos decuit ista cognoscere, qui & secundum religionis tenorem possent ista discutere, & haberent pristinum, ex quo est Christiana religio, pontificium iudicandi. Aut catholici enim erant, aut hæretici, de quibus passim illa ludibria gerebantur, & latrocinia detestanda sæuebant. Si hæretici, prodi, discuti, & legitimè conuinci modis omnibus debuerant, vel suis confessionibus, vel aliorum vocibus confutari. Taceo quia ad nos paterna fuerat consuetudine referendum, tantumque commoneo quid fieri Ecclesiastico iure conuenerat. Si verò catholici probabantur, vos, qui non solum in eorum depulsione cessistis, sed etiam subrogatis communicare delegistis, indubitanter hæretici. Qui depulsis catholicis secedentibus, non  
igno-



ignorastis causam fidei communio-  
nisque catholicæ per tantos Antisti-  
tes toto orbe patefactam : sed planè  
scientes volentésque, sine vlla discus-  
sione rerum, sine vlla synodali exa-  
minatione, sine vlla sedis Apostolicę  
reuerentia, assensistis hereticis; liben-  
ter habentes, patientérque sinentes,  
catholicos Antistites inaudita priùs  
& miserabili sorte detrudi. Quos si à  
fide integra communionéque catho-  
lica putaretis errare, ad Apostolicam  
sedem, secundum scita maiorum, &  
sicut semper est factum, referre de-  
buisstis : sicut de Petro Alexandrino,  
vel de Antiocheno Petro, de Ioanne  
& Paulo fecisse monstratur Acacius.  
Sed quoniam noueratis eos cū Apo-  
stolica sede sentire, & quid sedes Apo-  
stolica sua definitione censeret, per  
illos tãtos ac tales Episcopos constat  
Oriëntales Antistites nullatenus igno-

O

rasse, & vos catholicæ atque Aposto-  
 licæ communioni prodidisse contra-  
 rios, & ab eadem defecisse, cùm non  
 illis estis passione coniuncti, sed po-  
 tiùs persecutoribus eorum societate  
 connexi. Hîc vobis Synodus nun-  
 quam venit in mentem: & certè de  
 personis, vt dictum est, nulla veteri  
 lege cōstrictis. Hîc nullo consilio,  
 non vnius vr̄bis vel vnius Ep̄scopi,  
 sed totius Orientis Ecclesias, subiit  
 animum vestrum factō sacerdotali  
 Concilio debere curari. Sed homines,  
 qui in cōtrariam partem toto propo-  
 sito, & toto recesseratis affectu, Con-  
 cilia potiùs necessaria etiam studio  
 declinastis, ne per eadem tale aliquid  
 censeretur, quo vobis, rebus euiden-  
 ter ostensis & legitimè confutatis, in  
 hæreticorum non liceret venire con-  
 sortium. Quid igitur de ignorantia  
 prætēditis, cùm per totum Orientem

catholicam fidem communionemq;  
sinceram sedi Apostolicæ congruen-  
tem, non solum cognouisse tot Pon-  
tifices videbatis, sed etiam usque ad  
extremum constâtissimè defendisse?  
Si nos non audieratis, quid de fide &  
communione catholica atque Apo-  
stolica censeremus, illos adspicere de-  
buiſtis, & aut sequi, si credebatis esse  
catholicos, aut apud Apostolicam se-  
dem potiùs accusare, si credebatis er-  
rasse. Quid illos iuuat vel suo pro-  
posito illam tenuisse sententiam, aut  
cognoscendo quid sedes Apostolica  
definiret? Aut igitur collegas & fra-  
tres de proximo in conspectu vestro,  
vel catholicos sequi debuiſtis, vel im-  
petere si credebatis errare: nec illis, à  
quibus nullo discrimine vexabantur,  
præbere consensum, donec veritas ex  
omnibus patefacta constaret, & regu-  
lariter de eis Ecclesiastici iudicij for-

ma procederet. Sin verò sedis Apostolicę regulam subsequendo perspiciebatis illos hęc tenere constantiam, consequenter per illos, & quid nostra definitio contineret, non habuistis incertum; & illorum persecutoribus annuendo, à sedis Apostolicę, non ignorantes eius sententiā, consortio retrocessistis. Et adhuc dicitis ignorasse vos quid sedes Apostolica censuisset, cum ab illis sacerdotibus in catholica fide & communione polentibus, non verbis aut literis, sed personis pręsentibus, didiceritis vniuersa, & ab eadē vos proprio iudicio separasse videamini. Dicitis etiam Synodum in vnius hominis persona debuisse tractari, quam in damnandis tātis pontificibus catholicis non quęsistis. Quibus autem vultis, vt de talium causarum relatione credamus? catholicis, an hæreticis? ab om-

ni hæreticorum contagione discretis, an hæreticorum communione pollutis? Quis autem non videat illos esse catholicos, & ab omni hæretica peste prorsus alienos, qui propriis vrbibus detrusi, & in exilium sunt redacti: & eos qui superstitionibus catholicis successores fieri ausi sunt, catholicos omnino non esse, sed aut Eutyrianos manifestos, aut eorum sectatoribus communicantes? Hæc pestis apud eos hodièque perdurat. Siquidem & cum Petro Alexandrino, & cum Antiocheno Petro, indifferenter ij qui catholicis successerant communione permixti sunt, & successoribus vtriusque Petri hodièque miscentur. His adde etiam illos, qui licet catholicis non successerint, sed dum catholici pontifices haberètur, talium se communione iunxerunt. Hæc illa mixtura, hæc est illa confu-

sio, qua per Orientem totum inter catholicam hæreticamque communionem nulla discretio est: immo qui discerni temptauerit, potius habetur hæreticus, persecutione percellitur, exiliis & afflictione multatur. Restat ergo, vt in hac colluuiione cunctorum, sicut quisquis ab eadem separatus est, sinceræ communionis, & ideo catholicus comprobatur: ita quisquis illius detestandi commercij particeps inuenietur, quantum à sincera communione, tantum à catholica atque Apostolica sit remotus. Nec prætendat quisquam, quòd alicui forsitan euidentiori non communicasset vel communicare videatur hæretico. Quid enim iuuat, si illi non communicet, & his tamen communione iungitur, qui ab illius non sunt communione diuersi? Quòd si eorum nulli communicauit, vel non omnino

communicat, hic erit ille sinceræ; catholicæ, Apostolicæque communionis & fidei. alioqui nullomodo poterit indiscretæ illius mixtionis insinuerum vitare contagium. Hoc modò etiam ille vir bonus Acacius Antiocheno Petro, cui se palàm non communicare iactabat, per alios sine ambiguo communicasse detegitur. Neque enim ab omnium, qui Antiocheno Petro cõmunicabant, semet Acacius communione suspendit. Ac per hoc quid profuit, quòd videri volebat illi palàm non communicare, cui per suos complices subsiciuæ communionis necēbatur? Alexandrino Petro cõmunicauit Acacius. Sed donec aduixit Antiochenus Petrus, qui vtrique post Acacianum cum Petro Alexandrino fœdus initum defunctis ostenditur, nunquam Antiocheno Petro Alexandrinus Petrus commu-

nicare desiit. Quod catholicorum continet relatio sacerdotum, ceterorumque in catholica fide durantium, nec conscientiam latere potest totius Orientis. Et vt taceam, quòd per ipsum Zenonem Imperatorem, qui vti- que Antiocheno Petro, quem intro- duxerat, & cuius sacerdotium com- probauerat, sine dubio communione permixtus, communicabat Acacius: plurimos diuersarum vrbiũ Præsu- les possumus demonstrare, quibus cum Antiocheno Petro communi- cantibus nihilominus communica- bat Acacius, & per illos Antiocheno communicabat consequenter & Pe- tro. Sed hæc apud Græcos facilis & inculpabilis putatur esse permixtio, apud quos nulla est veri falsiq; discre- tio; & cum omnibus reprobis volunt esse communes, in nulla monstnan- tur probitate constare. Hic autem



ille est Petrus Antiochenus, quem nec per pœnitentiam ad communionem catholicam recipi etiam à sede Apostolica poposcit Acacius. Ac per hoc queruntur à nobis Acacium fuisse damnatum, cùm hac professione præmissa, & per infectos Antiocheni Petri recepta communione, se doceatur ipse damnasse. Vbi tamen non solum reus tenetur Acacius, sed omnes pontifices Orientales, qui pari modo in hæc cecidere contagia, meritoque simili damnatione tenentur obstricti, nec inde possint vllatenus expediri, nisi dum supersunt à talibus abstinendo. Nec nos oportet in talibus causis nisi illis credere, qui aut omnino se sciunt ab huius perfidiæ nexibus diuino beneficio seruare discretos, aut his qui à perfidorum consortio recesserunt. Nam in perfidorum contagio constitutis, quam

fidem pro sinceræ communionis testificatione possumus adhibere, qui infincera communione sunt polluti? Nec eorum testimoniis niti pro veritate poterimus, qui impugnare non veretur falsitatibus veritatem. Restat vt non nisi illis credere debeamus, qui ab omni contagione sunt liberi.

## EPISTOLA X.

VIGILII PAPÆ ENCYCLICA  
ad vniuersam Ecclesiam.

*Exponit causas secessus sui ad S. Euphemiam,  
& quid ibi egerit cum legatis Iustiniani.  
simulque fidei sue confessionem  
interferit.*

VIGILIUS EPISCOPVS ECCLESIAE  
catholicæ vrbis Romæ vniuerso  
populo Dei.

**D**Vm in sanctæ Euphemiae basilica grati laborantes ægritu-

dine detineremur, piissimus atque clementissimus Imperator, Dominicorum die, id est, v. Kalendas Februarij, gloriosos Iudices suos ad nos destinare dignatus est, id est, Belisarium & Cethegum Exconsules atque patricios, nec non & Petrum Exconsulem patricium atque Magistrum, sed & Iustinum Exconsulem & Curapalatij, & Marcellinum Quæstorem: qui nobis dicerent, vt sacramenta percipere deberemus, & de sanctæ Euphemie Ecclesia ad ciuitatem regiam remeare. Quibus tale dedimus Deo adiuuante responsum, dicentes, Nos quidem in hanc basilicam pro nulla pecuniaria vel priuata causa confugimus: sed pro Ecclesiæ tantum scandalo, quod iam in toto mundo pro peccatis innotuit. Et ideo, si causa Ecclesiæ ordinatur, vt pacem eius, quam auunculi sui piis-

simus princeps fecit temporibus, & modò restituat, ego sacramētis opus non habeo, sed statim egredior. Si autem causa Ecclesiæ finita non fuerit, item sacramentis opus non habeo : quia nunquam de sanctæ Euphemie basilica exire dispono, nisi scandalum ab Ecclesia Dei fuerit amputatum. Nam posteaquam edicta sua piissimus princeps iussit appendi, omnibus Episcopis diuersarum partium, sed & presbyteris atque diaconibus, necnon & clericis Constantinopolitanæ Ecclesiæ ad nos venientibus, in Placidiana domo, antequam ad S. Petri confugeremus basilicam, facie ad faciem ita locuti sumus, Rogate piissimum principem, vt edicta sua, quæ præcepit appendi, remouere dignetur, & constitutum commune debeat expectare. id est, vt scandalizati Episcopi Latinæ linguæ, aut ad

Synodum veniant, aut certè, remota  
 omni violentia, suas scripto decla-  
 rent sententias. Quòd si fortè preces  
 vestras audire noluerit, vos nulli rei  
 præbeatis assensum, quæ ad diui-  
 sionem tendit Ecclesiæ; nec contra  
 constitutum comminatione aliqua  
 veniatis. Quia si hoc forsitan, quod  
 non credimus, feceritis, noueritis vos  
 ex præsentī die, vt præuaricatores, à  
 beati Apostoli Petri fede per mini-  
 sterium vocis meæ communione sus-  
 pensos. Et quoniam his actis non  
 solum ea quæ commissa fuerant nul-  
 lomodo sunt correctæ: sed etiam ex  
 aliis causis die ipso, in præiudiciū  
 regularum Ecclesiasticarum, vel in-  
 iuriā sedis Apostolicæ, peiora præ-  
 sumpta sunt, nec vlteriùs eos com-  
 munionis nostræ permisimus esse  
 participes, nec aspectus eorum, post  
 tot præuaricationes, nostri oculi re-

ceperunt. Ea enim quæ verbo de memorata excommunicatione cunctis Episcopis, presbyteris, & diaconibus, aliisque clericis Constantinopolitanae Ecclesiae voce publica dixeramus, postea etiam die xix. Kalendarum Septembrium nuper præteritatum, in beati Petri basilica in Ormisda scripto firmauimus: in quo etiam illum \*, qui sub habitu Episcopali lupi rapacis dominico gregi semper tendit insidias, & assumens totius ducatum scandali, vniuersalem Dei perturbauit ac perturbat Ecclesiam, de Episcopatus ordine deponētes damnauimus: alios verò, qui superius memorati sunt, à communione suspendimus. Sed ob hoc hætenus paginam ipsius damnationis proferre noluimus, quoniam & clementissimum principem pro tali ac tanto scandalo ea quæ facta sunt, diuini considera-

Theodo-  
rum Cæ-  
sariensis.

tione iudicij, reuocare confidimus, & prædictis omnibus oportebat nos spatium pœnitentiæ reſeruare, imitantes beatum Petrum, cuius ſedem tenemus etſi immeriti. Chærtam verò ipſam excommunicationis, atque damnationis, cuidam Chriſtianæ perſonæ tradidimus conſeruandam: vt ſi forſitan hi qui exceſſerant nullo modo corrigere voluiſſent, aut ſi nobis viſ aliqua irrogaretur, ſiue quælibet inquietudo fieret, vel certè humana ſorte tranſitus de hac luce contingeret, mox eam in celeberrimis locis proponeret, quatenus eius notitia Chriſtianis omnibus patefacta ſeruaretur in poſterum. Dum hæc autem præfatis Iudicibus diceremus, rogauimus & coniurauimus eos, inuocato omnipotentis Dei iudicio, vt clementiſſimo Imperatori hoc quoque ex nomine noſtro ſuggerent,

quia illis qui à nobis excommunicati sunt, in quibus & is quem prædiximus est, communicare non debet, ne graue quod absit peccatum incurrat. His ita se habentibus, per magnificum virum Petrum Referendarium die pridie Kalendas Februarias quædam charta nobis est allata, quam à clementissimo principe nullomodo credidimus destinata, quia nec fuerat pietatis eius manu subscripta. Et dum memorato Referendario diceremus, vt in ea subscriberet, diemque quo ab ipso fuerat allata pariter designaret, omnino refugit hoc facere: quæ res suspicionem nostram, quia charta ipsa à piissimo principe nesciretur, apertè firmavit. Tantis enim à veritate sepositis rebus, atque iniuriis probatur esse plenissima, vt hanc imperialis oris nunquam credatur mansuetudo dictasse, maximè contra



tra illius primi Apostolorum vicarium, cuius olim reuerentiæ se frequentibus scriptis professus est debitorem. Memorata autem charta licet per se nullas vires obtineat, tamen contra eam ad singula, Deo iuvante, veraciter atque simpliciter respondetur: quatenus eius falsitas, quæ sapientibus viris semper est odiosa, à cunctorum animis plenius excludatur. Nunc autem omnibus hominibus hoc quoque curauimus indicandum, quoniam nos ad sanctæ Euphemie basilicam sub magno timore atque anxietate discessimus. Nam cum ad beati Petri basilicam in Ormisda fundatam Augusto mense nuper præterito fugissemus, nullum latere confidimus, quia cum in eadem Ecclesia à comitatu Prætoris, cum multitudine armatorum militum veniente tanquam ad bellum instructa acie, à

sancto eius altare tracti pedibus traheremur, tenuimus, & super nos etiam ipsa altaris mensa ceciderat, nisi clericorum nostrorum fuisset manibus sustentata. Postea verò, dum nobis dicitur, quòd exinde, nisi sacramenta voluissemus accipere, sub omni violentia traheremur, & memorati Iudices à piissimo Imperatore directi voluissent nobis sacramenta præstare, indiculum dedimus, per quod dari personæ nostræ scripto petiuimus iusiurandum. quod clementissimus princeps non quale nos volumus præberi concessit, sed quale ipsi placuit per Iudices suos dandum esse dictauit. Et dum sæpe dicti Iudices, posito indiculo super altare & cataracta beati Petri Apostoli, & super crucem quæ de ligno passionis Domini habet inclausum, sed & super clauēs beati Petri Apostoli præ-

stitissent corporale iusiurandum, ad Placidianas, tanquam nihil mali ulterius patientes, secundum piissimi principis rediimus voluntatem. In qua dum multa mala intolerabilia sæpius pateremur, quæ iam omnibus nota esse confidimus, prædictos Iudices tam verbo, dum ad nos sæpius à clementissimo fuissent principe destinati, quàm etiam scriptis, semel, secundò, & tertio credidimus contestandos, ut sacramenta quæ dederant conseruarent, & piissimo Imperatori suggererent, quatenus nullas inquietudines aut molestias, sicut nobis iuratum fuerat, pateremur. Dúmque nihil nostra toties vel verbo vel scripto contestatio profecisset, sed diebus singulis peiora etiam pateremur, ante biduum Natalis Domini per nos ipsos agnouimus, & auribus nostris audiuius, quia per singulos

memorata domus custodiremur ingressus: ita vt illi qui nobis ponebant insidias, à nostris hominibus plurimis viderentur, & eorum clamores in cubiculo, vbi manebamus, nocte qua discessimus audiremus. Quo facto, cum sub graui desperatione nocturnis horis, maximi & pauoris ægritudine teneremur, diffugimus, sicut locus ille poterit cunctis hominibus indicare. Nam si circumspiciatur quale quantumque discrimen metu faciente despeximus, vt per paruam maceriem fabricatium transire compediti dolore nimio in nocturna obscuritate positi cogeremur, tunc poterit euidenter agnosci, quanta nobis fuerit temporis pro sola Ecclesiæ causa necessitas, aut quanta custodia, quæ nos sub tali discrimine coëgit discedere. Sed ne quis forsitan, vt est peruerforum hominum malitia, de

prædicatione nostra religiosis animis, ac Deum timētibus, aliqua mentiatur, fidei nostræ prædicationem huic parvæ relationi malorum quæ pertulimus, credidimus subiungendam. Sciant igitur vniuersi, nos illam fidem prædicare, tenere, atque defendere, quam ab Apostolis traditam, & per successores eorum inuiolabiliter custoditam, reuerenda Nicæna Synodus CCCXVIII. patrum sancto Spiritu sibi reuelante suscipiens redegit in symbolum: ac deinde tres, aliæ sanctę Synodi, id est Constantinopolitana CL. patrum sub piæ memoriæ Theodosio seniore principe facta, & Ephesina prima, cui beatæ memoriæ Papa Cælestinus decessor noster, & Cyrillus Alexandrinus Episcopus præfuerunt: sed & Calchedonensis DCXXX. patrum, quæ sub piæ memoriæ Marciano Imp. conuenit, cuique sanctæ

recordationis decessor noster Papa Leo per legatos suos vicariósque præfedit, & prout diuersarum hæresum damnanda exigebat aduersitas, eandem fidem vno eodémque sensu atque spiritu declarantes latissimè ediderunt. Hinc est quòd Deus noster contra errorum huiusmodi feritatem pastorale cælitus armauit officium, quod beatissimo Petro Apostolo trina præceptione commendans ait,

*Pasce oues meas:* & rectè illi pascendarum est cura commissa, cuius fidei præclara confessio Dei est ore laudata. Confitenti enim salutariter, ac

*Tu es Christus filius Dei viui,* perennis beatitudo rependitur, & columbæ filius vocitatur, & clauis regni cælestis accipit. Interrogante siquidem Domino, quem eum dicerent esse filium hominis, eundem ipsum hominis esse Deique filium,

Ioan. 21.  
17.

Mat. 16.  
16.

sub mirabili interrogationis respon-  
 sionisque breuitate confessus est, *Tu  
 es Christus filius Dei viui*. Sacratissimæ  
 scilicet mysterium incarnationis eius  
 aperiens, dum in vnitæte personæ, ser-  
 uata geminæ proprietate naturæ, ho-  
 mo idemque Deus, & quod ex ma-  
 tre semper virgine sumpsit in tem-  
 pore, & quod natus ex patre est ante  
 sæcula, permaneret. Inconfusè au-  
 tem, & indiuisè, atque inconuertibi-  
 liter & subsistentialiter vniens sibi  
 carnem Deus verbum Emmanuel  
 noster, qui lege & prophetis adnun-  
 tiantibus expectabatur, aduenit. Ver-  
 bum caro factum est, & habitauit in  
 nobis. totus in suis, totus in nostris.  
 adsumens ex vulua carnem cum ani-  
 ma rationali & intellectuali: & sicut Prou. 9. 1.  
 scriptum est, ædificans sibi domum, Psal. 126.  
 tanquam sponsus procedens de tha-  
 lamo suo, ineffabili salutarique my-

sterio, qui in principio erat verbum,  
 & verbum erat apud Deum, & Deus  
 erat verbum, incarnatus Deus Dei fi-  
 lius ex Spiritu sancto, & ex beata Ma-  
 ria semper virgine humanitatis sum-  
 psit initium, vt nos æternitatis suæ  
 faceret cohæredes. nostræ consors di-  
 gnatus est esse naturæ, vt nos suæ im-  
 mortalitatis faceret esse participes.  
 pauper factus est cùm esset diues, vt  
 eius inopia ditaremur. omnia quæ  
 nostra sunt euacuato noxarum no-  
 strarum chirographo condonauit,  
 sicut vas electionis edocuit. Cùm in  
 forma Dei esset, non rapinam arbitratus  
 est esse æqualem Deo : sed semetipsum  
 exinaniuit formam serui accipiens, in si-  
 militudinem hominum factus, & habitu  
 inuentus vt homo. humiliavit se factus  
 obediens vsque ad mortem, mortem au-  
 tem crucis. Id peragens tam inscruta-  
 bilis mysterij & dispensationis arca-

Philip. 2. 6



no, vt mediator Dei & hominum homo Christus IESVS maledicto, quo primus homo terrenus mortis vinculis tenebatur adstrictus, secundus homo cælestis, dum mortem morte calcaret, absolueret. Passus carne est pro nobis Dei filius, crucifixus carne est, mortuus carne est, & die tertio resurrexit, vt diuina impassibili permanente natura, & carnis nostræ veritate seruata, vnus eiusdémque domini Dei nostri IESV Christi & passiones & miracula fateamur. Vt glorificationem capitis nostri totius Ecclesiæ corpus aspiciens, quales primitias in capite nostro, id est in Christo Deo ac domino intueretur ex mortuis, tales in his qui eius membra sunt in futuræ gloriæ præstoleretur aduentum. Ipse igitur redemptor noster sedet ad dexteram patris, vnus idémque sine confusione vtriusque naturæ, sine

diuisione personæ, & ex duabus atque in duabus creditus permanensque naturis. inde venturus iudicare viuos & mortuos. Pater autem cum eodem vnigenito filio, & Spiritu sancto, vnus est in deitate, & æqualis indiscretæque naturæ. Huius fidei plenitudinem Dominus noster post resurrectionem mandauit Apostolis dicens : *Ite, docete omnes gentes, baptizantes eos in nomine Patris, & Filij, & Spiritus sancti.* In nomine, inquit, dixit, non in nominibus. vt in quibus vna virtus, vna potestas, vna deitas, vna æternitas, vna gloria, vna omnipotentia, vna beatitudo, vna operatio est, vnâque natura, vnus quoque nominis existat integritas. Nihil in deitate quippe discretum est, cùm tantum personarum proprietas manifesta distinctione signetur. Totum ergo quod Trinitas est permanet

Marc. 16.  
19.

consubstantialis & indiscreta diuinitas. Hanc fidem à me sub breuitate narratam, doctrinæ prophetiæ atque Apostolicæ congruentem, suprascriptorum patrum latiùs explanauit assertio. cum sicut diximus aut hæreticorum infestantium conuinceretur aduersitas, aut rectorum dogmatum efficaciter declararetur auctoritas. Hanc quoque fidem præfatarum quatuor Synodorum, sed & beatorum decessorum nostrorum epistolis de fidei integritate conscriptis, continet laudanda confessio. quæ doctrinæ sedis primi Apostolorum per omnia probatur adsimilis, & nulla ex parte discordans. Huic ergo fidei, vel omnibus quæ in supradictis quatuor Conciliis à sanctis patribus nostris definita sunt, contradicentes hæreticos condemnamus. id est Arrium, Macedonium, Eunomium, cum dog-

matibus suis, & omnes qui errori eorum consenserūt atque consentiunt. Anathematizamus etiam Paulum Samosatenum, Photinum, Bonosum, atque Nestorium, cum nefariis doctrinis suis, & quicumque eorum blasphemias præbent aut præbuerunt aliquando consensum. Item anathematizamus Valentinum, Manichæum, Apollinarem, atque Eutychem, simulq; Dioscorum defensorem, cum execrabilibus commentis & prædicationibus suis, & omnes qui erroribus eorum usque in die mortis suæ implicati manserunt. Sed si quos hæreticos nominatim omisimus, in cuiuslibet erroris morbo pollutos, & usque ad suum exitum permanentes, cum propriis erroribus condemnamus, abicimus, atque respuimus: solam fidem catholicam, quam in superscriptis quatuor sanctis Conciliis

ab Apostolis traditam susceperunt, & suis expositionibus declaratam per successores suos usque ad nostra tempora transmiserunt, inuiolabiliter operante gratia Domini custodimus. Et quoniam nullus Christianorum usque ad præsentem diem gestarum rerum incertam debet habere notitiam, etiam quæ post tantæ relationis supplementum facta sunt simili ratione narramus. Dum hesternæ die, id est Dominicorum, qui fuit pridie Nonas Februarias, magnificus vir Petrus Referendarius ad nos cum mandatis clementissimi principis remeasset dicens, Quando vultis ut veniant Iudices, & vobis præbeant sacramenta, quatenus de hac in qua residetis Ecclesia egredi debeatis, & securi ad regiam ciuitatem remeare? ita ei publica voce respondimus: Et per gloriosos Iudices palatij, sicut præfati

sumus, cum quibus & tua magnitudo ad sanctam Euphemiam venerat, quę superius sunt dicta mandauimus, & nunc per te denuo clementissimo principi hæc dicimus suggerenda. Nos ad pietatem tuam festinantes ante septem annos de ciuitate nostra sic egressi sumus, vt nulla haberemus priuata negotia. Nunc quoque suggerimus, & rogamus pro pace, quam per pietatem tuam pridem Deus donauit Ecclesiæ, vt eam nullorum hominum turbari ampliùs insinuatione permittas: nec auctorem totius scandalı Theodorum vltra vexare fidem catholicam patiaris. quoniam ante sex menses à nobis inter alios communionē sacra priuatus est, & ab Episcopatu pro sua prauitate depositus. per eam videlicet paginam, quam adhuc pro mansuetudinis vestrę intuitu, & spe conuersionis eius, sicut

dictum est, publicè proferre distulimus. Illud etiā pari modo per magnitudinem tuam eius auribus intimamus, quia de causa Ecclesiæ per te nullum possumus dare responsum, ob hoc quòd quædam, quæ tibi dicimus nuntianda eius clementiæ, profiteris te non posse suggerere. Et ideo si directis duobus Iudicibus, quorum nomina tibi in præsentī prodidimus, sacramēta præstare dignetur, ut post hæc sine metu periculi fratrem nostrum Datium Episcopum Mediolanensis Ecclesiæ, vel alios quos cum eo transmiserimus, loco nostro suscipiat, parati sumus dirigere, ut per eos de Ecclesiastica causa quæcumque mandauimus veraciter innotescant. Siquidem Ecclesiæ causa nulla sacramenta nobis dari deprecamur : sed mox pro gratiarum actione eius occurrimus pietati. quia nihil aliud est

quod præter scandalum nos Deo ad-  
iuuante perterreat, vnde ampliùs in  
sanctæ Euphemie basilica sedeamus.  
Supplicamus enim Deo nostro, &  
precibus indefessis optamus, vt per  
eum sublata dissensione pax, quam  
piæ memoriæ auunculi sui fecit ipse  
temporibus, reparetur Ecclesiæ. Nam  
si vlla prouenerit vltra dilatio, nos ne-  
cesse est causam modis omnibus de-  
finire. quia neque proximos, neque  
alios parentes, aut quamlibet sub-  
stantiam, animæ nostræ, vel piissimi  
principis opinioni præponimus. Da-  
ta Nonis Februarij, imperante domi-  
no Iustiniano PP. Aug. anno xxv.  
Post Consulatum Basilij v.c. anno x.

F I N I S.











